


P0 1625 G2A14 1882a Bd.3



SAMMLUNG **RANZ**ÖSISCHER NEUDRUC**KE**

KARL VOLLMOLLER

ROBERT GARNIER LES TRAGEDIES

TREVER SOFTUCK

DER ERSTEN GESAMMT I STADEAREN SOFT

MIT DEN VARIANTEN MITTIK VRURGGEHENTEN

AUSGABEN VND EINEM GLOSS.IT

LIATREGIEN

WENDELIN FOEDSTFE

DRITTER BAND

ANTIGONE, LES IVIEVES.



HEILBRONN VERLAG VON GEBR. HENNINGER 1558.

SAMMLUNG

FRANZOSISCHER NEUDRUCKI

Während es an bequem zugänglichen Ausgaben als französischer Texte in Deutschland und Frankreich fehlt, ist man für die mittlere und neuere Zeit beinal ausschliesslich auf französische Publikationen angewieser die, kostspielig ausgestattet und in beschrankter Zahl al gezogen, meist schwer erreichbar sind. Gar manche i Sprach- und Literaturgeschichte wichtige Denkmäler sin in Frankreich überhaupt nicht wieder neu herausgegebe worden. Hier soll die "Sammlung französischer Na drucke" eingreifen. Dieselbe wird metrische und prosaisel Dichtungen, französische Grammatiken (so vor allem d zahlreichen, überaus wichtigen des 16. Jahrhunderts alte Versichren, literar- und kulturgeschichtliche Abhar lungen, auch genaue Abdrücke erster Ausgaben d Hauptwerke der französischen Klassiker enthalten. Ausgaben werden je nach Bedurfnis entweder von Druc fehlern gereinigte Neudrucke oder kritische Texte so Jedes Bändchen wird mit einer Einleitung und mit A merkungen versehen, die kurz und bündig alle ; Verstandnis Notige bringen. Typographische Nachbildu der Originale ist schon im Interesse der Uniformität Sammlung ausgeschlossen, dagegen wird die orthograpi sche Gestalt der alten Drucke genau beibehalten, u so dürften die Ausgaben auch für die Geschichte französischen Orthographie von Wert sein. Ihre V

SAMMLUNG PRANZÖSISCHER NEUDRUCKE

HERAUSGEGEBEN

VOX

KARL VOLLMÖLLER

5

ROBERT GARNIER LES TRAGEDIES

TREUER ABDRUCK
DER ERSTEN GESAMMTAUSGABE (PARIS 1585)
MIT DEN VARIANTEN ALLER VORHERGEHENDEN
AUSGABEN UND EINEM GLOSSAR

HERAUSGEGEBEN

VON

WENDELIN FOERSTER

DRITTER BAND:

ANTIGONE, LES IVIFVES.



HEILBRONN VERLAG VON GEBR. HENNINGER 1883.



PQ 1625 G2A14 1882a Bd. =

INHALT.

									Seite
Antigone .									1 (383)
Les Iuifues									95 (477)



 $\begin{array}{c} \text{[203']} & \text{ANTIGONE.} \\ & \text{ov} \\ & \text{LAPIETÉ,} \\ & \text{TRAGEDIE.} \end{array}$

[204] A MONSEIGNEVR

BRISSON. CONSEILLER

du Roy en fon Confeil priué,

et President en sa Cour

de Parlement

 ${f T}L$ me founient. Monfeigneur, que lors que la genereufe Hiberalité de nostre bon Roy (non iamais affonny d'illustrer les belles et admirables vertus de ses sujets) eust honoré la docte preud'hommie de monfeigneur de Pibrac, de la fouveraine dignité de Prefident à la Cour, les Muses 5 me meirent à propos l'en de mes Tragiques ouurages en main, pour testifier en mon efgard la publi[204"]que alaigresse que la France auoit de son aduancement. Et ores. que la mesme debonnaireté de nostre mesme Roy a voulu decorer vostre semblable vertu d'une mesme dignité, en ceste 10 mesme Cour, les mesmes Tragiques Muses me viennent tirer des mains cet ouurage de mesme stile et saçon: pour, vous le presentant, demonstrer que ie ne veux estre seul qui ne communique à l'vniuerfel conjouissement de ce Royaume, por le nouvel ornement de vos merites. Car qui est le 15 F ançois, ehez lequel n'ait penetré la celebrité de vostre

nom? qui n'ait l'oreille repue et trauersee du son de vos louanges? voire qui ne soit tiré en vne merueillable admiration, de voir les astres et les hommes ainsi conspirer 20 à [205] l'embellissement d'vn si digne sujet? Ie ne puis dire que nostre âge (bien que miserable) soit vn siecle de fer, ce pendant que ie verray la vertu ainfi esclater au pourpre de Senateurs; sur le throne de la supreme Iustice de ce Royaume, telle que nous la voyons reluire en la droite 25 equité de ces six reverables peres, qui tiennent en ce saint Areopage le premier rang d'authorité: et aufquels la vertueuse saison de nos ancestres ne se peut vanter d'auoir rien produit de pareil. Pour le moins deuons-nous espercr de nostre bon Prince, comme d'vn second Auguste, le re-30 tour d'vn siecle d'or, tandis que tels Pilotes maniront, sous le bon-heur qui l'accompagne, le gouvernail de su Iustice. Mais ie m'esgare, Monseigneur, et sans y penser, [205] poussé de l'impetuosité de mon desir, ie me viens embarquer sur la mer de vos louanges: et au lieu de vous 35 presenter vne Tragedie, ie semble vouloir entrer en vn Panegyric. Ie me radresseray donc, pour vous entretenir des infortunes de cefte pitoyable Antigone, qui reuiuant en nostre France, se vient, comme esperdue, ietter entre vos bras, pour luy estre aussi fauorable support, qu'elle 40 fut debonnairement le soustien et conduitte de son miserable pere.

> Vostre tres-affectionné seruiteur R. GARNIER.

[206] ARGVMENT D'ANTIGONE.

CHacun sçait, comme Edipe fils de Laye Roy de Thebes, et d'Iocaste sa femme, sut exposé à mort sur le mont Cithéron, aussi tost qu'il fut né: pour auoir esté predict au Roy qu'il seroit vn iour par luy occis. Et que Phorbas pasteur de Polybe Roy de Corinthe, qui passoit d'auan- 5 ture, le voyant pendu à vu arbre les iambes trauersees d'vn osier, et le trouuant bel enfant à son gré, le porta à la Royne sa maistresse, qui n'en auoit aucuns, laquelle le nourrit et eleua comme fien. Et que deuenu grand, ayant fur la verité de son origine consulté l'oracle d'Apol-10 lon, il luy fut dict, qu'il trouueroit son pere pres de Thebes: où s'estant acheminé il eut fortuitement querelle auec les gens du Roy, qu'il rencontra en chemin fans le cognoiftre, lequel accouru au fecours des fiens, fut par luy occis en la meslee. Que depuis estant retourné à 15 Thebes, et l'ayant deliuree des molesties du Sphinx, il espousa la Royne Iocaste sa mere, et eut d'elle quatre enfans, Eteocle, Polynice, Antigone, et Ifmene. Que quelque temps apres, la ville estant mortellement infectee d'vne longue et irremediable peste, il entendit de l'oracle, que 20 la contagion ne cesseroit que la mort du defunct Roy ne fust vengee. Ce qui sut cause, que s'estant plus exactement informé du temps, du lieu, et de la façon de ce meurtre, il decouurit que c'estoit luy mesme qui l'auoit [206] perpetré, et qu'il auoit commis inceste auec sa 25 mere. Et qu'ayant horreur de telles execrations, il s'arracha les yeux de ses propres mains, quitta la ville, et alla faire penitence fur les rochers de Cithéron, passant ses miserables iours en lamentations et regrets, auec Antigone, qui ne le voulut abandonner. Or ce pendant 30 Eteocle et Polynice ses fils entrez en differend pour le droict du Royaume, conuindrent et accorderent en fin de regner fuccessiuement d'an en an. Et sujuant cet accord.

1 ×

Eteocle ayant, comme aisné, commencé sa charge, s'y 25 trouua si bien, que son temps expiré il ne voulut laisser prife et se demettre du gouvernement, pour receuoir vn fuccesseur. Dequoy Polynice instement indigné se retira vers les Princes de Grece, pour implorer leur aide au recouurement de fon Royaume. Et entre autres s'adressa 40 au Roy des Argiens Adraste, qui l'ayant faict son gendre. assembla vne forte armee pour le remettre en ses terres, et en dechasser l'ysurpateur. Ils camperent pres les murailles de Thebes, où eftoit Eteocle, qui mist toutes ses forces aux champs, et à l'instant se donna vne cruelle et 45 fanglante bataille, où mourut la plus part des deux armees, mesmes les chess et capitaines. Polynice extremement desplaisant de la mort de Tydee son beau-frere, de Capanee, Hippomedon, Amphiaree et Parthenopee, belliqueux et magnanimes feigneurs, fift appeller fon frere Eteocle 50 au combat, auguel ils entrerent fi furieusement, [207] à la veuë des deux camps, qu'ils demeurerent tous deux morts fur la place. Dont locaste aduertie, se donna d'vn poignard dans le fein, et mourut. Les Argiens d'autre part voyans celuy mort, pour lequel ils auoyent prins les 55 armes, et se sentans merueilleusement affoiblis de la perte qu'ils auovent faitte, leuerent le fiege, et se retirerent haltiuement. Creon frere d'Iocaste s'estant sait Roy, sait enterrer ses morts, auec defense à peine de la vie, d'inlumer les corps des ennemis, et sur tous celuy de Poly-60 nice, motif d'vne fi funeste guerre. Et pour l'execution de son ordonnance, fait asseoir des gardes pour surprendre les infracteurs d'icelle. Ce non-obstant Antigone se re-sout d'enseuelir son frere, et de ne le laisser manger aux bestes et oiseaux: mais comme elle vaquoit à ce pitoyable 65 office, elle est prise et menee à Creon, qui la condamne à mort. Elle est descendue et enclose en vne cauerne pour y mourir de faim: mais elle, sans attendre vne si longue mort, s'estrangle de ses liens de teste. Creon l'auoit fiancee auec Hemon fon fils, qui l'ayant trouuee 70 morte en ceste cauerne, où il estoit entré pour l'en tirer, vaincu d'amour et de douleur, se trauerse le corps

de fon espee, et trespasse sur celuy de sa maistresse. Les nouvelles de ce piteux accident venues aux oreilles de la Royne sa mere, la saissrent d'une si intolerable doulleur, qu'elle se tua sur l'heure. Creon comblé de tristesse pour l'amas de tant de soudains et multipliez desastres, [207] sait de lamentables regrets, qui serment la catastrophe de ceste Tragedie.

Ce subiet est traitté diversement, par Eschyle en la Tragedie intitulee Des sept Capitaines à Thebes, par So-so phocle en l'Antigone, par Euripide aux Phenisses, et par Seneque et Stace en leurs Thebaides. La representation

en est hors les portes de la ville de Thebes.

LES ENTREPARLEVRS.

Edipe.
Antigone.
Iocafte.
Meffager.
Polynice.
Hemon.
Ifmene.
Chœur de Thebains.
Creon.
Chœur de Vieillards.
Les gardes du corps de Polynice.
Chœur de filles Thebaines.
Eurydice.
Dorothee.

$[208] \quad \mathbf{A} \mathbf{N} \mathbf{T} \mathbf{I} \mathbf{G} \mathbf{O} \mathbf{N} \mathbf{E}.$

οv

LA PIETÉ,

TRAGEDIE.

AUTE I.

EDIPE. ANTIGONE.

Edipe.

5

10

15

TOY, qui ton pere aueugle et courbé de vieillesse Conduis si constamment, mon soustien, mon addresse, Antigone ma fille, helas! retire toy,
Laisse moy malheureux souspirer mon esmoy,
Vaguant par ces deserts: laisse moy ie te prie,
Et ne va malheurer de mon malheur ta vie.
Ne consomme ton âge à conduire mes pas,
La sleur de ta ieunesse auec moy n'vse pas,
Retire toy ma fille. Et dequoy me prosite,
Me voulant souruoyer, ta sidelle conduite?
Ie ne veux point de guide au chemin que ie suy:
Le chemin que ie cherche est de sortir d'ennuy,
[208] M'arrachant de ce monde, et deliurant la terre
Et le ciel de mon corps, digne de son tonnerre.

Pour ne voir plus le ciel aueugler me suis peu, Mais ce n'est pas assez, car du ciel ie suis veu: Le ciel tout regardant est tesmoin de mon crime, Et ne m'engoussire helas! sous l'infernal abysme, Me fonffre, abominable, encores aualer,

20 Les faueurs de la terre, et le ferein de l'air.

Retire donc ta main qui tendrement me ferre,
Et permets que tout feul par ces montagnes l'erre.

Et permets que tout seul par ces montagnes i'erre. l'iray sur Cithéron aux longs coustaux toussus, Où dés que ie su né, dés qu'au monde ie sus

25 Ma mere m'enuoya, pour dans vn arbre paiftre Les corbeaux de ma chair qui ne faifoit que naiftre: Il me demande encore, il me faut là tirer. C'est luy, c'est Cithéron, que ie doy desirer: C'est mon premier seiour, ma demeure premiere, 30 C'est la raison qu'il soit ma retraitte derniere.

Ie veux mourrir vieillard, où ie fus destiné
De mourir enfançon, si tost que ie fus né.
Redonne moy la mort, rens moy la mort cruelle,
La mort, qui me suiuoit tiré de la mamelle,

35 O meurtrier Cithéron: tu m'es cruel toufiours, Et mes iours allongeant, et retranchant mes iours, Pren ce corps qui t'eft deu, cefte charongne mienne, Execute fur luy l'ordonnance ancienne.

Las! pourquoy me tiens-tu? ma fille: et vois-tu pas 40 Que mon pere m'appelle et m'attire au trefpas?

Comme il fe monftre à moy terrible, efpouuentable?

Comme il me fuit toufiours et m'eft infeparable?

Il me monftre fa playe, et le fang iailliffant

[209] Contre ma fiere main, qui l'alla meurtriffant.

Antigone.

45 Dontez, mon geniteur, ceste douleur amere.

Edipe.

Et qui pourroit donter vne telle misere? Dequoy sert plus mon ame en ce coupable corps? Que ne sors-tu, mon ame? helas! que tu ne sors D'vn si mechant manoir? penses-tu qu'il me reste

50 Encore vn parricide, et encore vn inceste?
I'en ay peur, i'en ay peur, ma fille laisse moy:
Le crime maternel me fait craindre pour toy.

Antigone.

Ne me commandez point que ie vous abandonne,

ANTIGONE. 9

60

65

70

80

55

90

Ie ne vous laisseray pour crainte de personne: Rien rien ne nous pourra separer que la mort, Ie vous seray compagne en bon et manuais sort.

Que mes freres germains le Royaume enuahissent, Et du bien paternel à leur aise jouissent:

Et du bien paternel à leur aife iouissent:
Moy mon pere i'auray, ie ne veux autre bien,
Ie leur quitte le reste et n'y demande rien.
Mon seul pere ie veux, il sera mon partage,
Ie ne retiens que luy, c'est mon seul heritage.

Nul ne l'aura de moy, non celuy dont la main S'empare iniustement du beau sceptre Thebain:

Non celuy qui conduit les troupes Argolides: Non pas fi Iupiter de foudres homicides Les terres escrouloit, et fumant de courroux

Descendoit maintenant pour se mettre entre nous, Il ne seroit pourtant que ceste main vous lâche, Ie seray vostre guide, encor qu'il vous en sâche.

Ne me reiettez point, me voulez-vous priuer Du bonheur le plus grand qui me puisse arriuer?

S'il vous plaîtt de grauir fur l'ombrageuse teste D'vn coustau bocager, me voyla toute preste:

[209^v] S'il vous plaist vn vallon, vn creux antre obscurci, 55 L'horreur d'vne forest, me voyla preste ausi:
S'il vous plaist de mourir, et qu'vne mort soudaine
Seule puisse estouser vostre incurable peine,
Ie mourray comme vous, le nautonnier Charon

Nous passer tous deux les vagues d'Acheron.

Mais ployez, ie vous pry, cet obstiné courage,
Surmontez vostre mal, surmontez vostre rage.
Où est de vostre cœur la generosité?
Voulez-vous succomber sous vne aduersité?

Edipe.

O la grande vertu! bons Dieux! ce peut-il faire Que i'aye onque engendré fille si debonnaire? Ce peut-il faire helas! qu'vn lict incestueux Ait peu iamais produire enfant si vertueux? Desormais ie croiray qu'vne Loune outrageuse Nourrisse dans ses flancs vne Brebis peureuse: Que d'vn Pigeon craintif soit vn Aigle naissant, Et d'vn Cerf lasche-cœur vn Lion rugissant: Que la nuict tenebreuse engendre la lumiere, Et la brune Vesper l'Aurore iournaliere:

95 Puisque d'vn sale hymen, que nature defend, De la mere et du fils; peut naistre vn tel enfant.

Laisse moy, mon fouci, veux-tu bien que i'endure Que mon pere soit mort sans venger son iniure? Pourquoy me serres-tu de ta virgeale main

100 Ma dextre parricide, et mon bras inhumain, Taché du mesme sang qui me donna naissance? Mechante, abominable et pestisere engence!

Ie ne fay qu'allonger la trame de mes maux: Ie ne vy pas, ie fens les funebres trauaux

105 D'vn qui tombe au cercueil, mon ame prisonniere
[210] Est close de ce corps, comme vn corps de sa biere.
Tu penses me bien faire en prolongeant ma fin,
Mais ie n'ay rien si cher qu'accourcir mon destin.
Tu retardes ma mort qu'auancer ie desire,

110 Et me cuidant sauuer ta main me vient occire.

Car la vie est ma mort, et mon mal deuorant

Ne peut estre guari si ce n'est en mourant.

» Qui contraint viure aucun qui n'en a pas enuie,

» N'offense moins qu'ostant à quelque autre la vie.

Du Royaume Thebain l'antique dignité:
Mais ie n'ay pas, laissant ce royal diadéme,
Despouillé le pouuoir que i'auois sur moymesme.
Ie suis maistre de moy, personne ne me doit

120 Defendre, ou commander: car moy seul i'ay ce droit.

Antigone.

N'aurez-vous point pitié de ma douleur amere?

Edipe.

N'auras-tu point pitié du malheur de ton pere?

Antigone.

Vostre malheur est grand, mais vn cœur genereux Surmonte tout malheur, et n'est point malheureux.

125

135

140

145

Edipe.

Le malheur où ie fuis n'est pas remediable.

Antigone.

Du malheur qui vous poingt vous n'estes pas coupable.

Edipe.

Apres m'estre du sang de mon pere polu?

Antigone.

Non, puifque l'offenfer vous n'auez pas voulu.

Edipe.

I'ay ma mere espousee, et massacré mon pere.

Antigone.

Mais vous n'en fçauiez rien, vous ne le pensiez faire.

Edipe.

C'est vne forfaicture, vn prodige, vne horreur.

Antigone.

Ce n'est qu'vne fortune, vn hasard, vne erreur.

Edipe.

Vne erreur, qui le fang me glace quand i'y penfe.

Antigone.

Ce n'est vrayment qu'erreur, ce n'est qu'vne imprudence.

 $[210^{v}]$ Edipe.

Quel monstre commit onc telle mechanceté?

Antigone.

»Personne n'est mechant qu'auecques volonté.

Edipe.

Ce sont propos perdus: Tu ne sçaurois combatre

Par tes fortes raisons mon cœur opiniastre.

I'ay desir de mourir, et de plonger mon mal Auec mon ame serue, en l'abysme insernal:

Et si plus bas encore vn trespasé deuale,

Plus bas ie veux tomber que la voûte infernale.

Penses-tu pour m'oster de la dextre le ser, Pour m'oster vn licol, ourdy pour m'estousser,

Pour destourner mes pas des roches sourcilleuses,

Et pour me reculer des herbes venimeuses,

M'empescher de mourir? tu tasches pour neant De me clorre l'enser qui est tousiours beant. La mort s'offre sans cesse: et combien que la vie

150 De tout chacun puisse estre à tout moment rauie,

La mort ne l'est iamais, la mort on n'oste point.

Quiconque veut mourir, trouue la mort à poinct.

Mille et mille chemins au creux Acheron tendent,

Et tous hommes mortels, quand leur plaist, y descendent.

155 O mort, ô douce mort! viens eftouper mes fens, Et me perce le cœur de tes dards meurtriffans, Defchire moy le fein de tant d'horreurs capable, Arrache moy la vie, et l'efteins, pitoyable, Sous cette roche dure en eternel recoy,

160 Et que iamais Phebus ne rayonne fur moy. Laiffe le Styx, mon pere, et toufiours accompague La bourrelle Alecton, de mon ame compagne: Voy fes tifons foulfreux, fes foüets, et fes ferpens Enflez de noir poifon, fur mes poumons rampans,

165 Mon eternelle peine, et la prens pour vengence,
[211] Ta douleur confolant de mon horrible offense.
Que s'il ne te suffist, comme certe il n'est mal
Pareil à mon forfait, à mon forfait egal,

Si tu te deulx encor' du peu de mes encombres,

Sur les bourbeux palus des creux Enfers grondans, Fay que la terre s'ouure et me pousse dedans: Fay moy porter le roc, qui sans cesse deuale, Fay moy soussir la soif et la faim de Tantale,

175 Que du cault Promethé i'aye la paßion, Du tomant Salmonee, et du traistre Ixion: Tous leurs tourments ensemble à peine pourront estre Suffisans pour moy seul, damné denant que naistre. Sus donc Edipe, sus, ne t'outrage à demy,

Tes yeux feuls n'ont forfait, tu es en tout coupable,
Et n'y a rien de toy qui ne foit punissable.
Ouure toy l'estomac, dechire toy le sein,
Arrache toy le cœur de ta sanglante main,

A ton pere le prix de fa mortelle playe.

215

220

Antigone.

Pour Dieu, mon Geniteur, appaifez voftre mal, Puis qu'il ne vient de crime, ains d'vn malheur fatal: Escoutez-moy pauurette, et vostre oreille douce Ma suppliante voix par desdain ne repousse. 190 Ie ne demande pas que vous vueillez encor Reprendre en vostre main le sceptre d'Agenor: Ie ne demande pas, que de loix falutaires Vous vueillez gounerner vos peuples volontaires, Et que vostre famille abysmee en malheur 195 Vous vueillez redresser en son antique honneur: [211^v] Ie ne vous requiers pas que le dueil qui vous tue Vous vueillez despouiller de vostre ame abatue: » Combien qu'il appartienne à l'homme de grand cœur, »D'estre de la fortune en ses assauts vainqueur, 200 »Et de ne fuccomber à la douleur maistresse: » Ains de fouler aux pieds la rongeante triftesse, » Qui rampe dans noftre ame, incurable poifon, »Si lon ne la destrempe auecques la raison.

Pourquoy recourez vous à la mort pour remede?

Sinon que voître force à la Fortune cede,
Que contre fon affaut vous n'estes affez fort,
Et que vous ne pouuez soustenir son effort.

Mais las! que sçauroit plus la Fortune vous saire?

Sçauroit-elle estre plus qu'elle vous est contraire?

1 upiter, qui peut tout, ne sçauroit augmenter

Le comble du malheur qui vous fait lamenter.

Quel bien esperez-vous aux riues tenebreuses,
Eternel compagnon des ames malheureuses,
Que vous n'ayez ici? Ne souffrez-vous autant
Que vous pourriez souffrir sur l'Acheron estant?
Qu'est-ce qui vous asprist? quelle sureur vous pique
De vouloir deualer au marez Plutonique?
Est-ce pour ne voir plus ce beau iour escarté?
Vos yeux perdent du iour l'amiable clarté.
Est-ce pour vous priuer du royal diadéme?
Pour quitter vos palais? Vous en priuez vous mesme.
Est-ce pour vous bannir loin de vostre païs,

Loin de femme et d'enfans? Vous les quittez haïs: 225 Vostre sort inhumain de cela vous deliure.
Partant vous ne deuez vous lamenter de viure.
Car la vie vous oste autant que le trespas
[212] A constume d'oster à ceux qui vont là bas.
Quel bien vous peut donner cette mort souhaitee?
230 Qu'aurez-vous plus estant vne ame Acherontee?

Edipe.

Ie me veux separer moymesme de mon corps:
Ie me fuiray moymesme aux Plutoniques bords:
Ie fuiray ces deux mains, ces deux mains parricides.
Ce cœur, cest estomac, ces entrailles humides
235 Horribles de forsaits, i'essoigneray les cieux,

L'air, la mer, et la terre, edifices des Dieux.

Puis-ie encore fouler les campagnes fecondes Que Cerés embellift de cheuelures blondes? Puis-ie respirer l'air? boire l'eau qui resuit? 240 Et me paistre du bien que la Terre produit? Puis-ie encore, polu des baisers d'Iocaste, De ma dextre toucher la tienne qui est chaste?

Puis-ie entendre le fon, qui le cœur me refend,
Des facrez noms de pere et de mere et d'enfant?
Las! dequoy m'a feruy qu'en la nuict eternelle
l'aye fait amortir ma lumiere iumelle,

Si tous mes autres sens egalement touchez

De mes crimes ne font comme mes yeux, bouchez?

Il faut que tout mon corps pourrisse sous la terre,

250 Et que mon ame trifte aux noirs riuages erre,
Victime de Pluton. Que fay-ie plus ici
Qu'infecter de mon corps l'air et la terre außi?

Ie ne voyois encor la clairté vagabonde Du iour, et ie n'eftois encores en ce monde, 255 Les doux flancs maternels me retenoyent contraint,

Qu'on me craignoit desia, que i'estois desia craint.
Aucuns sont deuorez de la Parque seuere
Si tost qu'ils sont sortis du ventre de la mere:
[212^v] Mais las! ie n'en estois encore à peine issu,

260 Voire ie n'estois pas de ma mere conceu

265

270

275

280

285

990

295

Que ia desia la mort me brandissoit sa darde, Lors trop prompte à m'occire, et ores trop musarde. On arresta ma mort (miserable) deuant Que ie susse animé, que ie susse viuant.

O l'estrange auanture! vn pere veut desfaire Son petit enfançon premier que de le faire, Deuant que l'engendrer, et commande tuer Celuy qui le deuroit viuant perpetuer: Las! il craint le contraire, et son ame timide Pense que cet enfant sera son homicide.

Ainsi deuant que naistre, ains deuant qu'estre faict I'estois ia crimineux d'vn horrible forfaict: I'estois ia parricide, et ma vie naissante D'vn sort contraire estoit coupable et innocente. Ie sus mis an supplice außi tost que ie peu Gouster l'air de ce monde et que i'en sus repeu. On me perça les pieds d'vne broche slambante, Et haut on me pendit en la forest mouuante Du pierreux Cithéron, au sommet d'vn rocher, Pour nourrir les corbeaux de ma tendrette chair. Mais helas! le Destin nuisiblement propice A mon futur malheur, m'arracha du supplice,

Me preseruant pour l'heure, à fin que d'vn poignard l'ouurisse vn iour le sein de mon pere vieillard, Que ie deuois meurtrir par la voix prophetique, Trop veritable helas! de l'oracle Delphique.

Or l'ay-ie massacré de cette dure main,
Vrayment dure et cruelle, et l'empire Thebain
L'ay conquis par sa mort, ornant la mesme dextre,
[213] Qui l'ame luy tolut, de l'honneur de son sceptre.

Encor ne fust-ce tout: car le ciel me voulant Accabler de messaicts, et les accumulant Par monceaux entassez, me feit (ô chose infame!) L'incestueux mary de ma mere, sa femme. Quel Scythe, quel Sarmate, et quel Gete cruel, Despouillé de raison, commit onc rien de tel? I'ay ma dextre laué dans le sang de mon pere, I'ay d'inceste polu la couche de ma mere.

I'ay produit des enfans en son ventre fecond, 300 Qui freres et enfans tout ensemble me sont.

Ores i'ay tout quitté, fors toy mon Antigone, I'ay laißé femme, enfans, et de Thebes le throne, Le loyer de mon crime, helas! mais auiourd'huy Voyla ma geniture en bataille pour luy.

205 Le frere vent du frere et le bien et la vie, Tant ils ont de regner vne brussante enuie, Tant ce desir les ronge, et ceste authorité Les contraint de forcer tout droict de pieté.

Ce malheur est conioinct au sceptre Agenoride, 310 De s'acquerir tousiours auecque parricide:
Außi mes deux enfans y courent acharnez
Comme Lyons griffus au combat obstinez.
Polynice se plaint que son frere luy vole
Son droit, et le fraudant, sa promesse viole:

Contre ceux qui les ont en ferment pariurez:
A faict armer, banny, pour la querelle fienne
Les Gregeoifes citez, la ieuneffe Argienne:
Veut forcer fon germain, qui ne luy veut ceder

220 Le royaume vfurpé, qu'il veut feul posseder.

[213^v] Le terroir Cadmean fourmille de gendarmes,
Tout est plein de cheuaux, de dards, de seux, de larmes,
De plaintes et de cris: le laboureur s'enfuit,
Tout ce bord retentist de tumulte et de bruit.

Antigone.

Quand vous n'auriez, mon pere, autre cause de viure, Que pour Thebes desendre et la rendre deliure Des combats fraternels, vous ne deuez mourir.

Ains vos iours prolonger pour Thebes secourir:
Vous pouuez amortir cette guerre enslammee,
330 Seul vous auez puissance en l'vne et l'autre armee:
Des mains de vos ensans vous pouuez arracher
Le ser dessa tiré pour s'entredehacher.
Vous pouuez arrester la fureur qui chemine,
Comme vn ardant poison, par leur chaude poitrine,

Et de vostre patrie esloigner les dangers
Qui la vont menassant de soudars estrangers:
La mettant en repos, et comme d'vne corde
Serrant nos cœurs vnis d'vne sainte concorde.
Viuez donc ie vous pry, viuez doncques pour nous,
Si viure desormais vous ne voulez pour vous:
Vostre vie est la nostre, et qui l'auroit rauie,
Auroit raui de nous et d'vn chacun la vie.

Edipe.

Que ces maudits enfans ayent respect à moy?
Qu'ils desarment leurs mains, et se gardent la soy?
Les traistres, les mechants, assamez de carnages,
Consits en cruautez, en fraudes et outrages,
D'empires conuoiteux, ne sçauroyent faire bien,
Dignes de moy leur pere, et du lignage mien.
Ils sont plongez en mal, leur esprit ne propose
Qu'ourdir et que tramer toute execrable chose.

350
Leur esprit n'est pousé que de toute sureur,
[214] La crainte des grands Dieux ne leur donne terreur,
Ils ne reuerent rien, la honte paternelle,
Ny l'amour du pays ne leur est naturelle:
Ils s'entremeurtriront, si la bonté des Dieux
Ne retient auiourd'huy leur glaiue surieux.
C'est pourquoy me conuient souhaiter que ie meure,
C'est pourquoy trop long temps au monde ie demeure,
Estant pres de souffrir, differant mon trespas,
De pires passions que ie ne souffre pas.

Antigone.

Par vos cheueux grisons ornement de vieillesse, Par cette douce main tremblante de foiblesse, Et par ces chers genoux que ie tiens embrassez, Ce mortel pensement ie vous prie effacez De vostre ame affligee, et laissez cette enuie De mourir, où le sort trop cruel vous conuie. Viuez tant que Nature ici vous souffrira, Puis receuez la mort quand elle s'offrira:

2

365

Elle vient assez tost, et iamais ne ramene 370 Vne seconde vie en la poitrine humaine.

Edipe.

Ma fille, leue toy, tu me transis le cœur, Ton louable desir sera du mien vainqueur: Appaise ta douleur, ma chere vie, appaise La tristesse et l'ennuy que te fait mon malaise.

375 Ces larmoyans soupirs que tu pousses en l'air Me trauersent les os et me sont affoler. Le viuray, ma mignone, à fin de te complaire, Et traineray mon corps par ce mont solitaire Autant que tu voudras, rien ne me peut douloir

380 Qui se face à ton gré, ie n'ay autre vouloir.

Ie franchiray les flots de la mer Egeane,
le plongeray ma teste en la flamme Etneane,
[214] S'il te plaist: et d'vn roc, touchant le ciel des bras,
le m'iray sans fraveur precipiter à bas:

385 S'il te plaift maintenant ie feray la viande D'vn Lyon rauiffeur, d'vne Louue gourmande. Ie viuray, ie mourray, felon qu'il te plaira, Ta feule volonté ma conduitte fera.

Antigone.

Viuez doncque en repos, fans que vostre pensee 390 Soit des malheurs passez desormais offensee.

Edipe.

Ie me veux reposer en cet antre caué, Dans ces horribles monts tristement enclaué, Qu'vn fort buisson encerne, et d'vne ondeuse source Le beau crystal errant en eternelle course.

295 Là fur vn tuf aßis, et du conde appuyé
l'entretiendray d'espoir mon esprit ennuyé,
Que la mort secourable en brief me viendra prendre,
Et mon ame fera sur l'Erebe descendre:
Tandis, mon reconsort, que tu auras le soing

400 De me faire apporter ce qui m'est de besoing. Or retourne à ta mere, et si tu peux l'incite D'appaiser de ses sils la querelle maudite.

Chœur de Thebains.

O Pere que par noms diuers L'on inuoque par l'vniuers, Nomien, Euaste, Agnien, 405 Bassarean, Emonien, Toufiours orné de pampres verds: Qui parmy le foudre nasquis, Et dedans la cuisse vesquis De Iupiter, qui te porta 410 Iusques à tant qu'il t'enfanta [215] A Nyfe, qu'apres tu conquis: Qui l'ombreuse croupe du mont Du faint Parnaffe au double front. Fais retentir, et Cithéron, 415 Et les montagnes d'enuiron, Au bruit que tes Menades font: Quand anec les Satyres nus Aux pieds de bouc, aux fronts cornus, Dancant en maints follastres tours. 420 Celebres au fon des tabours Tes hauts mysteres inconnus. Lors que les rebelles Geans Grauirent aux champs Phlegreans Contre le ciel, à grands efforts, 425 Gyge et Mimas tu rendis morts Dedans les fourneaux Etneans. Tu t'es, magnanime, vengé Du Rov Thracien enragé: Agaue et l'Edonide chœur 430 Ont puny Penthé ce mocqueur, Qui ton nom auoit outragé. Sans crainte aux Enfers tu descens, Les Tigres te font blandissans, Les bruyans fleuues tu flechis, 435 Les barbares mers tu franchis Leurs flots te font obeiffans. Ton nom s'est espandu fameux

Au Gange et Araxe escumeux,

440	Et ton exercite pampré
	Victorienx a penetré
	Bien loing iufqu'aux peuples gemmeux.
	[215 ^v] Efcoute pere, ô bon Denys,
	Rassemble les cœurs desunis
445	Des freres plongez en difcords,
	Et de nos Beotiques bords
	Toutes calamitez banis.
	Garde la Thebaine cité
	De domestique aduersité:
450	Ta mere à Thebes te conceut,
	Et ton pere à Thebes receut
	Ta premiere natiuité.
	Icy tes Thyades, hurlant,
	Vont an foir l'herbette foulant,
455	Leurs thyrfes Nyfeans veftus
	De vigne aux branchages tortus,
	A cheueux espars fautelant.
	Vien, ô vien Euach, Agyeu,
	Vien nostre tutelaire Dieu,
460	Nous t'innoquons, nous te prions,
	A toy, defolez, nous crions,
	Chasse tout malheur de ce lieu.
	Si nons receuons, ô feigneur,
	De toy ce defiré bonheur,
465	Tandis que le ciel tournera,
	Tandis que la mer flotera,
	Nous chanterons à ton honneur.

Antigone. 21

485

490

495

ACTE II.

IOCASTE. MESSAGER. ANTIGONE.

[216]

Iocaste.

COleil qui gallopant par ce rond spacieux, Illumines la terre et la voûte des Cieux, Regarde par pitié, cernant ce grand espace, 470 Le desastreux esmoy de nostre pauure race: Voy qu'apres tant de maux, l'vn fur l'autre amassez, D'vn extreme mechef nous fommes menacez. Thebes tombe en ruïne, et les Grecques cohortes Viennent en grand' fureur pour forcer nos sept portes: 475 Mes enfans embrasez d'vn desir enragé D'occuper mechamment le royaume outragé De leur vieil geniteur, taschent d'effort contraire A s'entredespouiller du sceptre hereditaire. Agaue Bassaride a de son thyrse saint 480 L'irreuerend Penthé mortellement atteint,

L'irreuerend Penthé mortellement atteint,
Penthé sa geniture, et de son sang liquide
A, cruelle, arrosé le chœur Aëdonide:
Mais le sanglant messait de son cœur insensé
De Bacchiques fureurs plus outre n'a paßé.
Moy ie n'ay pas esté tant seulement mechante,
Mais i'ay faict ces mechants de qui ie me lamente:
Ie les ay engendrez pour estre le slambeau
De cette grand' Cité prochaine du tombeau.

Messager.

Race du vieil Creon, secourez ie vous prie, Secourez promptement la commune patrie.

Accourez, hastez-vous, repoussez les tisons la ia prests à lancer sur les toicts des maisons.

L'ennemy se presente, et cette longue plaine Fourmille de soudars, que Polynice ameine, Demandant animeux, que l'accord conuenu Pour le sceptre Thebain luy soit entretenu.

[216] Il a toute la Grece arrangee en bataille, Sept diuers escadrons entournent la muraille,

500 Prefts de venir aux mains: fecourez, defendez Nos murs, de vos enfans contrairement bandez.

Antigone.

Allons Madame, allons, vos maternelles larmes De leurs guerrieres mains feront tomber les armes. Vous les pourrez reioindre en vne bonne amour, 505 Et faire qu'au Royaume ils commandent par tour.

Iocaste.

Las ie ne sçay que faire! à bon droict Polynice Se plaint qu'en le chassant Eteocle iouisse Seul du sceptre ancien, combien qu'il soit celuy Qui le doiue pretendre ausi bien comme luy:

510 Toutesfois deietté de sa natiue terre, Ia depuis trois moissons de ville en ville il erre Miserable et chetif, iusqu'à tant qu'il s'est veu Chez Adraste, qui l'a pour son gendre receu. Il a des Rois voisins imploré les armees,

515 Dont il couure auiourd'huy les campagnes Cadmees, Pour recouurer des mains d'Eteocle, l'honneur D'estre de nos citez legitime seigneur. Il fait bien de vouloir ce que le droict luy donne, Et tascher de l'auoir, mais d'vne facon bonne.

Pour qui me banderay-ie? helas! auquel des deux Ma faueur donneray-ie, eftant la mere d'eux? Ie ne puis plaire à l'vn, fans à l'autre desplaire: Faire du bien à l'vn, fans à l'autre malfaire, Ny souhaiter que l'vn ait prospere succez,

525 Sans fouhaiter außi que l'autre l'ait mauuais.

Tous deux font mes enfans: mais bien que ie les aime D'egale affection, comme mon ame mesme, I'incline toutessois beaucoup plus pour celuy
[217] Dont la cause est meilleure, et qui a plus d'ennuy.
530 »On a communément pitié des miserables,

»Et leur condition nous les rend fauorables.

Messager.

Tandis qu'à lamenter vous despensez le temps, On approche des murs les estendars flotans,

565

Les bataillons ferrez dans la plaine heriffent Comme espics ondoyans qui par les champs blondissent: 535 Ils reluisent du ser qui leur couure le dos: Le front, qui leur pallist sous les armes enclos, Sourcille de sureur: les yeux leur estincellent Comme esclairs slamboyans, quand les astres querellent.

Ia defia la trompette esclate vn fon affreux,

Ia les fiers escadrons s'encourageants entr'eux

Demarchent arrangez par la plaine poudreuse,

Prests de s'entrechoquer d'vne ardeur colerense.

Voyez comme les chess la longue picque au poing

S'auancent les premiers, de leurs batailles loing,

Enragez de combatre, et d'acquerre vne gloire

Au danger de leur sang, par l'heur d'vne victoire.

Allez, auancez-vous, il est temps, depeschez,

Vous les verrez bien tost l'vn à l'autre attachez.

Antigone.

Or allez donc, Madame, et fans leurs armes craindre
Abordez-les premier qu'ils viennent à fe ioindre:
Faites leur choir des mains leurs targues et leurs dars,
Sacquez de leur cofté leurs meurtrissants poignars
Alterez de leur sang: et si la soif gloutonne
De s'entre-homicider si fort les espoinçonne,
Qu'ores la reuerence obessse au mespris,
Et leurs cœurs obstinez soyent de trop d'ire espris:
Plantons-nous au milieu des phalanges contraires,
Opposons la poitrine aux picques sanguinaires.

[217] Appaisons cette guerre, ou que les premiers coups 560
Des freres animez se donnent contre nous.

Tocafte.

I'iray, i'iray foudaine, et feray toute preste D'affronter leurs cousteaux, et leur tendre la teste, Leur tendre la poitrine, à fin que celuy d'eux Qui meurtrira son frere, en puisse meurtrir deux.

S'ils ont quelque bonté, mes pitoyables larmes Les deuront esmouuoir à mettre bas les armes, Mais s'ils n'en ont aucune, ils deuront commencer En moy, leur parricide, et sur moy s'essancer.

Antigone.

570 Les eftendars dreffez par les troupes remuent, Les fcadrons ennemis fur les noftres se ruent, L'air courbé retentist sous le fremissement De tant de legions au combat s'animant: Recourez recourez à vos douces prieres,

575 Pour retarder l'effort de leurs dextres guerrieres. Ils marchent pefamment, vous les aurez atteints Deuant qu'entre-affrontez ils foyent venus aux mains.

Iocaste.

Les camps vont lentement, mais les deux Capitaines Ont pour se rencontrer les demarches soudaines.

Quel tourbillon de vent me portera par l'air?
Quel Stymphalide oiseau fera mon corps voler?
Quel Sphinx, quelle Harpye à la gorge affamee
Ira fondre au milieu de l'vne et l'autre armee,
Me portant sur le dos, pour à temps m'y trouuer,
585 Et vers mes fiers ensans ma priere esprouuer?

Messager.

Elle court furieuse, ainsi qu'vne Menade Court au mont Cithéron, de son esprit malade: Ou comme vn trait volant par vn Scythe eslancé, Ou comme au gré du Nort vn nauire poußé, 590 Ou comme on voit au soir vne estoile luisante

[218] Se gliffant parmy l'air courir eftincelante.

Permettent les bons Dieux, que nos Princes efmeus
De fa forçante voix, ne fouillent animeux

Leurs glaiues coniurez d'vne mort fraternelle, 595 Ains que s'entre-embrassant ils rompent leur querelle!

Chœur.

QVE l'ardente ambition
Nous cause d'affliction!
Qu'elle nous file d'esclandre!
Si l'alme paix ne descend
Sur nous peuple perissant,
Nous verrons Thebes en cendre.

Ce malheur touliours nous ioint,	
Et collé ne cesse point	
De presser les Labdacides,	
Depuis que nos anciens	605
Quittant les champs Tyriens,	
Beurent les eaux Castalides:	
Et que Cadme poursuiuit	
Le faux Toreau, qui rauit	
Sur fa blandissante crope	610
La belle Europe fa fœur:	
Et que le cault rauisseur	
La passa dedans l'Europe.	
Que, las d'auoir trauersé	
Iufqu'à l'ondeufe Dircé,	615
Sans recouurer la pucelle,	
Ny fon mugiffant larron,	
Fist au pied de Cithéron	
Sa refidence nouuelle.	
[218 ^v] Il bastit nostre Cité,	620
Et son terroir limité	
Du Bœuf, nomma Bœocie:	
Depuis ce temps-la toufiours	
Les malheurs y ont eu cours,	
Dont elle est ore farcie.	625
Depuis les monstres cruels	
Y naissent continuels:	
Sur la riue diapree	
De Cephise vn fier serpent,	
En cent tortices rampant,	630
Enuenima la contree.	
Plus haut que les chesnes vieux	
Il elevoit furieux	
Sa longue teste sifflante,	
Reftant la plus part du corps	635
En maint et maint nœud retors,	
Desfur l'herbe flestrissante.	
Les champs de ses dents semez	
Furent d'hommes animez,	

655

Qui fortis, nouneaux gendarmes, 640 En bataillons ordonnez, Außi toft qu'ils furent nez S'entre-occirent de leurs armes. Ils ne firent qu'vn feul jour Desfur la terre seiour: 645 Le matin fut leur ieunesse, Le midy leur âge meur, Du foir la brune noirceur Fut leur extreme vieillesse. Acteon est deuenu 650 [219] Par son desaftre, cornu: Du Sphinx la monstreuse forme Nous veifmes à nostre mal: D'Edip' l'inceste brutal,

IOCASTE. POLYNICE.

Et le parricide enorme.

Iocaste.

TOurnez vos yeux vers moy, magnanimes guerriers, Dressez vers moy vos dards et vos glaiues meurtriers, Sacquez-les dans mon sein, dedans cette poitrine, Qui coupable a porté la semence mutine

De ces maudits combats: employez les efforts
De vos robustes mains sur ce mourable corps.

Soit vous qui accourez du riuage Argolide, Soit vous qui descendez du fort Agenoride, Estrangers, Citoyeus, pelle-melle visez

Gos A moy, qui ay produict ces freres diuifez:
Qui les ay engendrez de mon enfant leur frere,
Encore degoutant du meurtre de fon pere.
Deschirez-moy le corps, mes membres arrachez,
Et de mon tiede sang vostre sois estanchez.

Vous doutez? vous tardez? Pourquoy, ma Geniture, Voulez-vous à demy violer la nature? Que ne destrempez-vous vos armes en mon flanc, Si vous n'auez horreur de les souiller au sang Tiré de mesme ventre, au sang de mes entrailles, Vous entremassacrant au pied de ces murailles? 675 Mettez les armes bas, ces armes despouillez, Ou au sang maternel sans crainte les mouillez. [219^v] Ne foit d'aucun respect vostre main retenue, le vous tens le gosier et la poitrine nue: Ie suis entre vous deux : qui doy-ie le premier 680 De ma pleureuse voix à la paix connier? Auguel m'addresseray-ie? auguel, commune mere, D'vne accolade fainte irav-ie faire chere? C'est à vous qui auez si longuement erré, Du cher embrassement des vostres separé. 685 Approchez, mon enfant, que vostre main nerueuse Renferme en son fourreau cette espee odieuse: Fichez moy cette hache en terre bien auant, Oftez ce grand pauois qui vous arme au deuant, Delacez cet armet, qui d'vne longue creste 690 Horrible m'effroyant, vous poise sur la teste. Decouurez vostre face. Hé pourquoy doutez-vous, Et vostre ardant regard eslancez à tous coups Desfus vostre germain? craignez-vous qu'il remue, Et qu'en vous embrassant traistrement il vous tue? 695 Non non ne craignez point, n'en ayez point de peur, Ie vous defendray bien de fon glaiue trompeur Vous targuant de mon corps, lequel faudra qu'il perce Deuant que l'inhumain iufqu'au vostre trauerse.

Que doutez-vous donc plus? doutez-vous de ma foy? 700 Auriez-vous bien, helas! desfiance de moy?

Moy qui fuis voftre mere?

Polynice.

Apres vn tel pariure De mon frere, il n'est rien qui desormais m'assure.

Iocaste.

Retirez du fourreau ce large coutelas, Reprenez la rudache et la mettez au bras, Rebouclez vostre armet, ne vous mettez en prise A vostre frere armé, de crainte de surprise.

705

C'est à vous de lascher les armes le premier [220] Qui estes cause seul de faire dessier:
710 Laissez-les, ie vous pry, pour vn petit d'espace,
A fin que Polynice à mon aise i'embrasse
Apres son long exil: c'est mon accueil premier,
Helas! et i'ay grand peur que ce soit le dernier.

Desarmez-vous, ensans. Est-ce chose seante

715 De vous tenir armez vostre mere presente?

Luy offusquer les yeux d'vn acier slamboyant,

Et aller de soudars sa vieillesse effroyant?

Vous faites vne guerre, où plus grande est la gloire

De se trouuer vaincu, que d'auoir la victoire.

720 Craignez-vous qu'on vous trompe? Hè qu'il vant be

720 x Craignez-vous qu'on vous trompe? Hà qu'il vaut beaucoup mieux

Estre trompé, que d'estre aux siens fallacieux, »Souffrir quelque forfait que le faire soymesme,

»Et perdre que rauir vn Royal diadême.

Mais ne craignez, enfans, vostre mere fera 725 Que l'vn trop fraudulent l'autre ne trompera. Ie ne vien pas icy, ie n'y suis pas venuë Trauailler de labeur ma vieillesse chenuë, Pour estre le tison de vos impietez, Mais pour fendre le roc de vos cœurs irritez.

Fig. 130 Eteocle a fiché fa hache contre terre, Letté fa targue bas, ça donc que ie vous ferre De mes bras maternels, ie ne me puis fouler De vous voir Polynice, et de vous accoler.

O mon cher Polynice, vne terre eftrangere

735 A long temps retenu voftre ame passagere!

Vous auez longuement erré par les desers,

Par les riuages cois, par les vagueuses mers,

Fugitif, exilé, couru de la Fortune,

[220] Sans secours, sans addresse, et sans retraitte aucune.

Las! ie n'ay, voître mere, à vos nopces efté, Ie n'ay conduit l'espouse à la solennité: Ie n'ay pour honorer la feste nuptiale Ensleuré le lambris de la maison royale,

780

Des odeurs de Sabee embasmé vostre lict, Ny d'or elabouré decoré le chassict. 745 Des voltres dechaßé, vous estes allé rendre A vn prince ennemy, qui vous a faict son gendre: Et ore, apres auoir si long temps seiourné Loing de mes yeux, en fin vous estes retourné, Non, comme i'esperois, au gré de vostre frere, 750 Mais au fac du pays, comme vn prince aduersaire. O mon fils mon cher fils, ma crainte et mon espoir, Que i'ay tant fouhaitté, tant defiré reuoir, Vous me priuez du bien que ie deuois attendre, Nous venant affaillir au lieu de nous defendre. 755 Helas! faut-il mon fils, mon cher fils, et faut-il Qu'au retour defiré de vostre long exil, Pour le commun esclandre en larmes ie me nove, Au lieu que ie pensois ne pleurer que de ioye? Mon fils, et falloit-il ne vous reuoir iamais, 760 Ou en vous reuoyant bannir la douce paix Du cœur de la patrie, et de fureur ciuile Nos peuples faccager et noftre belle ville? Ainsi sans vous la guerre on ne verroit icy, Ainsi vous sans la guerre on ne verroit ausi. 765 La guerre vous eftreint d'vne si forte serre, Qu'on ne vous peut auoir sans que lon ait la guerre. Mais combien que me soit vostre voyage dur, Venant pour saccager l'Amphionique mur [221] Et nos champs plantureux, si tressaillé-ie d'aise 770 De ce que ie vous voy, vous embrasse, et vous baise: Ie volle de plaifir, pourueu que vos debats Ne passent point plus outre, et cessent vos combats. Combien s'en est fallu, que ie n'ay veu descendre Sur vous, mes deux enfans, vn carnager esclandre! 775

Combien s'en est failu, que le n'ay veu delcendre Sur vous, mes deux enfans, vn carnager esclandre! Ie tremble et le fremis de la glaceuse peur Que vos flambans harnois m'ont coulé dans le cœur. Ie vous pry par les flancs, où neuf Lunes vous sustes, Et où vostre naissance, ains que naistre, vous eustes, Par mes cheueux grisons, par les aduersitez Dont vostre pere et moy sommes tant agitez,

Et par la pieté, par le cœur debonnaire De la pauure Antigone appuy de vostre pere, Rechassez cette armee, et loing de nos creneaux,

785 Loing de nos belles tours destournez ces flambeaux. Faites marcher ailleurs vos guerrieres phalanges, Commandez retirer tous ces peuples estranges: Portez vos estendars en d'autres regions Sans nous espouvanter de tant de legions.

C'est assez offensé vostre chere patrie Qui les larmes aux yeux à iointes mains vous prie: C'est assez tourmenté vostre seiour natal, Vous luy auez assez faict endurer de mal. Vostre patrie a veu ses nourricieres plaines,

795 De cheuaux, de harnois, et de gendarmes pleines: Elle a veu fes couftaux reluire, comme efclairs, D'armets eftincelans, de targues, de bouclers, Ses champs heriffonner de picques menaffantes, Au lieu de beaux espics aux pointes blondissantes:

800 Elle voit ses guerets par les cheuaux poitris,

[221^v] Les pasteurs dechassez, et leurs troupeaux meurtris:
Les chess au front superbe, eleuez apparoistre
Sur des chars triomphans, et leurs gens reconnoistre:
Les villages slamber, les cases de Bergers

805 Seruir de corps de garde aux foudars eftrangers: Et ce qui est le pire, elle voit les deux freres L'vn sur l'autre acharnez de fureurs sanguinaires, Se chercher de la vie, et comme Ours surieux, Se vouloir deschirer de coups iniurieux.

C'est la ville, mon fils, où Dieu vous a fait naistre, Et où vous desirez l'vnique seigneur estre. Quelle bouillante rage et quel sorcenement Vous espoind de vouloir destruire en vn moment Vostre propre Royaume, et le voulant conquerre

815 Le faire faccager par des hommes de guerre?

Comment? et voudrez-vous ietter pié contre-mont
Ces grands monceaux pierreux, qui fourcillent le front,
Ouurage d'Amphion? les riches edifices

845

850

Aurez-vous, Polynice, aurez-vous bien le cœur
D'y prendre du butin, si vous estes vainqueur?
Et aurez-vous, helas! aurez-vous le courage
De les voir rauager, les voir mettre au pillage?
Trainer par les cheueux les vieux peres grisons,
Et leurs semmes de force arracher des maisons?
Les filles violer entre les bras des meres?
Et les ieunes ensans mener comme forçaires
Le col en vn carcan, et les bras encordez,
Pour leurs maistres seruir en plaisirs desbordez?

Mais pourrez-vous encor voir la ville troublee,
De tumultes, de cris, de carnages comblee?
[222] Les corps des citoyens, l'vn fur l'autre entaffez
De trauers, de biais, fans ordre entrelaffez,
(Spectacle miferable!) encombrer les paffages,
Et du fang regorgeant les rouges marefcages?
Voir ardre les maifons, et les hoftes dedans
Cruellement brufler fous les cheurons ardans?
Et brief faire vn tombeau, vn bucher mortuaire
De Thebes, qui vous eft vn bien hereditaire?
Ie vous pri' ie vous pri' despouillez ce rancœur,
Et d'humble pieté remparez vostre cœur.

Polynice.

Seray-ie donc toufiours errant parmy le monde?
Traineray-ie ma vie à iamais vagabonde?
Comme vn homme exilé, me faut-il à iamais
Mon viure mendier de palais en palais,
Sans terre, fans moyens? Quelle peine plus dure
Eußé-ie deu porter fi i'eusse esté pariure
Comme cet affronteur? Doy-ie souffrir le mal
Que deuroit endurer vn cœur fi desloyal?
Faut-il qu'il ait profit de sa fraude et malice?

Où se retirera l'affligé Polynice? Où voulez-vous qu'il aille? Eteocle ha le bien Du commun heritage, et ne me laisse rien.

Qu'il iouisse de tout, qu'il ait seul le Royaume, Et qu'on me baille aumoins quelque maison de chaume, 835 Ce fera mon palais, ie me pourray vanter D'auoir quelque manoir fans ailleurs m'absenter. Mais ie n'ay rien du tout, et me conuient pour viure, Comme esclaue habiter chez Adraste et le suiure.

860 »O que c'est chose dure et qui tourmente bien, »Se voir de maistre esclaue, et de Roy n'estre rien!

Iocafte.

Si vous auez defir d'estre supreme Prince,
[222] D'auoir sous vostre main suiette vne prouince,
Et que ne puissiez viure exempt de royauté,
865 Laissez-là vostre frere, et sa desloyauté,

Cherchez nouueau party: cefte maffe terrestre
De cent sceptres plus beaux ornera vostre dextre.
Poussez de vos soldars les sieres legions

Dans les champs Lydiens, fertiles regions,

570 Où les fameuses eaux de l'opulent Pactole

Coulent en cent replis des rochers de Tymole:

Monstrez vos estendars aux riuages retorts

Du sommeilleux Meandre, et les monstrez aux bords

Du creux Eurymedon, aux claires eaux de Xanthe,

S75 Qui du mont Idean a fa course naissante.

Donnez en la Lycie, et aux champs Syriens,
D'où iadis sont issus nos peres Tyriens.

Faites bruire le fer de vos lances Argiues,
Et craquer vos harnois sur les lointaines riues

880 Du Tygre Armenien, où le beau Soleil blond Deuant qu'il foit à nous monftre l'or de fon front. C'eft là qu'Adrafte doit guider fes forces preftes,

C'eft là qu'il doit pretendre à faire ses conquestes: Là vandra beaucoup mieux vos forces employer

S85 Pour vn sceptre nouneau, que de nous guerroyer:
Vous y pourrez, sans crime, acquerre vn diadême.
Là Thebes vous aurez, et vostre frere mesme
Suiuant vos estandars, et nous qui sommes vieux,
Pour l'heur de vostre armee inuoquerons les Dieux.

Proposez-vous außi les douteus issues Des batailles souvent insperément perdues:

Combien Mars est instable, et que le sort humain Est tousiours, mais sur tout aux combats, incertain. [223] Car bien que l'Achaie et l'Inachie ensemble, Portant vostre querelle, en vostre camp s'assemble: Si est-ce que tousiours Fortune y aura part,

895

Et que l'euenement despendra du hasard.

Laissez donc ceste guerre, où tout est plein de doute, Où la victoire n'est plus seure que la route, Qui destruit la patrie, et saccage des Dieux, Nos publiques patrons, les temples precieux.

900

Polynice.

Et que pour le loyer de sa fraude impudente Il tienne le Royaume, et que moy ie m'absente? Iamais iamais Madame, il faut qu'il soit puny De m'auoir traistrement de ma terre banuy.

905

Iocaste.

Celuy est bien puni qui à Thebes commande, Nul n'y a maistrisé sans aduersité grande. Depuis Cadme nombrez, vous n'en verrez aucun Qui n'ait esté battu de ce malheur commuu.

Polynice.

Il n'y a tel malheur que perdre son empire.

910

Iocafte.

Qui fait guerre à fon frere est encore en vn pire.

De poursuiure vn pariure appellez-vous malheur?

Il est vostre germain.

Polynice.

Mais ce n'est qu'vn volleur,

Vn volleur de Royaume.

Iocaste.

Il est plus agreable

Aux citoyens que vous.

Polynice.

Et moy plus redoutable.

915

Sammlung französ. Neudrucke.

Iocaste.

Les voudriez-vous regir contre leur volonté?

Polynice.

» Vn peuple contumax par la force est donté.

Iocaste.

En la haine des miens ie ne voudrois pas viure.

Polynice.

Ne regne, qui voudra de haine eftre deliure.

Car auec le Royaume eft la haine toufiours,
Toufiours elle fe voit dans les royales Cours:
Et croy que Iupiter fur les Cieux ne commande,
Sans eftre mal-voulu de la celefte bande.
Ne me chault de me voir de mes peuples haï,

225 [223] Moyennant que ie fois et craint et obeï.

Iocaste.

C'eft vne grande charge, vn faix infupportable.

Polynice.

Il n'est rien de si doux, ny de si delectable. L'our garder vn Royaume, on pour le conquerir le ferois volontiers semme et ensans mourir,

Brufler temples, maifons, foudroyer toute chofe: Bref il n'est rien si faint, que ie ue me propose De perdre mille fois, et mille fois encor, Pour me voir sur la teste vne couronne d'or.

C'eft toufiours bon marché, quelque prix qu'on y mette. 935 Nul n'achette trop cher qui vn Royaume achette.

Chœur.

Portune, qui troubles toufiours
Le repos des Royales cours,
Balançant d'vne main trompeuse
Sur la teste d'vn Empereur
Le trop variable bon-heur
D'vne couronne glorieuse:
Toutes grandeurs tu vas plaçant
Sur vn rocher apparoissant,
Enuironné de precipices,
Prestes de cheoir au premier vent.

Qui les atterre plus fouuent	
Qu'il ne fait les bas edifices.	
»Sans fin les Rois font agitez	
»De diuerfes aduerfitez,	
Le foing et la peur ne les lafche:	950
Ils ne reposent nullement.	
Car il leur semble à tout moment	
Que la couronne on leur arrache.	
[224] La mer aux deux Syrtes flottant	
»Les ondes ne boulverse tant,	955
»Et Scylle fi fort ne tempeste	
» Vn nanire de fes abois,	
»Que la peur tourmente les Rois	
» Des foupçons qu'ils ont en la teste.	
»Ils vont redoutans leurs voifins,	960
» Ils craignent leurs fuiets mutins,	
»La peur en leur ame est empreinte:	
Ils veulent que d'eux on ait peur,	
Et toutesfois tremblent au cœur	
S'ils voyent que lon en ait crainte.	965
Nous ne voyons nos Rois Thebains	
Plus amis pour eftre germains:	
L'ambition qui les commande,	
Ne permet qu'en fincere amour	
Ils tiennent le sceptre par tour,	970
Et que l'vn à l'autre le rende.	
L'vn le retient à fon pouuoir,	
L'autre s'efforce de l'auoir:	
Ce pendant le peuple en endure,	
C'est luy qui porte tout le faix.	975
Car encor qu'il n'en puisse mais,	
Il leur fert toufiours de pasture.	
Mars dedans la campagne bruit,	
Nostre beau terroir est destruit:	
Le vigneron quitte la vigne,	980
Le courbe laboureur fes bœus,	
Le berger ses pastis herbeus,	
Et le morne pescheur sa ligne.	

[224^v]

ACTE III.

MESSAGER. 10CASTE. ANTIGONE. HEMON.

Messager.

O Thebes miferable! ô Royauté comblee 985 D'aduerfité cruelle auiourdhuy redoublee! Ah rancœur fraternelle!

Antigone.

Hé mon ami, pour Dieu Ne passe point plus outre, ains t'arreste en ce lieu. Demeure, où refuis-tu?

Iocafte.

Las ie tremble de crainte.

Antigone.

Dy nous, dy, ie te pri', la cause de ta plainte.

Messager.

990 Tout eft perdu.

Antigone.

Bons Dieux!

Iocafte.

Hà pauure femme!

Antigone.

Helas!

Iocafte.

Helas que ferons-nous!

Antigone.

Ne vous desolez pas,

Madame, moderez la douleur de vostre ame, Moderez vostre dueil, moderez-le.

Iocaste.

Ie palme.

Hà ma fille!

Antigone.

Hà madame!

Iocafte.

Hé hé que ferons-nous?

Antigone.

Las c'est tout vn pour moy, ie n'ay soin que de vous, 995 Ie ne plains que vous seule.

Iocaste.

Et moy que vous m'amie.

Antigone.

Sans vous ie voudrois eftre en la falle blefmie Du Roy Tartarean.

Iocaste.

Il m'y faut deualer.

Antigone.

Mais plustost nous deuons nous entre-consoler.

Iocaste.

Eteocle eft donc mort?

Messager.

Außi eft Polynice.

1000

Iocafte.

Hà chetiue vieillesse! aumoins que ie les veisse.

Antigone.

Sont-ils morts au combat en hommes belliqueux?

Messager.

Ils font morts au combat, mais il n'y auoit qu'eux.

Iocafte.

Se font-ils combatus?

Messager.

De lance et coutelace.

Antigone.

Et s'entre-font tuez?

Messager.

Tous deux dessur la place.

1005

Iocafte.

O pauure mere, helas!

Antigone.

Soudart ie te supply,

Fay nous de cet esclandre vn discours accomply.

Messager.

Ia Mars s'allentissoit, et la creuse trompette

[225] Sonnoit de toutes parts la fanglante retraitte:

1010 Tout sentoit le carnage, et la campagne estoit Enfeuelie au fang, qui par ondes flotoit Sur les corps encombrez, que l'orageuse foudre Du bouillant Mars auoit renuersez sur la poudre.

Le belliqueux Tydee à terre gisoit mort, 1015 Le preux Hippomedon receuoit pareil fort, Le vaillant Capanee, Acron et Menecee, Amphiaree, Actor, le courageux Hypsee, Et tant d'autres guerriers de l'vu et l'autre camp, Qui gifovent par monceaux estendus sur le champ: 1020 Quand Polynice espoind d'vn regret miserable

De se voir de la mort de tant d'hommes coupable, Adrafte va trouner et l'arraifonne ainfi.

Ie fuis cause tout seul de cest esclandre ici. Mon pere, et pour moy feul tant d'ames genereuses 1025 Vont maintenant trouver les riues tenebreuses: Ie veux venger leur mort fur moymefme, fur moy, Ou fur ce faux Tyran violateur de foy: A fin que de nous deux, leurs communs homicides, Ne fe puissent douloir les femmes Argolides.

Il eust bien mieux vallu, ie le connois trop tard, 1030 Que i'eusse en ma personne entrepris ce hasard, Premier qu'en bataillons les troupes ordonnees De contraires fureurs se fussent moissonnees, Et tant de braues chefs outrepercez de coups

1035 Fussent trebuschez morts le visage dessous. Mais puisque ie ne puis cette faute desfaire, Aumoins ores ie veux m'esprouuer à mou siere: Ie m'en vay le combatre. Adieu, prenez fouci De l'honneur de ma tombe, et de ma femme außi.

1040 [225^v] Ces propos, acheuez, il rendosse ses armes, Laissant Adraste là, qui fondoit tout en larmes, Comme on voit au printemps que Rhodope le mont Couuert de neige blanche, en cent ruisseaux se fond: Il franchist son cheual, qui le frein dans la bouche, .

1045 Battant du pié la terre, attend qu'on l'écarmouche: Puis le piquant alaigre, essancé de douleur, Le visage terni d'vne palle couleur,

Les yeux estincelans d'vne rage allumee, Se va planter au pied de la cité Cadmee. Appelle à haute voix Eteocle, et vovant Que nul ne descendoit sur le camp poudrovant, S'appuve de fa lance, et de fes veux mefure Vn lieu capable et propre à leur guerre future.

1055

1050

Eteocle tandis dans le temple prioit Ses tutelaires dieux, et leur facrifioit, Quand Ephite accouru, l'estomach hors d'haleine, Et le poumon battant, luy dist à grande peine, (Ainfi l'ay-ie entendu) Laissez, Sire, ces vœux, Et ne vous amusez aux entrailles des bœux. Il n'est temps de vaquer à faire sacrifice: Voyla deuant les murs l'indigné Polynice, Qui vous somme au combat, hastez-vous de sortir, Il vent vos differents par le fer departir.

1060

A ces mots il s'enflamme, ainfi qu'en vn bocage

On voit vn fier Toreau s'enflammer le courage, Oyant dans vn yallon bugler fon ennemi: Il leue haut la teste, et boursoufflant parmi L'espais d'vn fort buisson, courageux se presente Au deuant du troupeau que sa rage espounante.

1070

1065

Eteocle en la forte, outré dedans le cœur, [226] Souffle par les nazeaux la rage et le rancœur: Le feu luy fort des yeux, le front luy denient palle, Et le sang retiré dans le sein luy deualle. On luy couure le corps d'vn acier flamboyant, On luy met fur la teste vn armet effroyant: Son coursier on ameine, où d'alaigresse promte Auec vn ris amer fans auantage il monte: Il empoigne vne lance au fer bien aceré, Son espee on luy donne et son pauois doré: Puis il se iette aux champs, et pres de Polynice, D'vne iuste carriere il entre dans la lice.

1075

Le peuple Agenoree accourt de toutes pars, Grimpe dessus les tours et dessur les rempars, Tout le monde lamente, et les larmes coulantes Arrofent d'vn chacun les faces blesmissantes.

1080

Iocaste.

Helas! ma fille helas! que faifoyent lors nos pleurs? Que ne larmoyons-nous nos aigriffans malheurs?

Messager.

Les vieillars recourbez et les meres chenues, Outrageant leurs cheueux et leurs poitrines nues, 1090 Pleuroyent d'auoir trainé fi longuement leurs iours, Et se vouloyent, de dueil, precipiter des tours.

Deux fois l'vn contre l'autre enuenimez coururent, Et deux fois rencontrez s'entre-offenser ne peurent: Polynice à la fin mist le bois dans le flanc

1005 Du roußin d'Eteocle, et le rougit de fang. Le cheual trebucha d'vne cheute pesante, Comme quand vn sapin, battu de la tourmente, S'eclate par le corps sur Parnasse le mont, Et faisant vn grand bruit tombe pié-contre-mont.

De fa lance eust plongé dans l'aine de son frere, [226^v] Saque l'espee au poing, et d'aueugle desir Court à luy le voyant sur la terre gesir:

Mais comme le palfroy trop bouillant il talonne,

Vers le pauure Eteocle, il tombe renuersé Sur le cheual gifant le corps outre-percé. Ils fe leuent fur pieds, et l'espee en la dextre, Et le pauois luisant dessur le bras senestre,

1110 S'attaquent I'vn à l'autre auec tout leur effort, Refolus de donner ou receuoir la mort.

La haine et le courroux fous l'armet apparoissent, La force et la vigueur, en se voyant, leur croissent: Ils roidissent le corps d'vne iambe auancez,

Se tirent coups de poincte, ore par la vifiere, Ore par l'eftomach, d'vne addreffe guerriere: S'entre-fouillent au vif, faifant à chaque fois Le rouge fang couler au trauers du harnois.

1120 Ils cherchent les defauts, decoupent les courrayes, Se defarment le corps, et se couurent de playes. ANTIGONE. 41

Les deux camps arrangez les regardent douteux,

Qui fera le vaincueur de ce combat piteux.

Comme quand deux Sangliers, que l'amour aiguillonne,
Se viennent à choquer aux forests de Dodonne,
Ils s'amassent le corps horriblement groudans,
Se herissent le poil, escumassent des dens,
Font sonner leur machoire, et de grand' fureur portent
Dans le col ennemy les crochets qui leur sortent,
Se sont rougir le ventre: adonques le Pasteur
Qui d'vn coustau les voit se mussote de peur,
Fait signe à son mastin des mains et de la teste,
[227] Qu'il se tapisse coy de crainte de la beste.

Ainsi les deux guerriers, seul à seul bataillant,
D'vn courage indomté s'entre-alloyent chamaillant:
Se ruoyent acharnez coups d'estoc et de taille,
Detranchoyent mainte lame et mainte forte maille,
Se marteloyent le corps, sur l'acier tempestant,
Comme deux forgerons sur l'enclume battant
Vn ser à tour de bras, qu'on voit geindre de peine,
Se courber, resrongner, et sortir hors d'haleine.
Ou comme on voit außi la gresse craqueter
Sur le toict des maisons, quand l'ireux Iupiter
Contre l'alme Cerés en Esté se colere,
Ou qu'il froisse le chef de Bacchus le bon pere.

A la fin Polynice, à qui les lasches tours
De son frere ennemy se presentent tousiours,
Son exil vergongneux et la foy pariuree,
Se fasche qu'il ait tant contre luy de duree,
Grince les dents de rage, et se tenant tendu
Va de pieds et de mains, se iette à corps perdu
Contre son aduersaire, et de tel effort entre
Qu'il luy met demy pied de son espee au ventre:
Le sang en sort sumeaux, comme sur vn autel
Le sang d'vn aigneau sume apres le coup mortel,
Que le prestre sacré dans la gorge luy donne.

1150

1155

Eteocle pallift, deuient foible, et s'estonne De voir son sang couler d'vne telle roideur: Il sent glacer son front de mortelle froideur. Auec fon peu d'effort, d'apparier sa playe
Sur le corps de son frere: il le suit et resuit,
Et l'autre, en le moquant, se destourne et le suit.
[227] Ce pendant il se lasse, et n'a plus de puissance
1165 De supporter son corps: il perd toute esperance:

Il tombe renuersé, ses armes sont vn bruit, Et ses yeux sont voilez d'vne effroyable nuit. Iocaste.

O miserable femme!

Antigone.
O fille infortunee!

O detestable iour!

Antigone.
O maudite iournee!
Messager.

1170 Polynice affeuré d'auoir du tout vaincu, Iette l'espee à bas, à bas iette l'escu, Se desarme le corps de sa forte cuirace: Puis, eleuant au ciel les deux mains et la face, Rend grace aux immortels d'vne gaye serueur,

Approche d'Eteocle, et pensant qu'il deust estre Du tout desanimé, comme il faisoit paroistre, Luy veut, comme vaincueur, le harnois arracher: Mais ainsi que, mal-sage, il vient à se pencher,

1150 Courbé dessur la face, et les genous à terre, Son frere le guignant, tout le reste reserve De sa force escoulee, et s'animant le cœur Et les ners languissans de sa vieille rancœur, Sa vengeresse espec en l'estomach luy plante, 1155 Puis vomist, trespassiont, son ame fraudulente.

Polynice du coup se sentant affoibly, Et son ame nouer dans le fleuue d'Oubly, Dist auec vn sanglot qu'il poussa des entrailles:

Tu vis done, defloyal, et encore batailles 1190 De rufe et de cautele! allons allons là bas Aux lices de Pluton acheuer nos combas.

A ces mots il tomba fur le corps de son frere, Metlant fon tiede sang de son sang aduersaire.

Tocalte

Dires du creux Tenare élancez-vous fur moy, [228] Sur moy qui fay troubler de nature la loy, Sur moy qui ay produit ceste guerre suneste, 1195 Produifant ces enfans d'vn execrable incefte.

I'ay malheureuse, Edipe et d'Edipe conceu: l'ay mon enfant, ô crime! en ma couche receu, Mon enfant parricide, et la dextre av baifee Que mon espoux auoit de son sang arrosee.

1200

Que pouuoit, que deuoit estre au monde produit D'vn execrable Hymen qu'vn execrable fruit? Ils fe font maffacrez d'vne horrible furie: Des yeux de mon mary la lumiere est perie, Qui non contant de fuir la celeste clarté, S'est de Thebes banny, s'est de nous escarté.

1205

A cette heure Creon trounant le thrône vuide, Sans peine vlurpera le sceptre Agenoride: Et nous, fexe imbecile, esclaues seruirons Sous le ioug d'vn tyran, finon que nous mourons: Mais i'aime mieux mourir, encore que tardiue La mort pour mon bon-heur doresnauant m'arriue: Et que ie deusse helas! si le ciel l'eust voulu,

1210

Mourir auparauant que mon corps fust polu Du fale embrassement de vous, ma Geniture, De vous Edipe, autheur des malheurs que i'endure. Mais, ô ma chere fille, accompagnez fes pas,

1215

Et ne l'abandonnez iufqu'au dernier trespas: Les Dieux ne permettront qu'vn faict si debonnaire Passe inutilement sans vn iuste salaire: Ains le recognoiftront, et vostre pieté

1990

Florira celebree en immortalité.

Moy ie m'en vay descendre aux caues Plutoniques, Pour refraischir les pleurs de nos malheurs antiques. [228] Ia de long temps ie porte en mon sein douloureux Ce poignard pour donter mon destin rigoureux.

Antigone.

Dieux! qu'est-ce que ie voy?

Tocafte

Vn poignard falutaire.

Antigone.

Salutaire? et comment?

Iocaste.

Pour fortir de misere.

Antigone.

1230 O Iupiter! ô ciel! que dites-vous? bons Dieux! Que vous ferez mourir?

Iocafte.

Que puis-ie faire mieux? Quel remede à mon dueil, à ma langueur extreme, Que d'auancer mon iour et mon heure supreme? Vien ô vien chere Mort, vien tost me secourir.

Antigone.

1235 Ie ne permettray pas que vous faciez mourir. Ça ce glaiue outrageux, il conuient que ie l'aye.

Iocaste.

Non non ie veux chercher, ie veux trouuer mon Laye Au filence d'Erebe. O Laye, ô mon espoux, Ne me resusez point d'errer auecques vous 1240 Sur les riuages noirs, mon offense est nettie En vous sacrifiant mon ame pour hostie.

Antigone.

Hé Madame, pour Dieu, ne me vueillez laisser!

Iocaste.

Ma fille ne vueillez ma volonté presser.

Antigone.

C'est pour vous destourner d'vn propos dommageable.

Iocaste.

1245 Mais pour me destourner d'vn repos profitable.

Antigone.

Si ie fis iamais rien qui fust à vostre gré, Si à vous ober i'ay mon cœur consacré, Et si mon pere vieil en ses langueurs ie guide, Ie vous supply laschez cette dague homicide,

1250

Et vostre ame purgez du desir qui l'espoind: Viuez viuez Madame, et ne vous tuez point. Tocalte Au contraire si one vostre cœur pitovable, A voftre pere et moy fut iamais agreable: Si vous m'auez toufiours obeiffante efté. Ne vueillez maintenant forcer ma volonté. 1255 Antigone. Voulez-vous que i'approuue vne chose manuaise? [229] Iocaste. Voulez-vous reprouuer vn dessein qui me plaise? Antigone. Ie ne vous puis complaire en ce mortel desir. Iocafte. Rien que la feule mort ne me donne plaifir. Antigone. Si la mort vous plaist tant, si cette frenesie 1260 Est tellement empreinte en vostre fantaisie, Qu'il vous faille mourir, ie mourray donc außi. Descendriez-vous là bas, moy demeurant ici? Ie ne vous lairray point, ains ie fuiuray vostre Ombre, Sa compagne eternelle en la demeure sombre. 1265 Tocaste. Non non, viuez ma fille, et pourquoy mourrez-vous? Les Dieux fur vostre chef ne dardent leur courroux Comme fur moy chetiue: et leur douceur, peut estre, Comme à moy leur rigueur, ils vous feront cognoiftre. Antigone. Ie ne veux vous furuiure, ains veux que ce poignard 1270 Vostre cœur et le mien perce de part en part. Iocafte. En la fleur de vos ans? Antigone. Laisseroy-ie ma mere? Iocaste. Laisserez-vous plustost vostre langoureux pere, Solitaire, affligé d'incurables ennuis, Ayant les yeux plongez en tenebreuses nuicts? 1275

Antigone.

Hé que feray-ie donc? ô l'estrange destresse! Ie ne puis estre à l'vn que l'autre ie ne laisse: Si ma mere ie suy, desourdissant mes iours, Mon pere ie lairray despourueu de secours.

1280 Auquel m'adresseray-ie? et auquel, ô pauurette, Suis-ie plus attenue et suis-ie plus sugette? T'ous deux ie les honore en vn deuoir egal, Mais l'vn d'eux veut mourir, l'autre plorer son mal. L'aimerois mieux la mort de tant de maux outree,

1285 Et rien tant que la mort auiourdhuy ne m'agree.

Mais quoy? mon pauure pere en accroiftroit fon dueil,

Et fi ie ne pourrois l'enfermer au cercueil

[229^v] Son heure eftant venue, et ne pourrois encore

Apres les derniers mots fes deux paupieres clorre.

Que ie reste apres vous, veusue de tout soulas.

O misere! ô langueur! ô fortune suneste!

Madame, mon espoir, le seul bien qui me reste Auec mon chetif pere, estousez, arrachez 1295 Ce desir de la mort, qu'aux glaiues vous cherchez. La mort vous est prochaine, attendez sa venue, Vostre ame ne peut guiere estre en vous retenue: Elle viendra soudaine, et vostre corps agé Se verra sans effort de tourmens dechargé.

1300 N'auancez point vostre heure.

Iocaste.

Elle est toute arriuee,

Ia la mortelle darde est en mon cœur grauee.

Dieu des profonds manoirs, qui les ombres des morts
Reçois de toutes parts aux Acherontez bords,
Roy du monde noirci pren mon ame esploree,

Pren mon ame plaintine et la mets en requoy.
Elle a fouffert toufiours depuis qu'elle eft en moy,
Elle fort des enfers en fortant de ce monde,
Et cherche fon repos en la Stygieuse onde.

Vien poignard doucereux, vien en moy te plonger, Et me fay promptement de ce corps defloger: Ie tarde trop, craintiue.

1310

Antigone.

Et que voulez-vous faire? Au fecours au fecours, elle fe veut desfaire. Vous ne vous turez pas, ie vous empefcheray.

Iocafte.

Ma fille c'est en vain, ie mourray ie mourray, Laissez-moy, laschez-moy, ma mort est resolue: Ie voy ia de Charon la teste cheuelue Et les larues d'Enfer, i'entens l'horrible voix [230] Du chien Tartarean hurlant à trois abois.

1315

1320

Entre glaiue en mon cœur, trauerse ma poitrine, Et dedans mes rongnons iusque aux gardes chemine: Adieu ma chere fille, or ie meurs, las! ie meurs, Soustenez-moy, ie tombe.

Antigone.

O malheur des malheurs!

O desastreux encombre! ô Royne miserable!
O lugubre infortune! ô trespas deplorable!
Hé madame, pourquoy me laissez-vous ainsi?
Hé pourquoy mourez-vous que ie ne meurs außi?
O rigoureux destin! ô Parque trop cruelle!
Las vos yeux vont nouant en la nuict eternelle:
Vostre vie est esteinte, et vostre esprit dolent
Aux goustres de Tenare est ore deualant:
Vne froide palleur vous ternist le visage:
Vous ne respirez plus, sumebre tesmoignage.
Hé Madame, hé Madame, aumoins que i'eusse part
A l'homicide effort de ce rouge poignard.

1330

Larmoyable Erigone, apres tes dures plaintes
Faittes desfur ton pere, et tant de larmes saintes
Qu'au bois de Marathon triste tu respandis,
Indulgente à ton dueil, d'vn licol te pendis.
Ay-ie moins de douleur qu'en souffrit Erigone?
Fut-elle plus piteuse en son cœur qu'Antigone?

1335

Et toutesfois ie vy, ie vy, mais en viuant Ie porte plus de mal que la mort esprouuant.

Voila mes deux germains morts dessur la poußiere,
1345 Ma mere entre mes bras vient d'estre sa meurtriere,
Mon pere erre aueuglé par les rochers segrets,
Remplissant l'air de cris, de pleurs et de regrets:
Nostre peuple est destruit, le sceptre Thebaïde
N'ornera desormais la race Agenoride.

1350 [230] Nous auons tout perdu: ce iour, ains ce moment Nostre antique lignage accable entierement.

Et ie vy miserable! helas voire, helas voire!

Mais ie voudrois desia dans le Cocyte boire.

Ie surui malgré moy, pour ces corps enterrer

1355 De peur que les mastins les aillent deuorer:

1355 De peur que les maîtins les aillent deuorer: Et le furuis außi, pour conduire mon pere Et le reconforter en sa tristesse amere, L'inhumer de mes mains, son corps enseuelir Außi tost que la mort me le viendra tollir:

1360 Autrement autrement de mourir ie suis preste, Il n'y a que cela qui mon trespas arreste.

Hemon.

Quoy? ma chere Antigone, aurez-vous à iamais Vostre esprit angoißé d'vn desastre mauuais? Ces beaux yeux que i'adore, et qui m'embrasent l'ame,

1865 Arroferont toufiours de pleurs leur douce flame? Quel malheur eft-ce là? qui eft ce corps gifant Que vous allez ainfi de larmes arrofant? Dequoy fert ce poignard en voftre dextre chafte?

Antigone.

Helas! c'est nostre Royne, helas! c'est Iocaste.

Hemon.

1370 Qui cause ce meches? ses deux enfans occis Sont ils cause d'auoir ses vieux iours accourcis?

Antigone.

De fes fils, mes Germains, la fortune annoncee Luy a dans l'estomac ceste dague ensoncee, Encor moite de fang, et son esprit desclos Vagabonde poußé de soupireux sanglots. Suis-ie pas bien perdue?

1375

Hemon.

Helas ma chere vie!

Vous eftes longuement du malheur pourfuiuie.

Ie plains vostre desastre: ô que n'est vostre esmoy,
Sans vostre ame affliger, tout enclos dedans moy!

Vous me naurez le cœur de vos piteuses plaintes,

[231] Ces soupirs gemissans me sont autant d'estreintes:
Appaisez-vous, mon ame, appaisez vos douleurs.

» Vn mort ne reuient pas pour nos dolentes pleurs.

1380

Antigone.

Puißé-ie tant plorer qu'auec les pleurs ie verse Mon ame, qu'vn tourment si redoublé trauerse.

1385

Hemon

La mienne donc außi la puisse accompagner: Car ie ne veux, mon cœur, iamais vous esloigner. Tandis que vous viurez ie viuray, mais dés l'heure Que vous prendra la Parque, il faudra que ie meure. En vous seule ie vy, sans vous certes sans vous Ie trouuerois amer le plaisir le plus doux. Si vous auez du dueil, i'auray de la tristesse: Si vous auez plaisir, i'auray de l'alaigresse.

1390

Antigone.

l'ay perdu tout esbat, ie ne fouhaitte plus Que viure auec mon pere en vn antre reclus.

1395

Hemon.

Viuez aux creux deserts de l'Afrique rostie Entre les Garamants, viuez en la Scythie Sur les Hyperborez, que les vents orageux Chargent continument de grands monceaux neigeux, I'y viuray comme vous: ny chaleur ny froidure, Tant que vous y serez, ne me semblera dure.

1400

Antigone.

Hemon, ie vous fupply destournez vostre cœur De moy pauure esploree, et confite en langueur:

Sammlung französ. Neudrucke. 5.

Mon amour est beant apres la sepulture, 1405 Ie n'ay plus de desir que d'vue tombe obscure.

Hemon.

Plustoft l'ondeux Triton sur la terre naistra Et le mouton laineux dedans la mer paiftra, Que i'esteinde l'ardeur que i'ay dans la moüelle Pour aimer saintement vostre beauté trop belle.

1410 Le jour quand Phebus marche, et la nuit quand les cieux Monstrent pour ornement mille astres radieux, [231^v] Ie vous ay dans mon ame, et toufiours vostre image Errant deuant mes yeux me fait vn doux outrage.

Antigone.

Et ie vous aime außi: mais mon affection 1415 Se trouble maintenant par trop d'affliction. Ie n'ay dedans l'esprit que morts et funerailles.

Hemon.

Moy i'ay toufiours l'amour coufu dans mes entrailles.

Antigone.

Que i'ay d'aduerfitez!

Hemon.

Vous en auez beaucoup.

» Communément les maux nous viennent tous au coup. 1420 » Mais comme apres l'hiuer le printemps on voit naistre, »Et apres longue pluye vn beau temps apparoistre:

» Ainsi quand les malheurs out sur nous tempesté,

» Nous deuons esperer de la prosperité.

Antigone.

Ie n'ay plus qu'esperer, mes liesses perdues 1425 Ne me sçauroyent helas! estre iamais rendues.

» Quand la mort nous a prins nous ne renaissons pas,

» Nous perdons fans retour ceux qui vont au trespas.

Hemon.

» Vn chacun doit mourir, et la Parque felonne »De ce commun deuoir ne dispense personne.

1430 Si vostre mere âgee et vos freres sont morts, Ce ne font que d'Atrope ordinaires efforts: Leur iour estoit venu, comme celuy, peut estre,

Qui doit deuant Minos nous faire comparoistre.

51

Car s'il plaift à Clothon, à l'inftant il faudra Que foyons le butin de la mort qui viendra.

1435

Antigone.

Qu'elle vienne couper le filet de ma vie, Car außi bien ie fuis de ce monde affouuie, Ie ne vy qu'à regret, et fans mon geniteur Desia m'eust ce poignard outrepercé le cœur, Ie susse le n'ay peu ie n'ay peu vous estre secourable: Ie n'ay peu destourner, ie n'ay peu diuertir [232] Vostre esprit de vouloir de sa geole sortir. Requerez à Pluton que bien tost ie vous suiue, Et qu'ici loin de vous longuement ie ne viue. Madame, hé que ie baise encore ces doux yeux, Cette bouche et ce col qui me sont precieux. C'est la derniere sois que cette main ie touche: Las helas! ie ne puis en retirer ma bouche.

1440

1445

1450

Hemon.

Mon œil, laissez ces pleurs et ces gemissemens, Car ils ne font sinon rengreger vos tourmens. Qu'on la porte en la ville, à fin qu'on luy procure, Pour office dernier, royale sepulture. C'est desormais, mon cœur, tout le besoin qu'elle a: Tout ce qu'elle veut plus, c'est vn sepulchre.

Hà là.

1455

Chœur.

Antigone.

TV meurs, ô race genereuse, Tu meurs, ô Thebaine cité, Tu ne vois que mortalité

Dans ta campagne plantureuse:
Tes beaux coustaux sont desertez,
Tes citoyens sont escartez,
Dont les maieurs veirent esclorre
Sous les enseignes de Bacchus,
Les premiers rayons de l'Aurore,
Esclairans les Indois vaincus.

1460

Ils veirent l'odoreux Royaume Des Arabes industrieux: Et les couftaux delicieux. Où les bois distilent le baume. Ils donterent les Sabeans, 1470 Et les peuples Nabatheans: [232^v] Ils veirent la belle contree Des Perses et des Parthes prompts, Et les bords de l'onde Erythree Auec les Gedrofiques monts. 1475 Nous enfans de fi preux ancestres, Sommes presque tous accablez Par les Argiens affemblez Pour de nous se rendre les maistres. L'herbe s'abreuue en nostre fang, 1480 La plaine est changee en estang, Et de corps Thebains tapisse. Tout ce qui est peu demeurer De reste en la ville Dircee Ne fuffift à les enterrer. 1485 Nos chefs aux indontez courages Trebuschez morts deuant nos murs, Relaiffent aux fiecles futurs De leur vertu maints tefmoignages. Ils ont meslé leur sang parmy 1490 Le fang Argolique ennemy, Iettant leur ame auantureuse A trauers les glaines pointus, Sans craindre la tourbe nombreuse Des Danois, qu'ils ont combatus. 1495 Ils ont recen pareil esclandre: S'ils nous ont vaillans affaillis, Nous n'anons en les cœurs faillis, Ny les bras gourds à nous defendre. Ils ne font pas plus demeurez 1500 De nos foldats en ces guerez, Que de leur outrageuse armee. [233] S'ils penfent nous auoir vaincus,

C'est d'vne victoire Cadmee,	
Où les vainqueurs pleurent le plus.	1505
Ce qui reste de la bataille	
Eft malade aux tentes gifant:	
Ou n'est en nombre suffisant	
Pour affaillir noftre muraille.	
Polynice a bien toft fuiny	1 510
Son frere, de la mort rauy	
Par vne playe mutuelle.	
»Il n'est forcenement si grand	
⇒Que d'vne rancœur fraternelle.	
2 Quand la conuoitife s'y prend.	1515

ACTE IIII.

ANTIGONE. ISMENE.

Antigone.

MA chere fœur Ifmene, auiourdhuy la fortune Se monstre à nostre race asprement importune. Quel malheur, ie vous pry, peut vn homme agiter, Que n'ait versé sur nous l'ire de Iupiter? Qu'y a til de cruel, que deuant nos murailles Ne remarquent nos yeux en tant de funerailles? Nous auons d'Iocaste enseueli le corps, Mais nos freres germains sans tombeau gisent morts. Prenons le foing, ma fœur, de les couurir de terre. Attendant qu'on leur dresse vn monument de pierre. Ifmene.

Creon a promptement Eteocle inhumé, Pour autant qu'on l'a veu pour la patrie armé, Et qu'il est mort pour elle, auecque mille et mille [233] Belliqueux nourriçons de la Thebaine ville: Mais il a defendu que Polynice fust Transporté de sa place, et que sepulchre il eust,

1530

1520

Comme indigne d'auoir la tombe funerale, Apres auoir faict guerre à fa ville natale: Et veut (ô cruel cœur!) que les Corbeaux becus 1535 Se gorgent de fa chair et des autres vaincus.

Antigone.

Que Polynice ferue aux bestes de pasture,
Sur la terre gisant priué de sepulture?

Qu'on ne le pleure point? que le grondeux Charon
Le face errer cent ans sans passer l'Acheron?

1540 C'est chose trop cruelle. Il faut que toute enuie,

»Et que toute rancœur meure auecque la vie. Ifmene.

Il menace de mort ceux qui contreuiendront A fa dure defense, et l'enterrer voudront.

A fa dure defense, et l'enterrer voudront.

Antigone.

Monstrons nostre bou cœur, que nostre bien-vueillance 1545 Surmonte de Creon la seuere desense.

Ifmene. Que ferons-nous? Il faut au Prince obtemperer.

Antigone. Ie voy bien que la peur vous fait degenerer.

Ifmene. Regardez au danger d'vue telle entreprife.

Antigone. En vn affaire tel vous eftes trop remife. 1550 Aduifez s'il vous plaift de venir auec moy.

Ifmene. Ie ne veux tranfgreffer l'ordonnance du Roy.

Antigone. D'vne ordonnance iniuste il ne faut tenir compte.

Mais au contreuenant la peine est toute prompte.

Antigone.
Rien de grand fans danger entreprendre on ne voit.

Ifmene.

1555 »Où le danger paroift, entreprendre on ne doit.

Antigone.

»Trop couard est celuy qui point ne se hasarde.

55

Ifmene.

I'aime mieux n'auoir mal, et vous fembler couarde.

Antigone.

Regardez de rechef si me voulez aider.

Ismene.

Ie vous pri' meurement vous mesme y regarder.

[234] Antigone.

Puisque vous ne voulez, i'iray donc toute seule.

1560

Iſmene.

I'ay grand' crainte, ma Sœur, qu'en fin il vous en deule.

Antigone.

Aduienne que pourra, i'ay cela refolu.

Ismene.

l'irois fort volontiers fi Creon l'eust voulu.

Antigone.

Ie ne veux pas trahir les manes de mon frere.

Ismene.

Il est mon frere außi, mais ie ne puis que faire.

Antigone.

Pourquoy ne pouuez-vous?

Imene.

Pour Creon que ie crains.

Antigone.

Il ne peut empescher de faire actes si saints.

Ifmene.

Confiderez, ma Sœur, nostre sexe imbecile, Aux perilleux desseins de ce monde inhabile: Confiderez nostre âge, et repensez encor

1570

1575

Qu'il ne reste que nous du tige d'Agenor.

Nous fommes fans fecours, l'antique bien-vueillance

Du peuple s'est tournee auecques la puissance. Creon est obey, qui, tyran, voudroit bien

Déraciner du tout nostre nom ancien.

»Il faut suiure des grands le vouloir qui nous lie:

»Faire plus qu'on ne peut est estimé folie.

Antigone.

Ne bougez donc, ma Sœur, ne vous auanturez, Seule dans la maifon en repos demeurez: 1580 Moy ie ne fouffriray qu'vne Louue gourmande Du corps de mon Germain à plaifir s'auiande. Ie l'enfeueliray, deußé-ie les efforts En mes membres fouffrir de cent cruelles morts: Ie ne refuseray de fouffrir tout outrage.

1585 Si fouffrir le conuient, pour vn fi faint ouurage.

Apres que l'auray faict, le n'auray point de dueil
D'estre auecque luy mise en vn mesme cercueil:
Vous en requoy viuez, viuez tousiours heureuse.

Iſmene.

Ie ferois comme vous, mais ie fuis trop peureufe.

Antigone.

1500 Cette peur vous prouient de faute de bon cœur. $|234^{\circ}|$ Ifmene.

Ce n'est pas de cela que procede ma peur.

Antigone.

Dequoy donc ie vous pry?

Ismene.

D'vne foible nature.

Qui reuere les loix.

Antigone.

La belle counerture!

Et bien bien ne bougez, ie vay l'enfeuelir.

Ifmene.

1595 Hé Dieux, où allez-vous? vous me faites pallir, Ie n'ay poil fur le chef qui d'effroy ne heriffe.

Antigone.

Ie vay sepulturer mon frere Polynice.

Ismene.

Aumoins gardez-vous bien de vous en deceler: Quant à moy ie n'en veux à perfonne parler.

Antigone.

1600 Parlez-en à chacun, ie veux bien qu'on le sçache.

»Il ne faut que celuy qui ne fait mal, se cache.

Ismene.

Que vous estes ardente à vous brasser du mal.

Antigone.

Mal ou bien, il aura son honneur funeral.

1625

Ifmene.	
Ouy bien si vous pouuez, mais ce n'est chose aisee.	
Antigone.	
Y tafchant ie feray du furplus excufee.	1605
Ifmene.	
»Ce que lon ne peut faire entreprendre on ne doit.	
Antigone.	
Entreprendre il nous faut tout ce qui est de droit.	
Ifmene.	
Le droit est d'observer ce que le Roy commande. Antigone.	
Il faut toufiours bien faire, encor qu'il le defende.	
-	
Ifmene.	1610
Mais il a Polynice ennemi declaré. Antigone.	1010
Voire apres qu'il s'est veu de son sceptre emparé.	
Ifmene.	
Ie vous supply laissez cette emprise douteuse,	
Pour vn qui ne vit plus.	
Antigone.	
Que vous estes fascheuse!	
Laissez-moy, ie vous prie, en ma temerité,	
Vostre propos ne m'est qu'vne importunité.	1615
Mon dessein est louable, et ne m'en peut ensuiure	
Autre mal que me voir de mes langueurs deliure	
Par vne belle mort, qui des tombeaux obscurs	
Fera voler mon nom iusque aux siecles suturs.	
Ismene.	
Or allez de par Dieu, le bon-heur vous conduise,	1620
Et tourne à honne fin voltre sainte entreprise	

[235]

Chœur.

TE Ciel retire de nous Son courroux, Et nous est ores propice: Nous deuons pour le bienfait Qu'il nous fait, Aux Immortels facrifice. De nos murs ils ont eu foing

Au befoing,

La main ils nous ont tendue: 1620 Nostre cité ne fust point En ce poinct, S'ils ne l'eussent defendue. Qui euft Capanee eftant Combattant 1635 Sur la breche démuree. Bouleuersé mort à bas. Sans le bras Du foudrovant fils de Rhee? Sous l'escu qui le targoit, 1640 Se mocquoit Des feux et fleches volantes. Que lançoyent de toutes pars Nos foudars Sur ses armes flamboyantes. 1645 Il les alloit en paffant Terraffant. Comme vn fanglier qui trauerfe Quelques efcadrons mutins De mastins. 1650 Qu'il abat à la renuerfe. [235^v] Ou comme dedans vn pré Diapré Le faucheur fait tomber l'herbe, Et les espics trebuchants 1655 Par les champs, Qu'il entasse en mainte gerbe. Quand Iupiter l'auisant Destruisant Thebes de son malheur preste, 1660 Print son rouge foudre en main, Et fondain Luv en escrasa la teste. Voyant Amphiare außi Sans merci 1665 Nous faire vn mortel esclandre, Le fift pour nous garantir

Engloutir	
Et vif aux Enfers descendre.	
Ainsi des bons Dieux sauueurs	1670
Les faueurs,	
Et non la prouesse humaine,	
Nous ont gardé maintenant,	
Souftenant	
La pauure ville Thebaine.	1675
Aux Dieux l'on troune toufiours	
»Du fecours:	
»Ils president aux batailles,	
Ils repoussent les efforts	
Des plus forts,	1680
»Et preseruent nos murailles.	
A iamais leur foit l'honneur	
[236] Du bon-heur	
Qu'ils nous donnent de leur grace:	
Que tous les ans au retour	1685
De ce iour	
Vn facrifice on leur face.	
Nos ennemis foudroyez,	
Effroyez,	
Courent eslancez de crainte:	1690
Laissant par ces rudes monts,	
Vagabonds,	
De leur sang la terre teinte.	
Ils n'ont enterré les corps	
De leurs morts,	1695
Tant la froide peur les presse:	
En danger que des Vautours	
Et des Ours	
La gloute faim s'en repaisse.	
Ils marchent sans estendars	1700
Tous espars:	
Ils n'ofent leuer la teste,	
Enuergongnez de se voir	
Receuoir	
La perte au lieu de conqueste.	1705

CREON. CHŒVR DE VIEILLARDS. LES GARDES DV CORPS DE POLYNICE. ANTIGONE. ISMENE. HEMON.

Creon.

Chace aux Dieux immortels qui de nous ont en foing, Et nous ont de faueur aßiftez au befoing, [236^v] Nos ennemis rompus fe font iettez en fuitte, Quittant honteusement nostre terre destruitte.

1710 La campagne fanglante eft couverte de morts: Cephife va pourprant fes riuages retorts De diuers fang mellé, qui colore fes ondes, Ainfi que de Cerés les cheuelures blondes.

Ils auoyent amené les peuples Argiens,
1715 Les troupes de Megare, et les Myceniens:
Les bandes d'Achaie à nos murs fe camperent,
Et d'innombrables dards nos tours espouuanterent.
Adraste leur grand Roy s'estoit desia promis
De voir son Polynice en son thrône remis,

1720 Pour commander de force, et presser de servage Le peuple Ogygien d'indontable courage. Mais luy mesme, tombant, a la terre mordu: Luy mesme reste mort sur la plaine estendu: Les corbeaux se paistront de sa chair, qui n'est digne

1725 Du tombeau de Ĉadmus, dont le mechant forligne.
Il a, plein de fureur, fon peuple guerroyé,
Et de flamme et de fer le pays foudroyé:
Son nom doit eftre infame à la race future,
Et fon corps execré pourrir fans fepulture.

Or moy, comme celuy qui plus proche de fang
Du malheureux Edip', viens regner en mon rang,
I'ay par publique edict fait expresse defense
D'inhumer ce mechant: que si aucun s'auance
De faire le contraire et enfreindre ma loy,
1735 S'asseure d'esproquer le colere d'yn Roy.

Ie iure par le ciel qui ce monde enuironne, Par cet honoré sceptre, et par cette couronne, Que si aucun Thebain i'y voy contreuenir,
[237] Sans espoir de pardon ie le feray punir,
» Fust-il mon ensant propre. Vne ordonnance est vaine, 1740
» Si l'infracteur d'icelle est exempt de la peine.

I'ay des gardes aßis fur les couftaux d'autour, Qui les corps ennemis veilleront nuict et iour: Car quant aux citoyens qui ont vomy leur vie, Combattant valeureux pour leur chere patrie, Ie veux qu'on les regrette, et qu'en publiques pleurs Les ensepulturant lon chante leurs valeurs.

1745

Chœur de vieillards.

Vous voulez qu'vn chacun ait son iuste sallaire: Les vns de faire bien, les autres de malfaire.

Creon.

»Toute principauté en repos se maintient, »Quand on rend à chacun ce qui luy appartient.

1750

»Il faut le vicieux punir de son offense,

»Et que l'homme de bien le Prince recompense.

»La peine et le loyer font les deux fondemens, Et les fermes piliers de tous gouuernemens.

1755

Chœur de vieillards.

Vous plaift-il commander encores quelque chose?

Creon.

Qu'à garder mon edict vn chacun se dispose.

Chœur de vieillards. Qui fera fi hardy, que pour vn homme mort

Il se mette en danger de receuoir la mort?

Il se trouue tousiours des citoyens rebelles.

1760

Chœur de vieillards.

Ie n'en cognois aucuns qui ne vous foyent fidelles.

Les Gardes du corps de Polynice.

Vous viendrez, vous viendrez.

Antigone.

Ie n'y recule pas.

Chœur de vieillards.

Quelle Dame est-ce-la qu'ils tiennent par les bras?
C'est la pauure Antigone: hà fille miserable!
Vous auez volontiers esté trop pitoyable.

Creon.

Amenez, attrainez: vous estes gens de bien. Où l'auez-vous surprise?

Les Gardes du corps de Polynice.
Autour du frere fien.

Creon.

Autour de Polynice?

Les Gardes du corps de Polynice. En le couurant de terre.

Chœur de vieillards.

Qu'vn obstiné malheur cette maison atterre!
[237] Creon.

1770 Par les Dieux vous mourrez: mais dites moy comment L'auez-vous peu furprendre en cet enterrement?

Les Gardes du corps de Polynice.

Nous eftions à l'escart derrière ces collines, De peur que l'air des corps ne vint à nos narines, Dessous l'abry du vent, regardant soucieux

1775 Qu'aucun ne vint rauir ce corps tant odieux:
Quand nous apperceuons cette fille efploree
Portant en vne main vne paelle ferree,
Vn riche vafe en l'autre, approcher du corps mort:
Et fur luy fe ruant auec grand deconfort,

1780 Faire mille regrets, mille piteuses plaintes,
Qui les Tigres des bois eussent au dueil contraintes.
Sa lamentable vois resonnoit tout ainsi
Que celle d'vn oisean de tristesse trans,
Qui dans son nid portant l'ordinaire bechee

1785 Ne troune plus dedans sa petite nichee.

Quand elle eut quelque temps fes desaftres ploré, Et les playes du mort de baisers honoré, Fist ses effusions, propitiant les Manes, Et les noms inuoquant des vierges Stygianes.

1790 Puis le vase laissant, la paelle print en main, Et du sable plus sec luy empoudra le sein. Adonc nous accourons sans dauantage attendre, A sin de la pouvoir en ce delict surprendre,

Et la mettre en vos mains: Mais s'ans s'espouuanter Elle se vint à nous franchement presenter, Confessant librement le sepulchral office Qu'elle desiroit faire au corps de Polynice. Elle m'en fait pitié: mais le deuoir m'enioint De vous conter le faict et ne le taire point.	1795
Creon. Eft-il vray? auez-vous cette faute commise?	1800
[238] Y auez-vous esté par ces Gardes surprise? Leuez les yeux de terre, et ne desguisez rien.	1000
Antigone.	
Il est vray, ie l'ay fait.	
Creon.	
Ne fçauiez-vous pas bien	
Qu'il estoit defendu par publique ordonnance?	
Antigone.	
Ouy ie le fçauois bien, i'en auois cognoiffance.	1805
Creon.	
Qui vous a doncques fait enfreindre cette loy?	
Antigone.	
L'ordonnance de Dieu, qui est nostre grand Roy.	
Creon.	
»Dieu ne commande pas qu'aux loix on n'obeïsse.	
Antigone.	
»Si fait, quand elles font si pleines d'iniustice.	
»Le grand Dieu, qui le Ciel et la Terre a formé,	1810
Des hommes a les loix aux siennes consormé,	1010
» Qu'il nous enioint garder comme loix falutaires,	
»Et celles reietter qui leur seront contraires.	
»Nulles loix de Tyrans ne doiuent auoir lieu,	
»Que lon voit repugner aux preceptes de Dieu.	1815
Or le Dieu des Enfers qui aux Ombres commande,	
Et celuy qui preside à la celeste bande,	
Recommandent sur tout l'humaine pieté:	
Et vous nous commandez toute inhumanité.	
Non non ie ne fay pas de vos loix tant d'estime	1820
Que pour les observer i'aille commettre vn crime.	

Et viole des Dieux les preceptes facrez, Qui naturellement font en nos cœurs encrez: Ils durent eternels en l'effence des hommes.

1825 Et nez à les garder dés le berceau nous fommes.

Ay-ie deu les corrompre? ay-ie deu ay-ie deu
Pour vostre authorité les estimer si peu?

Vous me serés mourir, i'en estois bien certaine,
Mais la crainte de mort en mon endroit est vaine,

1830 Ie ne fouhaitte qu'elle en mon extreme dueil.

Quiconque ha grands ennuis defire le cercueil.

[238] Quoy? eußé-ie, Creon, violentant nature,
Souffert mon propre frere eftre des Loups pafture
Faute de l'inhumer, comme il est ordonné?

1835 Mon frere, mon germain, de mesme ventre né? L'eusse offensé les Dieux aux morts propitiables, Et les eusse vers moy rendus impitoyables.

Chœur de vieillards. Cette pauure Antigone en fa misere faut: Pour sa condition elle a le cœur trop haut.

Creon.

La puissance du Roy les cœurs rebelles donte,
 Et les foumet aux loix, dont ils ne tiennent conte.
 Cette cy seulement ma desense n'enfreint,
 Mais comme si l'enfreindre estoit vn œuure saint,

Elle s'en glorifie, et d'impudente audace

1845 Maintient anoir bien fait, mesme deuant ma face, Se rit de ma puissance, et pense volontiers Que pour le vain respect des Rois ses deuanciers, Elle n'y soit sugette, et que la felonnie Dont elle vse enuers moy, luy doine estre impunie.

1850 Mais ores qu'elle foit fœur et fille de Rois,
De ma fœur engendree en maritales lois,
Ie la feray mourir, et fa fœur auec elle,
Si ie trouue fa fœur eftre de fa cordelle.
Qu'on la face venir: car n'aguiere à la voir,

1855 l'ay creu qu'elle deuoit en son esprit auoir Quelque grand pensement, tant elle estoit esmeuë. »Souuent nostre secret se decouure à la veuë.

Antigone.

Vous ne pouuez au plus que me faire tuer.

Crean.

Et außi ie ne veux rien plus effectuer.

Antigone.

Qu'attendez-vous donc tant? qu'est-ce qui vous retarde? 1860

Creon.

Sera quand ie voudray: car rien ne m'en engarde.

Antigone.

Il m'est à tard d'auoir mon destiné trespas.

[239]

Creon. Il ne tardera guere, il anance ses pas.

Antigone. Ie mourray contre droict pour chose glorieuse.

Creon.

Vous mourrez instement comme vue audaciense.

1865

Antigone.

Il n'est celuy qui n'eust commis semblable faict.

Creon.

Il n'est celuy pourtant d'entre tous qui l'ait faict.

Antigone.

S'ils parlovent librement, ils louroyent mon emprise.

Creon.

Qui les empescheroit d'en parler sans seintise?

Antigone.

La crainte d'offenser un Roy trop animeux.

1870

Creon.

Pourquoy ne craignez-vous de l'offenser comme eux?

Antigone.

Pour ne craindre la mort remede à ma misere,

Creen.

»Le mespris de la mort vous incite à mal-saire.

Antigone.

» Ce n'est mal d'inhumer son frere trespassé.

Creon.

Vous auez l'inhumant mes edicts tranfgreßé.

1875

Sammlung französ. Neudrucke. 5.

Antigone.

Mais la loy de nature et des Dieux est plus forte.

Creon.

Vous n'auez honoré l'autre de mesme sorte.

Antigone.

De mon autre germain vous auez eu fouci.

Creon.

Et si ie ne l'eusse eu?

Antigone.

I'en eusse faict ainsi.

Creon.

1880 Cettui-cy fa patrie a faccagé par guerre.

Antigone.

Le tort est prouenu de sa natiue terre.

Creon.

D'y auoir amené nos mortels ennemis?

Antigone.

De poursuiure ses droits à chacun est permis.

Creon.

Ie pourfuiuray les miens encontre vous rebelle.

Antigone.

1885 Ie n'ay rien entrepris que d'amour naturelle.

Creon.

Vn ennemy public aimer il n'appartient.

C'hœur de vieillards.

Voicy venir Ismene.

Creon. Où est-elle?

Chœur de vieillards.

Elle vient:

En ondoyantes pleurs le vifage luy nouë, Qui luy vont effaçant le vermeil de fa iouë. 1800 Ha fille que i'av peur!

V P

Creon. Les voici les ferpens,

Les pestes, que l'aimois plus cher que mes enfans. Auez-vous consenti à cette sepulture?

Ifmene.

Ce fut moy qui en eut la principale cure. [239] S'il v a du peché, s'il v a du mesfaict, Seule punissez moy, car seule ie l'ay faict.

1895

Antigone.

Non non elle vous trompe, elle en est innocente, Et ne doit à ma peine estre participante: Elle n'en a rien fceu, non ne la croyez pas.

I'v allois apres elle, et la fuiuois au pas.

Antigone.

Si ie luv eusse dict elle m'eust decelee.

1900

Ifmene.

Au contraire fans moy elle n'y fust allee.

Antigone.

Elle n'a pas, Creon, le courage affez fort.

Ifmene.

Ie vous ay incitee à ne craindre la mort.

Antigone.

Elle veut auoir part à ma gloire acquestee.

Tîmene.

Vous me voulez tollir ma gloire meritee.

1905

Antigone.

C'est à fin de mourir qu'elle dit tout ceci.

Ismene.

Mais c'est pour me sauuer que vous parlez ainsi.

Antigone.

Et pourquoy voulez-vous fans merite me fuiure?

Ifmene.

Et pourquoy voulez-vous me contraindre de viure?

Antigone.

Vueillez plustoft, ma sœur, vos beaux iours allonger.

1910

Iſmene. Pourquoy donc voulez-vous les vostres abreger?

Antigone.

Ie ne me iette pas comme vous au supplice.

Ifmene.

Vous y estes iettee enterrant Polynice.

Antigone.

I'ay mieux aimé mourir que faillir au deuoir 1915 Que viuants il nous faut des trefpaffez auoir: Mais vous faute de cœur ne m'auez osé fuiure.

Ifmene.

Ah que i auray de mal s'il me faut vous furniure.

Ie croy que cette fille a fon esprit troublé.

Ifmene.

Vn efprit, ô Creon, d'amertumes comblé 1920 N'en eft pas fi raßis; c'eft chofe bien certaine.

Creon

Vous l'auez bien perdu de courir à la peine.

Ismene.

Sans elle ie ne puis viure qu'en desplaisir.

Creon.

Quant à elle bien toft la mort l'ira faisir.

Ifmene.

Celle qu'à vostre fils vous auez accordee?
[240] Creon.

1925 Sa peine pour cela ne fera retardee.

Iſmene.

Au bien de vostre fils n'aurez-vous autre esgard?

Creon.

Ie prendray pour mon fils vne femme autre part.

Antigone.

Voyez mon cher Hemon combien on vous estime!

Creon.

Il n'aura point de femme, où se trouue aucun crime.

Ifmene.

1930 Le crime qu'elle a fait n'est que de pieté.

Creon.

Elle n'a qu'entrepris sur mon authorité.

Ifmene.

Le voulez-vous priver d'vne si chere amie?

Creon.

Ouy, fust-elle son cœur et son ame demie.

69 ANTIGONE.

Ifmene.	
Elle est fille. elle est sœur, elle est niepce de Rois.	
Creon.	
Le fust-elle des Dieux, elle est sugette aux loix.	1935
Ifmene.	
Auecque vostre fils elle est en fiançailles.	
Creon.	
Elle ira chez Pluton faire fes efpoufailles. Ifmene.	
O cruauté felonne! ô fiere immanité?	
Creon.	
Gardez-vous d'encourir mesme infelicité.	
Iſmene.	
Ie ne crains d'vn Tyran les iniustes coleres.	1940
Creon.	
Prenez-les toutes deux, prenez ces deux viperes	
Et me les enfermez, ie leur feray sentir	
Combien de me fascher on a de repentir.	
Chœur de vieillards.	
Voici le pauure Hemon vostre enfant debonnaire,	
Ternissant de chagrin l'air de sa face claire:	1945
Il monstre estre bien triste, et auoir dans le cueur,	
A le voir fouspirer, vne extreme langueur.	
C'est volontiers l'effect d'une amour desbordee,	
De voir arriuer mal à fa douce accordee,	
Il la plaint. Or l'oyant ainfi deconforter	1950
Ie pense qu'il ne peut son malheur supporter.	
Hemon.	
Que tu meures, ma vie, et qu'on t'ofte, mon ame, A mon cœur qui ne vit que de ta douce flame?	
Que tu meures sans moy, que sans moy le trespas	
Te meine chez Pluton et ie n'y voise pas?	1955
[240 ^v] Que ie viue fans toy, que mon ame esploree	1333
Soit absente de toy, soit de toy separee?	
Non non ie ne sçaurois: quiconque t'occira,	
Ma mort auec la tienne ensemble apparira.	

Creon.

1960

Mon fils, auez-vous fceu la fentence donnee

Contre vostre Antigone à la mort condamnee?

Hemon.

On me l'a dit, mon pere, et en porte vn grand dueil. Creon.

Ne vous voulez-vous pas conformer à mon vueil?

Mon pere ie vous veux complaire en toute chofe: 1965 Vostre commandement de mon vouloir dispose.

Creon.

C'est parler comme il faut: vn debonnaire enfant Ne s'affecte à cela que son pere desend. C'est pourquoy des enfans tout le monde desire, Qui n'aillent, arrogans, leurs peres contredire:

1970 Comme on en voit aucuns qui ne prennent plaifir, Que d'anoir à leur pere vn contraire defir.

Gardez-vous, mon enfant, que l'amour d'vne femme, Mortifere poison, par trop ne vous enflamme.

C'est vn mal où vostre âge est volontiers enclin,

1975 Mais auec la raifon deftrempez ce venin:
Dontez cette fureur, de peur qu'elle maiftrife
D'vn reprochable ioug voftre ieune franchife.
Vne femme mechante apporte bien du mal
A celuv qu'elle eftreint d'vn lien coniugal:

1980 Telle qu'est cette-cy, qu'aux tenebres i'enuoye
Du nuiteux Acheron, priué de toute ioye.
N'y mettez vostre cœur, souffrez qu'au lieu de vous
Elle voise là bas chercher vn autre espoux.
C'est vne audacieuse, vne fille arrogante,

1985 A qui nostre grandeur est au cœur desplaisante.

Si est-ce qu'il n'est rien qui soit tant perilleux

[241] A l'estat d'vn grand Roy, qu'vn suiet orgueilleux,

Qu'vn suiet contumax, qui sans sin s'euertue

D'estre contrariant à tout ce qu'il statue.

Hemon.

1990 Il est vray: mais souuent autre est l'intention D'vn suiet, qu'il ne semble à nostre opinion: »Tel forsait griesuement qui sorsaire ne pense. »La plus part des delicts se fait par imprudence.

Cefte Vierge exerçant vn pitoyable faict A contre fon vouloir à vos edits forfaict. Chacun en a pitié, toute la cité pleure,	1995
Qu'vne Royale fille innocentement meure Pour vn acte si beau, que lon deust premïer, Comme vn faict de vertu, qu'on ne peut denïer. Quel mal (ce disent-ils) a fait cette pauurette, De vouloir inhumer la charongne muette De son frere desunct, apres l'auoir ploré,	2000
Pour n'estre des Corbeaux ny des Loups deuoré? Voila qu'on dit de vous sans vous le faire entendre: Car craignant vous desplaire on ne l'ose entreprendre. Communément vn Roy ne sçait que ce qui plaist, Que chose de son goust, car le reste on luy taist.	: 2005
Mais moy, qui vostre enfant, sur tous autres desire Que long temps en honneur prospere vostre empire: Qui sans feinte vous aime, ouuertement ie vien Vous conter la rumeur du peuple Ogygien. Conformez vostre esprit à la raison maistresse, Et qu'à la pasion surmonter ne se laisse:	2010
Ne reffemblez à ceux, qui penfant tout fçauoir, Ne veulent le conseil d'vn autre receuoir. Ce n'est point deshonneur à vn Prince bien sage, D'apprendre quelquesois d'vn moindre personnage, [241] Et suiure son aduis, s'il le conseille bien, Sans par trop s'obstiner et arrester au sien.	2015
Creon. Penses-tu que de toy ie vueille conseil prendre? Et en l'âge où ie suis tes preceptes apprendre? Hemon.	2020
»Il ne faut la personne, ains la chose peser, »Et selon qu'est l'aduis le prendre ou resuser. Creon.	
C'est vn braue conseil, qu'vn mechant ie guerdonne. Hemon. De bien faire aux mechans conseil ie ne vous donne. Creon.	2028
Tu veux que ie pardonne à cefte pefte ici.	

Hemon.

Sa faute est bien legere, et digne de merci.

Creon.

D'enterrer vu mechant est-ce chose legere? Vu ennemy publiq?

Hemon.

Voire mais c'est son frere.

Creon.

2030 Corrompre mes Edits? m'auoir en tel mefpris?

Hemon.

De corrompre vos loix ell' n'auoit entrepris.

Creon.

Ie luy feray porter de fon orgueil la peine.

Hemon.

Ce ne fera l'aduis de la cité Thebaine.

Creon.

Qu'ay-ie affaire d'aduis? telle est ma volonté.

Hemon.

2035 X'estes-vous pas suget aux loix de la cité?

Creon.

Vn Prince n'est suiet aux loix de sa prouince.

Hemon.

Vous parlez d'vn tyran, et non pas d'vn bon Prince.

Creon.

Tu veux que mes fuiets me prescriuent des loix.

Hemon.

»Ils doiuent au contraire obeir à leurs Rois.

2040 » A leurs Rois leurs feigneurs, les aimer et les craindre:

» Außi la loy publique vn Roy ne doit enfreindre.

Creon.

Il a foing d'vne femme, et la fert au befoing.

Hemon.

Femme vous seriez donc: car de vous seul i'ay soing.

Creon.

Ofes-tu, malheureux; à ton pere debatre?

Hemon.

2045 l'ofe pour l'equité l'iniuftice combatre.

2050

2055

2061

2065

Creon.

Iniuste te semblé-ie en defendant mes droits?

Hemon.

Iniuste en ordonnant des tyranniques loix.

Creon.

Que tu es abesti des fraudes d'vne femme.

[242] Hemon.

Cautelle ny malice Antigone ne trame.

Creon.

Tu ne la verras plus, fon iour fatal est pres.

Hemon.

Elle ne mourra pas qu'vn autre n'aille apres.

Creon.

Il me menace encor, ô l'impudente audace!

Hemon.

Vers mon pere et mon Roy ie n'vse de menace.

Creon.

Esclaue effeminé, si tu contestes plus

Ie t'ennoiray gronder aux infernaux palus.

Hemon.

Vous voulez donc parler et n'entendre personne.

Creon.

l'atteste Iupiter, qui de foudres estonne Les rochers Capharez, que la punition

Tallonnera de pres cefte presomption.

Sus, qu'on m'ameine tost ceste beste enragee, Qu'aux yeux de ce galand elle soit esgorgee.

Hemon.

Il n'en fera rien fait: ie mourray mille morts Pluftoft qu'en ma presence on outrage son corps. Vous ne me verrez plus, exercez vostre rage Sur ceux qui patiens endurent tout outrage.

Chœur de vieillards.

Il fort d'vn pas leger piqué d'ire et d'amour: I'ay grand' peur qu'il proiette à faire vn mauuais tour.

Creon.

Face ce qu'il voudra, qu'il tonne, qu'il tempeste, Qu'il face l'orgueilleux, qu'il eleue la teste 2000 Encontre moy fon pere, il n'exemptera pas Cette vipere icy du destiné trespas.

C'est vn honneste amour qui son ame bourrelle.

Creon.

Il luy doit preferer la crainte paternelle.

Chœur de vieillards.

Il n'est rien qui ne cede à cette passion.

Creon.

2075 Si ne m'en doit-il moins porter d'affection.

Chœur de vieillards.

A quel genre de mort l'anez-vous condamnee?

Creon.

En vn obscur desert elle sera menee, Sauuage, inhabité, puis sous vn antre creux On l'ensermera viue en vn roc tenebreux.

Laquelle defaillant que la mort elle attende,
Et requiere à Pluton, qu'elle adore fur tous,
Qu'il luy vueille donner vn trespassement doux.
Elle apprendra combien c'est vne chose vaine

2085 De faire honneur aux Dieux de l'infernale plaine.

Chœur.

Es Dieux qui de là haut Sçauent ce qu'il nous faut, »Nous donnent la Iustice.

»Nous donnent la Iustice, Pour le propre loyer

»Aux vertus octroyer,

»Et reprimer le vice.

Mortels, nous n'auons rien

»Sur ce rond terrien,

»Qui tant nous soit vtile,

» Que d'observer les loix, » Sous qui les iustes Rois

» Goinement vne ville.

La Iustice nous fait

»Viure vn âge parfait

2095

2000

En vne paix heureufe:	2100
Les bons elle maintient,	
Et des mechants retient	
La main iniurieuse.	
Par elle l'eftranger	
Voyage fans danger:	2105
Par elle l'homme chiche	
Conferue fon argent:	
[243] Par elle l'indigent	
N'est opprimé du riche.	
Elle rend vers les Dieux	2110
L'homme religieux:	
C'est elle que la veufue	
Et le foible orphelin	
Destiné pour butin,	
A fa defense treuue.	2115
La mere en feureté	
»Garde la chafteté	
De sa fille par elle:	
Monstrant au rauisseur	
Le tourment punisseur	2120
D'vn forceur de pucelle.	
Mais le Vice tortu	
Imite la Vertu	
De telle ressemblance,	
Que, ne l'apperceuant,	2125
Nous ne voyons fouuent	
»De deux la difference.	
Le bon chemin est droict,	
Mais tellement estroict	
»Que fouuent on deuoye:	2130
»Entrant dans les chemins	
»Des deux vices, voifins	
»De cette droicte voye.	
Car celuy mainte fois	
»Qui de cruelles loix	2135
» Vne cité police,	
»Par sa rigueur messait	

2 Plus que celuy ne fait. [243^v] »Dont il punist le vice. Pource que d'Equité 2140 »Prenant l'extremité. »De fa route deftourne » Außi bien que celuy, 2 Qui dissemblable à luy » Surpasse l'autre bourne. 2145 Creon a vrayment tort, De liurer à la mort Cette vierge royale. Il pense tesmoigner Pour les fiens n'espargner 2150Qu'il fait iuftice egale. Mais le crime n'est tel Qu'il doine eftre mortel Λ fa bru et fa niepce: Les amours dedaignant 2155 De fon fils fe plaignant D'yne telle rudeffe.

ANTIGONE. CHŒVR DE FILLES.

Antigone.

Le supreme combat de mes aduersitez!

2160 Voyez mon dernier mal, ma torture derniere!

Voyez comme on me meine en vne orde taniere
Pour y finir mes iours! voyez helas voyez
Pour mes derniers repas les viures octroyez!

Voyez les durs liens qui les deux bras me serrent!

2165 Voyez que ces bourreaux toute viue m'enterrent!

[244] Voyez qu'ils vont mon corps en vn roc emmurer,
Pour auoir mon germain voulu sepulturer!

Vne fille royale on liure à la mort dure,
On me condamne à mort sans autre forsaiture.

Chœur de filles.

Confolez-vous, ô vierge, et ne vous affligez, 2170 D'vn magnanime cœur vos tourmens foulagez. Vous n'irez sans louange en cet antre funebre: Voftre innocente mort viura toufiours celebre. Et celebre le los de vostre pieté. Chaque an lon vous fera quelque folennité 2175 Comme à vne Deesse, et de mille cantiques Le peuple honorera vos ombres Plutoniques. Antigone. O fontaine Dircee! ô fleune Ismene! ô prez! O forests! ô coustaux! ô bords de sang pourprez! O Soleil iaunissant, lumiere de ce monde! 2150 O Thebes, mon pays, d'hommes guerriers feconde, Et maintenant fertile en dure cruauté, Contrainte ie vous laisse et vostre royauté! Adieu Thebes, adieu: l'austere maladie De ses palles maigreurs n'a ma face enlaidie, 2185Les cousteaux on ne vient en ma gorge plonger, Et toutesfois la mort me contraint defloger. Chœur de filles. Heureuse est vostre mort terminant les miseres, Qui ont accompagné vos Labdacides peres Iulqu'à vous miserable, et depuis le berceau 2190 Vous ont iointe toufiours iufqu'au pied du tombeau. Antigone. Que fera desormais la vieillesse esploree De mon pere aueuglé, d'auec moy feparee? Que ferez-vous? helas! qui vous confolera? Qui conduira vos pas, et qui vous nourrira? 2195 Hà ie sçay que bien tost sortant de ma cauerne, [244^v] Ie vous verray mon pere au profond de l'Auerne! Vous ne viurez long temps apres mon trifte fort, Cette nouvelle icy vous hastera la mort. Ie vous verray ma mere esclandreuse Iocaste, 2200

Ie verray Eteocle, et le gendre d'Adrafte, N'agueres deualez fur le noir Acheron, Et non paffez encor par le nocher Charon. Adieu brigade aimee, adieu cheres compagnes, 2205 Ie m'en vay lamenter fous les fombres campagnes: I'entre viue en ma tombe, où languira mon corps Mort et vif, efloigné des viuans et des morts.

Chœur de filles.

O desattre cruel! ô fiere destinee!
O du vieillard Creon ire trop obstinee!
2210 Vienne la mort soudaine et de son heureux dard
Nous trauerse en ce lieu toutes de part en part.

Antigone.

Voicy donc ma prison, voicy donc ma demeure, Voicy donc le sepulchre où il faut que ie meure! Ie ne veux plus tarder, il faut entrer dedans.

Adieu luifant Soleil, adieu rayons ardans
Adieu pour tout iamais! car dans ce pleureux antre,
Mon fupreme manoir, iamais ta clairté n'entre.
Adieu mon cher Hemon vous ne me verrez plus,
Ie m'en vay confiner en cet antre reclus:

2220 Souuenez-vous de moy, que la mort on me donne, Qu'on me liure à la mort pour auoir esté bonne.

Vous degoutez de pleurs, vos yeux en font noyez, Ne larmoyez pour moy, mes fœurs, ne larmoyez. Pourquoy fanglotez-vous? pourquoy vos feins d'albâtre 2225 Allez-vous meurtriffant de force de vous battre? Adieu mes cheres Sœurs, ie vous fay malaifer, Ie ne veux plus de vous que ce dernier baifer. [245] Adieu mes Sœurs, adieu, trop long temps ie retarde De mes piteux regrets la mort qui me regarde.

Chœur de filles.

Hà que nos iours font pleins
D'esclandres inhumains!
Hé Dieux que de trauerses!
Que d'angoisses diuerses!
Que nos cheueux retors
Sortent flotans dehors:
Que nos faces soyent teintes
De sanglantes atteintes.

2235

2230

Que nostre sein ouuert Soit d'vleeres couuert, Que le sang en degoutte,	2240
Et tombe goutte à goutte.	
Que fans cesse les pleurs	
Humectent nos douleurs,	
Que iamais ils ne cessent,	
Et l'vn fur l'autre naissent.	2245
Que ces couftaux fegrets	
Refonnent de regrets,	
Et ces roches cornues	
De plaintes continues.	
Que nostre triste cœur	2250
N'enferme que langueur,	
Soit la triftesse amere	
Son hoftesse ordinaire.	
Iamais le beau Soleil	
Ne nous luise vermeil,	2255
Ains que toufiours fa lampe	
En tenebres il trempe.	
L'obscurité des nuits	
[245 ^v] Eft propre à nos ennuis,	
Nos importuns encombres	2260
Se plaifent aux nuicts fombres.	
Or te vueillent les Dieux	
Conduire aux facrez lieux,	
Où les ames piteuses	
Repofent bien-heureuses.	2265
Et là t'aillent payer	
Le merité loyer	
De ton cœur debonnaire	
Vers le corps de ton frere.	
•	

Hemon.

Vous m'auez, outrageux, de mon ame volé, Vous m'auez arraché le cœur, le fang, la vie, M'ayant par vos rigueurs rauy ma chere amie!

2270

Vn Tigre Hyrcanien fi felon n'eust esté, 2275 Vn Sarmate, vn Tartare eust plus d'humanité. Emmurer vne vierge en vne roche dure, Vne fille de Roy, mon espouse future! Vostre niepce, cruel, que vous deußiez cherir Ainsi que vostre fille, et la faites mourir! 2280 Vous la faites mourir fans estre crimineuse! Son crime et son offense est d'estre vertueuse.

O bourrelle nature! ô trop barbare cœur, Des Ours et des Lions furpassant la rigueur! Aumoins si vous l'eusiez sur le champ esgorgee,

2285 Sans la faire mourir d'vne faim enragee: Vous n'estiez pas saoulé d'vn supplice commun, Il vous falloit monstrer plus cruel qu'vn chacun. Les rayons de ses yeux, la douceur de sa face,

N'ont peu de vostre cœur rompre la dure glace.

2290 Vrayment il est remply d'extreme cruauté, Puis qu'il a peu blesser ceste extreme beauté: Beauté qui à l'amour eust vne roche esmeuë, Si vne roche fust de sentiment pourueuë.

Las que i'aye sa peine! et si ce n'est assez 2205 Qu'on prenne des tyrans les tourments amaffez, Et qu'on me les applique: en toute patience On me verra fouffrir leur dure violence. Außi bien fi ie vis elle ne mourra pas, Ou commun à nous deux nous fera fon trespas. 2300 Ie rompray la cauerne, et si aucun s'oppose Et s'efforce empescher qu'elle ne soit declose, Ie luy feray fentir que c'est temerité De vouloir contredire vn amant irrité.

Mon ame est elle moins de son amour esprise 2305 Que d'Andromede fut le preux nepueu d'Acrife, Qui le monstre marin mort à terre rua, Et detacha la vierge apres qu'il le tua? Mon ame est plus d'amour que la fienne eschauffee, Et Antigone vainc la fille de Ceplice 2310 En pudique beauté: i'ay donc le cœur moins fort,

Si ie ne la deliure et garantis de mort.

Mais trop long temps ie tarde, et ce pendant, peut estre, Que d'inutiles pleurs ie me viens icy paistre, La pauurette pourra s'estre ouuerte le sein De quelque fer plustost que d'attendre la faim: 2315 Ou bien par faute d'air trespasser suffoquee, Ou se briser la teste encoutre vn roc choquee. Il ne faut dilayer de crainte d'accident: [246] Car mon secret destin est du sien dependant. Ie m'estimois heureux qu'elle me fust donnee, 2320 Pour deuoir celebrer vn heureux hymenee: Mais fi le ciel n'aspire à mes louables vœux, Nous irons espouser en l'Acheron larueux. Ce que n'aduienne, ô Dieux! ains permettez de grace Que ie l'ofte auiourd'huy de sa cauerne basse. Rigoureux Amour, Dont la fleche poignante "Sans repos nuict et iour Toutes ames tourmente: Tu dontes glorieux 2330 Les hommes et les Dieux. »Nul ne fe peut garder Que ta main enfantine Ne le vienne darder A trauers la poitrine: 23352 Car contre ton effort »Il n'est rien qui soit fort. » Les Monarques fi craints, » Les Rois porte-couronnes, »Sont außi tost atteints 2340 » Que les fimples personnes: »Voire que tu te prens »Plus volontiers aux grands. » Iupiter, qui des Dieux Est le maistre et le pere, 2345 » Qui la terre et les cieux »Et les ondes tempere,

Sammlung französ. Neudrucke. 5.

	[247] »Sent ce douillet enfant,
	»De fon cœur triomphant.
2350	»Le foudre petillant
	»Dans fa main rougissante,
	»Ny fon œil fourcillaut
	»Qui le ciel efpouuante,
	»Ne le defend du tret
2355	»De cet Archer fegret.
	»Aux Enfers il descend,
	»Et dans l'ame cruelle
	»De Pluton fe gliffant,
	» Y laisse vne estincelle,
2360	Qui n'a tourment egal
	» Dans le creux infernal.
	»Il donte fous les eaux
	»Les troupes escaillees,
	Il naure les oifeaux
2365	Aux plumes efmaillees,
	Les plaines et les bois
	Sont fuiets à fes loix.
	»Les peuples des forests,
	»Les priuez, les fauuages,
2370	Des tertres, des marez,
	» Des valons, des bocages,
	Des champs et des maisons,
	Sont ards de ses tisons.
	» Mais nous fommes fur tous,
2375	» Humaines creatures,
	»La butte de ses coups
	»Et de ses fleches dures:
	» Nous allons plus fouuent
	[247 ^v] »Ses flammes efprouuant.
2380	»Il niche dans les yeux
	D'vne tendre pucelle,
	»Sur fon front gracieux,
	»Sur sa gorgette belle,
	»Ou fes cheueux retors,
2385	»D'où se font mille morts.
	101

» Mais las! c'est grand' pitié,	
Que celuy, qu'il outrage	
» D'vne forte amitié,	
»Sent vne telle rage,	
»Qu'il ne repose point	2390
»Tant que ce mal le poind.	
»Il ne fonge tranfi	
»Qu'à la beauté qu'il aime,	
»Il n'a plus de fouci	
»De sa personne mesme:	2395
» Le paternel deuoir	
»Luy vient à nonchaloir.	
»Il change tout d'humeurs,	
»De naturel il change,	
Il prend d'estranges mœurs	2400
»Sous ce tyran estrange:	
»L'ancienne douceur	
»Desempare son cœur.	
Hemon voyons-nous pas	
Iadis si debonnaire,	2405
Deuenu contumax	
Au vouloir de fon pere,	
Depuis que cet amour	
A faict en luy feiour?	
[248] Il ne peut confentir	2410
Qu'on outrage fa Dame,	
Il aime mieux fentir	
La mort dedans son ame:	
Ie crains que fa douleur	
Nous cause du malheur.	2415

ACTE V.

LE MESSAGER. LE CHŒVR. EVRYDICE. CREON. DOROTHEE.

Le Messager.

COmme Fortune escroule, esbranle et bouleuerse Les affaires humains poussez à la renuerse!

Comme elle brouille tout, et de nous se iouant

» Va fans dessus dessous toute chose rouant!

 $_{2420}\ \mathrm{Sur}$ les fresles grandeurs superbe elle se roule,

Puis foudain les releue en retournant sa boule,

» Et fi nul des mortels ne preuoit fon deftin. Voila le vieil Creon fi heureux ce matin.

Malheureux à cette heure. Il eftoit fans attente, 2425 Sans espoir eleu Roy d'vne ville puissante.

Il a nos ennemis presentement chassez,

Que Polynice auoit contre nous amassez:

Ores le malencontre en fa maifon deuale,

Qui ce nouueau bonheur de triftesse efgale.

»Bien qu'il soit vn grand Roy, ne vit heureusement.

» Vous auez beau couurir de haras les montagnes, » Et de troupeaux laineux les herbeuses campagnes,

[248^v] Auoir l'or qui iaunift fur le riuage mol

2435 Du Lydien Pactole, ou du Tage Espagnol,

»Estre de cent citez et de cent peuples maistre,

» Voire entre tous les Rois vn monarque apparoistre:

» Que fi dans vostre esprit n'auez contentement,

» Vostre felicité ne sera qu'vn tourment.

Le Chœur.

2440 Quel fanglant infortune encores nous tourmente?

Le Meffager.

La Fortune nous bat plus que iamais fanglante.

Le Chœur.

Nous est-il suruenu de nouueaux accidens?

85

Le Messager.

Tout est plein de soupirs et de pleurs là dedans.

Le Chœur.

Est-ce dans le chasteau que tombe cet esclandre?

Le Messager.

Sur le chef de Creon vient ce malheur descendre.

2445

Le Chœur.

De Creon? quel malheur en fon âge chenu?

Le Messager.

C'est par luy, le chetif, que tout est aduenu.

Le Chœur.

Et qu'est-ce? dy nous tost, sans nous tenir en trance.

Le Messager.

Ils font tous roides morts par fon outrecuidance.

Le Chœur.

Iupiter! qui sont-ils? qui a ce meurtre fait?

2450

Le Messager.

Hemon le pauure Hemon s'est luy mesme desfait.

Le Chœur.

Et pourquoy? qui l'a meu? le courroux de fon pere?

Le Messager.

Il est mort forcené d'amour et de colere.

Le Chœur.

De l'amour d'Antigone il estoit esperdu.

Le Messager.

D'Antigone l'amour et la mort l'ont perdu.

2455

Le Chœur.

De cette pauure vierge esteinte est donc la vie.

Le Messager.

Sa mort est de la mort de son Hemon suiuie.

Le Chœur.

Mais i'entreuoy, ce semble, Eurydice qui sort: Auroit-elle entendu nouuelle de sa mort,

Ou bien si par Fortune elle seroit sortie?

2460

Eurydice.

O Thebains mes amis, ie me fuis diuertie Du feruice des Dieux, pour vn bruit effroyant, Qui fortant du chafteau m'a troublee en l'oyant. l'allois au facré temple où Pallas on adore, 2465 [249] Et à peine en la rue estoy-ie entree encore, Quand i'entens la rumeur du peuple espouuanté, Qui bruyoit tristement de quelque aduersité De la maison Royale: à cette voix ouye, Espointe de frayeur, ie tombe esuanouye.

2470 Mes femmes m'embrassant me leuent comme vn faix, Et me couurant le front me portent au palais: Où peu apres estant d'ecstasse reuenue, Et de ce fascheux bruit m'estant resouuenue, Ie sors pleine d'ennuis, ardente de scauoir

2475 Quel infortune c'est, ce qu'il y peut auoir.

La poitrine me bat, le sang au cœur me glace,
Vne froide sueur me destrempe la face,
La force me desaut, mon bras n'a plus de poux,
Et sous mon soible corps tremblotent mes genoux.

2480 Ie presage vn grand mal: car cette matinee L'Orfraye a sur nos tours sa foible voix trainee En longs gemissemens: i'ay veu dessur nos lits Mille taches de sang, et dessur mes habits. I'ay depuis estimé, que ce sussent presages

2485 Du meurtre des deux Rois, et des autres carnages De nos bons citoyens, qui font auiourdhuy morts, Repoussant vaillamment les Argiues efforts: Mais ore ie voy bien que ce figne demonstre, Que sur nos propres chess aduiendra malencontre,

2490 Par le visage morne et les pleurs que ie voy Du peuple, qui me suit et lamente sur moy. Ie l'entens murmurer de quelque horrible chose, De quelque grand meches dont m'aduertir on n'ose. Si le faut-il scauoir. Dites moy ie vous pry,

2495 De quel malheur prouient ce lamentable cry?
[249[†]] Dites-le hardiment: ie ne fuis apprentiue
A porter des ennuis, fans fin il m'en arriue.

Le Messager.

Ie vous conteray tout, Madame: car dequoy Peut feruir qu'on vous taife vn fi lugubre esmoy?

2505

2530

2535

L'on ne le peut celer encores qu'on y tafche,
Vous le fçaurez toufiours combien qu'on vous le cache:
Et le fçachant demain vous n'aurez moins d'ennuy,
Que vous en receurez le fçachant auiourdhuy.

Eurydice.

Tu me tiens trop long temps, despesche ie te prie.

Le Messager.

La fureur de Creon luy estoit deasprie Par le conseil des siens, qui donnerent aduis Que fussent des grands Dieux les oracles suiuis Qu'annonçoit Tiresie, et qu'vn sunebre office Lon sist soudainement au corps de Polynice.

Nous allions attriftez par des chemins tortus,

De cauerneux rochers doublement reueftus:
Pource que la campagne est encore encombree
De grands monceaux de corps, et de sang empourpree.
Puis descendus au lieu suneste aux deux Germains,
Trouuons ce pauure Prince estendu sur les reins,

2515
Tout saigneux, tout poudreux, que nous leuons de terre,
Et le portons lauer sur vne large pierre.

Apres qu'il fut par nous de pure eau nettoyé, Et de linge odorant fouefuement effuyé, Nous inuoquons Hecate en trois noms reclamee, Le tenebreux Pluton, et fa cohorte aimee, En les propitiant, de peur que leur courroux Pour se voir mespriser ne s'eclatast fur nous.

Nous entamons le fein de nostre antique mere, Luy creusons vn tombeau sa maison solitaire, 2525 Et couuert d'vn linceul le descendons dedans, [250] Espandans maints soupirs, maintes pleurs espandans.

Quand tout fut acheué, nous retournons arrière,
Marchant d'vn pas legier vers la fombre tanière
De la bonne Antigone, à fin de l'en tirer,
Ne la voulant Creon plus long temps martyrer.
Nous n'allons gueres loin qu'vne voix lamentable
Nous entendons fortir de la roche execrable:
Le Roy s'en trouble tout, deuient palle, et ne peut
Proferer vn feul mot, tant fon ame s'esmeut.

Il auance le pas, il begave, et demonstre Par ses gestes divers qu'il craint du malencontre, Nous hafte d'approcher de cet antre pierreux. Luy mesme y court soudain, s'appelle malheureux,

2540 Gemist, souspire, pleure, et ses gourdes mains rue Sur ses cheueux grisons et sa barbe chenue. Ah (dit-il) miserable! ah c'est d'Hemon le cry! Allez, courez, volez, fecourez, ie vous prv. Vous n'v ferez à temps, broffez dans ce bocage,

2545 Et à courfe donnez dedans l'antre fauuage: Sauuez moy mon enfant, mon enfant fauuez moy, Mon Hemon las! c'est luy, c'est luy-mesme que i'oy, C'est sa voix, ie l'entens. Lors chacun s'euertue, Chacun court, chacun poste à la roche moussue:

2550 L'vn veut denancer l'autre, et l'honneur acquerir D'estre entré le premier pour Hemon secourir.

De cet antre approchez, nous trouuons la closture Auoir esté brisee en capable ouuerture:

Nous descendons dedans, et descouurant par tout, 2555 Nous voyons Antigone en vn recoin au bout Couchee à la renuerfe, ayant la gorge ceinte De ses liens de teste, en mille nœuds estreinte:

[250"] Et fon Hemon aupres, qui pleurant l'embraffoit, Et sa mort lamentant sur elle gemissoit,

2560 Nommoit les Dieux cruels et la Parque cruelle, Maudiffoit, deteftoit la rigueur paternelle, Se destordoit les bras, la pucelle appelloit: Et bien qu'elle fust morte auec elle parloit, La nommoit sa maistresse, et sa vie, et son ame,

2565 Se disoit malheureux en vne chaste flame. Außi toft vient Creon, qui l'ayant apperceu Tire de grands fanglots, iusque aux poumons esmeu: Et comme fanatique, auec vne voix morte, Tremblant et haletant luy dist en cette sorte.

Que faites vous mon fils? pourquoy vous perdez-vous? Renenez, mon amy, laschez vostre courroux: Pardonnez moy ma faute, humble ie vous en prie, Pardonnez moy, mon cœur, pardonnez moy, ma vie:

Vueillez moy, pour ce coup, mon erreur pardonner.	
I'en porteray tel mal que voudrez m'ordonner.	2575
Mais luy le regardant d'vne œillade farouche,	
Le guignant de trauers à ces propos rebouche,	
Deuient plus furieux, et sans respondre mot	
De ses entrailles pousse vn soupireux sanglot:	
Et au mesme moment il saque au cimeterre,	2580
Dont Creon effroyé se retire grand' erre	
Sortant de la cauerne, et luy tout coleré	
Se donne dans les flancs du coutelas tiré.	
Eurydice.	
Hà qu'est-ce que i'entens! qu'est-ce que i'oy dolente!	
Le Chœur.	
Elle s'en va troublee ainfi qu'vne Bacchante	2585
Au haut de Cithéron, qui pleine de fureur,	
Va celebrant le Dieu des Indes conquereur.	
Acheue Messager ce discours lamentable.	
[251] Le Messager.	
Si toft qu'il eut l'espee en son flanc miserable,	
Il tomba fur la Vierge et de fang l'arrofa,	2590
Dist le dernier adieu, puis ses léures baisa:	
La face luy blefmift, les iambes luy roidirent,	
Sa vie et son amour dedans l'air se perdirent.	
Le Chœur.	
O couple infortuné de fidelles Amans,	
Indignes de fouffrir si funebres tourmens!	25 95
Les Dires vont esteindre aux ondes Stygiales	
De leur mortel Hymen les torches nuptiales.	
Or repofez, enfans, en eternelle paix,	
Et vos douces amours conferuez à iamais.	
Mais d'où vient que la Royne est si tost retournee	2600
Quand elle a fceu d'Hemon la dure destinee,	
Sans faire aucuns regrets, fans auoir lamenté,	
Sentant d'vn si grand dueil son cœur accrauanté?	
Le Messager.	
Ie m'en estonne bien, mais toutesois i'estime	
Qu'elle a voulu presser la douleur qui la lime,	2605

Et ne la declarer en public deuant tous: Mais qu'elle vomira fon dueil et fon courroux Libre dans le chafteau sans que ses pleurs on voye. » Celuy larmoye feul qui de bon cœur larmoye.

2610 Autrement, ie ne croy qu'il puisse auoir danger, Que par trop de douleur elle s'aille outrager: Elle est trop retenue et a trop de prudence.

Le Chœur.

Certes ie n'en sçay rien, mais ce triste silence Me femble prefagir incurables malheurs: 2615 » Combien qu'en vn vrav dueil vaines font les clameurs.

Le Messager.

Entrons dedans la ville, on pourra nous apprendre Si le dueil luy a fait sur sa vie entreprendre.

Le Chœur.

Allons: mais voila pas Creon l'infortuné?

Le Messager.

C'est luy mesme c'est luy, le vieillard obstiné. [251^v] Le Chœur.

2620 Il fait porter vn mort fur lequel il lamente.

Le Messager.

C'est Hémon retiré de la caue relante.

Le Chœur.

Il est cause tout seul d'vn si cruel meches, Mais ie crains qu'il ne tombe à d'autres sur le chef.

Creon.

O trois et quatre fois malheureuse ma vie! 2625 O vieillesse chagrine au desastre asseruie! O crime detestable! ô monstrueux forfait! I'ay par ma cruauté mon cher enfant desfait! Hà bourreau de mon fang! vne Tigre fauuage Ne traitte ainfi les fiens, que moy mon parentage.

2630 Ie me nourris de meurtre, et encores ma faim Ne fe peut amortir d'vn carnage inhumain: Ie guerroye les morts, ma fureur insensee S'est après le trespas sur les miens elancee. I'ay voulu Polynice aux corbeaux liurer mort

2635 Et aux loups charoigniers, non contant de sa mort.

2640

2645

2655

2660

2665

I'av enclose Antigone en vne caue noire, Pour vn piteux office, et qui merite gloire.

I'ay viue enseuely la fille de ma sœur, Et de mon propre fils ie suis le meutrisseur.

Le Chœur.

Trop tard vous cognoissez vostre incurable offense, Vaines y font les pleurs, vaine la repentance, Pour neant vous iettez ces lamentables cris. De ce qui est ia faict le conseil en est pris.

Dieu mesme ne sçauroit, bien que tout il modere, »Faire qu'vn œuure faict soit encores à faire.

Creon.

Helas ie le fçay bien à mon grand deconfort. Incurable est ma peine, incurable mon tort. Helas! que ma vieillesse est de malheurs chargee! Que mon ame a d'angoisse, et qu'elle est affligee!

Dorothee.

O Creon esploré, les meurtres à foison 2650 [252] Viennent de plus en plus combler vostre maison.

Creon.

Que me peut-il rester de chose miserable, Que ne m'ait fait sentir la fortune muable?

Dorothee.

La Royne s'est tuee, et de son rouge sang Sa chambre est ondoyante et semble d'vn estang.

Creon.

O cruel Acheron aux implacables gouffres, Qui dans tes flancs ouverts toutes choses engoufres, Pourquoy me viens-tu perdre estant ia si perdu? Que ne suis-ie plustost dans l'Orque descendu, Ains qu'emplir ma maison de sang et de carnage, Que pousser deuant moy mon malheureux mesnage?

Hà pauure infortuné, pauure Roy, Roy chetif, Que ce bandeau royal est vn heur deceptis! Si tost ie ne l'ay pris, qu'vne horrible tempeste D'esclandres desastreux m'a bourrelé la teste.

Mon Eurydice est morte! hà mechant c'est par moy! D'autre que de moy seul me plaindre ie ne doy.

Par moy ma niepce est morte en vn louable office: Par elle mon Hemon, par Hemon Eurydice.

2670 Ainfi de tant de morts ie fuis cause tout seul, Et seul außi i'en porte et la coulpe et le deul. Mon Eurydice est morte, Eurydice mon ame! O sanguinaire espous, ô desastreuse Dame! Allons, courons la voir.

Dorothee.

Ne vous haftez ia tant,

2675 Vous ne ranimerez fa vie en vous haftant. Trop toft à voftre dam vous verrez la pauurette Preste à faire descente en la tombe muette.

Creon.

Hé bons dieux que feray-ie? est-il calamité Qu'apparier ie puisse à mon aduersité?

2680 Que me peut-il refter? que refte à ma vieillesse Qu'elle ne soit confite en extreme destresse? [252^v] l'ay meurtry mon ensant que ie tiens en mes bras, Et ma loyale espouse ay conduit au trespas.

Hà mere trop piteuse! hà fils trop debonnaire!

O trop cruel Destin! cruel fort estouffant Par mon austerité, niepce, semme, et ensant!

Dorothee.

Elle est morte soudain, sur l'autel renuersee, D'vn poignard outrageux l'estomach trauersee.

2690 Mais deuant que vomir fa trifte ame dehors,
Les deux yeux entre-ouuerts ternissans par les bors,
Le visage desteint de sa rose premiere,
A son antique espoux a fait dure priere,
Ses Manes contre vous par trois sois implorant
2695 Et toutes les Fureurs des Enfers adiurant,

Pour venger dessureurs des Enfers adiurant, Pour venger dessur vous au creux Acherontide De cent et cent tourmens ce double parricide.

Creon.

O pauure, ô miferable, helas ie tremble au cœur! Ie fens mon fang glacer d'vne mortelle peur.

Que quelqu'vn ne me vient d'vne trenchante espee Trauerser la poitrine, ou la gorge frapee? Arrachez-moy d'ici, iettez moy quelque part, Où ie puisse plorer dans vn roc à l'escart.	2700
Ie fuis femblable à ceux que le fepulchre enferre, Tant l'ennuy, tant le mal mortellement m'atterre. Vienne vienne la Mort au feuere fourcy,	2705
Vienne la Mort terrible et m'arrache d'icy. Que ce iour le dernier de mes iours apparoisse, Ce iour face noyer mon crime et mon angoisse	
Au fond de l'Acheron, non pas mon crime, helas! Car il faut qu'auec moy ie le porte là bas, Et le monstre à Minos, pour receuoir la peine	2710
[253] Que merite l'aigreur de mon ame inhumaine.	
Le Chœur.	
Laissez-là ces regrets, cet inutile dueil, Et faites que leurs corps on enferme au cercueil.	2713
Creon.	
Ie ne te puis lascher ma tendre geniture, Pour inhumé te mettre en digne sepulture,	
Bien que ie t'aye occis par ma seuerité,	
Contre ton faint amour follement irrité:	
Ny vous ma chere espouse: helas ce mesme esclandre Et ce mesme forfait vient vostre sang espandre!	2720
Mere, vous n'auez peu, trop outragee au cœur,	
Surviure à vostre enfant meurtry par ma rigueur:	
Et moy meurtrier ie vy, Clothon mes iours deuide,	
Qui fuis espoux, et oncle, et pere parricide.	272
Où mes yeux tourneray-ie? en quel lieu, malheureux, Me doy-ie retirer pour n'estre langoureux?	
Tu vois, pauure Creon, quelque part que tu ailles	
Des meurtres impiteux, tu vois des funerailles.	
De fon glaiue abbatu ton enfant gift icy,	2730
Occife en ta maison ta semme gist außi:	
Tout regorge de pleurs, de regrets et de plaintes,	
Par la fortune font tes liesses esteintes. O rigoureux Destin, qu'on ne peut euiter!	
O grands Dieux immortels! ô pere Iupiter!	2733
2 Promise Transfer of Lore rabiner.	

Terminez ie vous pri' ma douleur et ma vie, D'Eurydice la mort foit de ma mort suivie.

Le Chœur.

Vos pertes, vos malheurs, que vous auez foufferts
»Procedent du mespris du grand Dieu des Enfers:
2740 »Il le faut honorer, et tousiours auoir cure
» De ne priuer aucun du droiet de sepulture.

FIN.

$[253^{\circ}] \quad L \to S \quad I \quad V \quad I \quad F \quad V \quad E \quad S,$ $T \quad R \quad A \quad G \in D \quad I \in$

[254] A MONSEIGNEVR

DE IOYEVSE DVC,

PAIR, ET ADMIRAL

de France.

E m'estois resolu, Monseigneur, de quitter l'ingrat exercice des Muses, où ie ne me suis que trop inutilement esbatu: mais estant sur le poinct de prendre congé, ie me suis aduisé que deux choses principalement me restoyent: de chanter quelque cas de nostre Dieu, digne d'un homme 5 Chrestien, et de vous presenter de mes vers, comme à [254] celuy qui leur est venerable entre tous. Dequoy ie me semble estre aucunement acquitté par le sujet et addresse de eeste Tragedie. Car tout ainsi que c'est un discours Chrestien et religieux, il s'est convenablement ad-10 dreffé à vous, Monfeigneur, qui l'eftes autant que nul autre de ce Royaume. Et pour l'autre efgard, i'eusse craint d'estre instement repris des Muses, si entre tous eeux qui se sont efforcez de monter sur leurs saints coupeaux, i'estois seul n'honorant vostre vertu, et nc re-15 connoissant la continuelle bien-vueillance qu'elles recoiuent de vous leur Mecene. Car combien que, ou par l'infelicité du fiecle, ou par defaut de merites, ou par vn malheur particulier, les peines que i'ay prifes à les careffer, m'ayent [255] esté autant infructueuses iusques icy, que?

les affidus et defagreables labeurs de ma vacation: Si veux-ie, Monfeigneur, vous regracier des bienfaits que les lettres recoinent iournellement de vous, comme à i'estois du nombre des mieux fortunez, et vous en demeurer au-25 tant redevable que l'un d'iceux. Or vous au-ic ieu representé les souspirables calamitez d'un peuple, qui a comme nous abandonné son Dieu. C'est vn suiet delectable, et de bonne et saincte edification. Vous u vouez le chastiment d'un Prince issu de l'ancienne race de Dauid, pour 30 fon infidelité et rebellion contre fon superieur: Et voyez aush l'horrible cruauté d'un Roy barbare vers celuy qui battu de la fortune, est tombé en ses mains [255] par vn seuere iugement de Dieu. La prerogative que la verite prend fur la mensonge, l'histoire sur la fable, un sujet et 35 difeours facré fur un profane, m'induit à croire que ce Traitté pourra preceller les autres, et moins desarcer à fa Maiesté, s'il luy plaist l'honorer de sa veuë, luy estant dedié en general aucc les precedens, tout ainsi que ie vous le viens particulierement voüer et presenter. C'est peu de 40 chose à vray-dire, et le reconnois ains: mais c'est tout ce que ic vous puis donner de tesmoignage du respect et obeiffance que ie vous porte, et de l'humble subjection que ie dois à sa Maiesté. En cela ie me confie, Monseigneur. affeuré que l'affection de l'Au[256]theur tiendra lieu de 45 recommandation de son œuvre, et le garantira de contemnement.

> Voltre tres-affectionné feruiteur Robert Garnier.

[256"] AD ROBERTVM GARNIERIVM

RERVM CAPITALIVM PRAEFECTVM

Cœnomanis, Petrus Amyus ibidem

Cos. Mag.

/ Vam Cirrha proced et cantatis Phocidos antris	
Vam Cirrha procul, et cantatis Phocidos antris, Quam Cælo, Garniere, remoto	
Caftaliæ pereunt duce te volitare Camænæ.	
En qua fecundo rigat anne	50
Nilus arenofi fitientia rura Canopi,	
Quaque Palestinæ recutitis	
Palmæ frondofas fociarunt gentibus vmbras,	
Te observant, tua signa sequuntur.	
Hae paffis, illa in nodum religata capillos:	55
Et cinctæ omnes tempora myrto,	
Sufpenfæque lyras humero, mirantur et ardent	
Quos pergis, fua mella, labores.	
Illa alias inter quæ te almo fydere natum	
Fouit Melpomene, anxia rerum	60
Quicquam adolere nouarum operi nouo, At vnde, ait, aut quid	?
Dum Thefiden, dum Aftyanacta,	
Relliquias Troiæ, dum ciuica bella Quiritum,	
Ternis exantlata duellis	
Terno complexus dedit expallere theatro,	65
Nos illi pulchra omnia, opumque	
Addidimus, quantum ex adytis Heliconis opimis	
Mortales ditescere fas est.	
Quid fuperest? Quid non dictum illi? Non fibi folus	
Iam ipfe eft, qui fe comparet ipfi?	70
[257] Eft humana tenus quo fefe audacia fundat,	
Vana aliquid fupra meditari:	
Est lex quaterus immortales vatibus adfunt,	
Vltra quam conata, refringit	
Qui Lycios regnat faltus, Delum, Pataramque	75
Cynthius et Thymbræus Apollo.	
Subliftit paulum, et mox mutato altera vultu,	
At fi, inquit, nihil amplius illi	
Defluit vnde potest reliquis, fi nostra, Sorores,	_
Illum aduorsum copia friget,	30
I proprijs pollens numeris, I te tibi Teucro,	
Teque ipfo, Garniere, beatus	
Sammlung französ, Neudrucke. 5. 7	

Aude fecurus quicquid lubet, ardua pennæ Numina prome tuæ: Ecce Siouem

85 Sponte fubit. Libanique intonfa cacumina cedros Parnaffus bifida arce biuertex:

Aude hic quod paueant Reges, atrocia Iudæ Fata, et lamentabile regnum

Sedecia, prolemque neci afflictam, ante caduci

90 Lumina mox peritura parentis.

Te labor ifte manet postremus, inhospita edaci Quem fenio exspectant loca, vbi inter

Æternas foirant lauros ceciniffe peritæ Threiffa, Smyrnææque Camœnæ.

$|257^{\rm v}|$ Argument de la Tragedie des Inifues.

NAbuchodonofor Roy des Affyriens ayant ordonné Sedecie Roy de Ierufalem an lien de Ioachim fon namen approx Roy de Ierufalem au lieu de Ioachim fon nepueu, apres qu'il luy eust iuré la foy de luy estre tousiours bon et loyal vaffal, et de ne prendre iamais l'alliance et con-5 federation du Roy d'Egypte fon ennemy, fut neuf ans apres contraint de luy faire guerre pour auoir faulsé sa foy, prenant le party de Nechun Roy d'Egypte, et auoir fon peuple reuolté contre luy. Pour ceste cause il mist aux champs vue tresforte armee, auec laquelle il brufla et 10 faccagea le pays de Iudee, et mist le siege deuant Ierusalem capitale de la prouince. Dequoy l'Egyptien aduerti marcha incontinent auec ses forces pour le contraindre de leuer le fiege, ou de venir au combat. Mais Nabuchodonosor pour le preuenir leue incontinent les enseignes, et 15 le va rencontrer sur le chemin, où il le combat, et met fon armee en pieces, auec grand carnage et mortalité: puis retourne camper deuant Ierusalem, qu'il fait battre plus furieusement qu'auparavant. Le fiege dura dixhuit mois entiers: pendant lequel il se retira auec sa cour en

dla ville e Reblate, qui est Antioche de Syrie, relaissant 20 la charge de l'armee à Nabuzardan, [258] et autres vaillans Capitaines: lesquels serrerent les assegz de si pres, que tous moyens de recouurer viures leur estans oftez, ils furent incontinent reduits en trefgraude detreffe et necessité, mourans iournellement de faim. En fin comme ils estoyent 25 fort debilitez de courage et amoindris de nombre, leur est donné vn roide et furieux affault fur la minuict, qu'ils ne peurent foustenir, et fut la ville emportee de viue force. La cruauté fut extreme tant enuers les hommes qu'edifices. Le temple fut pillé et embrafé, la ville mife à feu et à 30 fang, et grand nombre de seigneurs et autres du populaire emmenez pour esclaues. Sedecie informé de ce defastre fort hastiuement auec sa mere, semmes, enfans, et aucuns de ses amis par vne porte secrette, et preud le chemin des montaignes, où il est poursuiui par quelques 35 gens de cheual, qui l'acconceurent aux campagnes de Iericho, le prindrent et lierent, et le menerent auec toute sa maison en Antioche, où il fut presenté au Roy Nabuchodonofor. Lequel apres luy auoir reproché en grande colere son ingratitude et desloyauté, fist en sa presence 40 efgorger ses enfans, et decapiter le grand Pontife auec les principaux seigneurs de Ierusalem: puis il luy fist creuer les yeux. Ce fait l'enuoya chargé de pesantes chaisnes en Babylon, où il finist depuis miserablement ses iours. Ce fuiet est pris des 24 et 25 chapitres du 4 liure des 45 Roys, du 36 chapitre du 2 liure des Chroniques, et du 29 de [258^v] Ieremie, et est plus amplement traitté par Iosephe au 9 et 10 chapitres du 10 des Antiquitez.

Entreparleurs.

Le Prophete.
Nabuchodonofor, Roy d'Affyrie.
Nabufardan, Lieutenant general en l'armee.
Amital, mere de Sedecie.
Les Roynes, femmes de Sedecie.
La Royne, femme de Nabuchodonofor.
La gouvernante de la Royne.
Sedecie, Roy de Ierufalem.
Sarree, grand Pontife.
Le Prevoft de l'hoftel de Nabuchodonofor.
Le Chœur des Ivifues.

[259] LES IVIFVES.

TRAGEDIE.

ACTE I.

Le Prophete.

IVíques à quand, Seigneur, épandras-tu ton ire? Iuíqu'à quand voudras-tu ton peuple aimé détruire, L'infortuné Iuda, que tu as tant cheri, Que tu as quarante ans par les deserts nourri, Comme vn enfant tendret que sa nourrice allaite, Et ores en rigueur ta dure main le traitte?

O feigneur nostre Dieu, ramolli ton courroux, Rasserene ton œil, sois pitoyable et doux, Nous t'auons offensé de crimes execrables Et connoissons combien nous sommes punissables: Mais las! pardonne nous, nous te crions merci, Si nous auons peché, nous repentons außi.

10

15

20

Souuienne toy d'Isac et de Iacob uos peres, A qui tu as promis des terres étrangeres Auec posterité, qui s'écroistre deuoit Comme vn sable infini qu'aux riuages on voit: [259] Ne vueille de la terre effacer leur memoire. Qui t'inuoqueroit plus? qui chanteroit ta gloire? Qui te sacrifieroit? qui de tous les mortels Se viendroit plus ietter au pié de tes autels?

Seroit-ce le Medois? féroit-ce l'Ammonite? Las! feroit-ce celuy qui en Cedar habite? O feigneur ô feigneur, vueille prendre pitié D'Ifrael ton enfant durement chatié.

25 Tu l'aurois vainement eleué fur la terre. Vainement defendu de ses voifins en guerre, Pourneant arraché le fardeau de fon dos. Et conduit à pié fec par le milieu des flots, Qui pour luy donner voye en deux parts se fendirent,

30 Et, comme bouleuars, par les flancs le couurirent.

En vain, helas! en vain tu l'aurois tous les iours Reneu de fainte manne aux fauuages détours De l'austere Arabie, et sa soif estanchee De l'onde jailliffant d'yne roche touchee:

35 Tu l'aurois pourneant par ces deferts conduit Sons yn nuau de jour, et fous yn feu de nuit, Prenant de fon falut folicitude telle. Qu'on a de conferuer de ses yeux la prunelle: Si ores, l'avant fait nombreux multiplier,

40 En son aduersité tu le viens oublier: Tu le liures captif entre les mains profanes, Et le vas confiner aux terres Caldeanes.

O peuple malheureux! peuple cent fois maudit Tu fçais bien que i'auois tes defaftres predit!

45 Que i'auois annoncé du grand Dieu la menace, A fin qu'humilié deuant sa claire sace Le peusses reconnoistre, et qu'à force de pleurs, [260] De jeusnes et de cris preuinses tes malheurs! Mais tu as mesprisé ces menaces prophetes,

50 Et m'as voulu meurtrir pour te les auoir faites, Ton cœur obstiné fut et tes sens endurcis: Außi es-tu butin d'vn peuple incirconcis, Qui a mis au conteau la plus part de tes freres, Arraché tes enfans du giron de leurs meres,

55 Tes femmes violé, le faint temple polu, Mis fes ioyaux en proye au foldat diffolu, Qui les a teint de sang, et fait du sanctuaire, N'aguiere inuiolable, vn tombeau mortuaire. Le poil m'en dresse au chef, i'en frissonne d'horreur,

60 Ce trifte fouuenir me remet en fureur.

65

70

75

80

85

90

Hà chetiue Sion, iadis si florissante, Tu sens ores de Dieu la dextre punissante! L'onde de Siloé court sanglante, et le mur De tes tours est brisé par les armes d'Assur: Ton terroir plantureux n'est plus que solitude, Tu vas languir captiue en triste servitude.

'as languir captiue en trifte feruitude. Helas! voyla que c'est d'offenser l'Eternel,

Qui te portoit, Sion, vn amour paternel: Tu as laißé sa voye, et d'vne ame rebelle Preferé les saux Dieux qu'adore l'Insidelle. Ingrate nation, tu as sur les hauts lieux Osé sacrifier à la Royne des Cieux, Luy consacrer des bois, tu as d'argille molle Poitrie entre tes mains saçonné mainte Idole, Que tu as adoree, (abominable fait!)

Que tu as adoree, (abommable latt.) Immolant à vn Dieu, que toy mesme t'es fait.

Il a des yeux ouuerts, toutefois ne voit goutte:

Des oreilles il a, toutefois il n'écoute:

[260] On luy voit vne bouche, et ne fçauroit parler,

Il a double narine et ne respire l'air,

Ses mains sans maniment demeurent inutiles,

Et ses pieds sans marcher sont plantez immobiles.

Semblables soyent ceux-la qui tels Dieux vont suiuant

Au lieu de l'Eternel, de nostre Dieu viuant,

Qui a fait ciel et terre, et qui ialoux n'endure

Vn homme s'incliner deuant sa creature.

Retourne toy vers luy, peuple sautier, à sin

Qu'à tes calamitez il vueille mettre sin:

Amande amande toy, ieusne, pleure, souspire,

A fin que de ton dos ses glaiues il retire.

Chœur.

Pourquoy Dieu, qui nous a faits D'vne nature imparfaits,
Et pecheurs comme nous fommes,
S'irrite si griefuement
Du mal que iournellement
Commettent les pauures hommes?

95

»Si tost que nous sommes nez » Nous y fommes adonnez: » Nostre ame, bien que diuine »Et pure de tout mesfait, 100 »Entrant dans vn corps infet »Auec luy se contamine. » Nul ne fe peut empescher »En ce monde de pecher, »Tant est nostre humaine race 105 »Encline à se deuoyer, »Si Dieu ne vient deployer [261] »Sur nous fa diuine grace. Deflors qu'au verger d'Eden Il crea le pere Adam, 110 De la terre sa naissance. Et que de fon gras limon De l'homme fut prins le nom Comme auoit esté l'essence: Le peché, qui dans les os 115 Du Serpent couuoit enclos, Se gliffa par vne pomme Dans le credule cerueau D'Eue, épreinte de nouueau Des costes du premier homme. 120 Si toft ce poison ne fut Dedans fon oreille chut. Qu'il s'épandit en son ame: Et qu'Adam, qui le fentit, Außi tost se repentit 125 De la faute de sa femme. Il estoit en ce beau lieu Ainfi qu'vn terrestre Dieu, Commandant aux Creatures, Qui voloyent et qui nageoyent, 130 Qui dans les plaines logeoyent Et dans les forests obscures. Il foisonnoit en tout bien,

Il n'auoit souci de rien,

La terre toute benine	135
Sans le dur coutre fouffrir,	
Venoit tout les iours offrir	
Les threfors de la poitrine.	
[261] Ses prez estoyent touhours vers,	
Ses arbres de fruicts couuers,	140
Et ses iardins de fleurettes:	
Zephyre éuentoit le ciel,	
Des chesnes couloit le miel	
Sans artifice d'Auettes.	
L'orgueilleuse ambition,	145
Ny l'auare paßion,	
La haine et l'amour encore,	
L'esperance, ny la peur,	
Ne luy gesnoyent point le cœur,	
Comme elles nous gefnent ore.	150
Mais si tost qu'il fut taché	
De la bourbe de peché,	
Dieu le banit de fa veue,	
Ses enfans furent maudits,	
Luy chaßé de Paradis	155
Auec sa femme deceue.	
Depuis, fa posterité	
N'a commis qu'iniquité,	
Le frere meurtrit le frere:	
Si bien que Dieu se fâchant	160
D'vn animal si mechant,	
Refolut de le defaire.	
Il fift regorger les eaux	
Des fleuues et des ruisseaux.	
Il enfla la mer bruyante.	165
Le ciel si longuement pleut,	
Que toute fon onde cheut	
Desfur la terre ondoyante.	
Lors cet Element moiteux	
[262] Couurit les monts raboteux	170
De quinze humides coudees:	
Les Pins, qui croissent si hauts,	
487	

Ne peurent attaindre egaux A la hauteur des ondees. Außi tout perit dedans, Fors ceux qui eurent, prudens, L'arche de Dieu pour refuge: Mais ores, que les forfaits Sont plus nombreux que iamais, Ie crains yn autre deluge.

180

175

ACTE II.

NABVCHODONOSOR. NABVZARDAN, fon Lieutenant general.

Nabuchodonofor.

PAreil aux Dieux ie marche, et depuis le réueil Du Soleil blondiffant iusques à son sommeil, Nul ne se parangonne à ma grandeur Royale, En puissance et en biens Iupiter seul m'egale:

185 Et encores n'estoit qu'il commande immortel, Qu'il tient vn foudre en main dont le coup est mortel, Que son thrône est plus haut, et qu'on ne le peut ioindre, Quelque grand Dieu qu'il soit, ie ne serois pas moindre. Il commande aux éclairs, aux tonnerres, aux vents,

100 Aux grefles, aux frimats, et aux aftres mounans, Infenfibles fuiets: moy ie commande aux hommes, Ie fuis l'vnique Dieu de la terre où nous fommes. S'il est, alors qu'il marche, armé de tourbillons, Ie fuis enuironné de mille bataillons

195 [262^v] De foudars indomtez, dont les armes luifantes Comme foudains éclairs, brillent etincelantes. Tous les peuples du monde ou font de moy fuietz, Ou Nature les a delà les mers logez. L'Aquilon, le Midy, l'Orient ie possede.

200 Le Parthe m'obeift, le Persan et le Mede, Les Bactres, les Indois, et cet Hebrieu cuidoit, Rebelle, s'affranchir du tribut qu'il me doit.

210

215

220

Mais il a tout foudain esprouué ma puissance, Et receu le guerdon de son outrecuidance.

Nabuzardan.

» Celuy qui entreprend d'estre plus qu'il ne peut, 205 » Souuent, trompé d'espoir, dechet plus qu'il ne veut.

Nabuchodonofor.

Ce braue me pensoit si failli de courage, De fouffrir m'estre fait vn si vilain outrage, Et ne m'en ressentir, n'auoir point la raison D'vne si detestable et lasche trabison. Mais deuant que le iour ait la course finie,

Ie iure qu'il verra sa lascheté punie.

S'esseuer contre moy? se distraire de moy? Contre ma volonté se penser faire Roy? C'est faire proprement aux Estoiles la guerre, C'est vouloir arracher de Iupin le tonnerre.

Nabuzardan.

Il est assez puny de son ambition.

Nabuchodonofor. Ie luy veux bien donner autre punition.

Nabuzardan.

A vn Roy? que peut-il endurer d'auantage Que de se voir reduit en si honteux seruage? Que de se voir priuer de son sceptre ancien? Que d'auoir tout perdu? que de Roy n'estre rien?

Nabuchodonofor.

Pour cela n'est encor ma vengence assouie. Nabuzardan.

Et que voulez-vous plus?

Nabuchodonofor.

Ie veux auoir sa vie.

Nabuzardan.

»Le voulez-vous meurtrir?

Nabuchodonofor.

Qui tient fon ennemy

[263] Et ne le meurtrist point, n'est vengé qu'à demy.

Nabuzardan.

Au contraire, en sa mort il pert toute vengeance. » Car l'ennemy qui meurt sort de nostre puissance.

Nabuchodonofor.

Le laissery-ie viure estant sous mon pouuoir?

Nabuzardan.

230 Vous I'y deuez contraindre or qu'il n'en eust vouloir.

Nabuchodonofor.

Celuy que ie hay tant contraindroy-ie de viure?

Nabuzardan.

Ouy, de peur que la mort de vos mains le deliure. La mort l'affranchira de ses tourmens cruels, Qui luy seroyent, viuant, trespas continuels.

- 235 » C'e n'est rien de mourir: la mort tant soit amere,
 - » N'est aux calamiteux qu'vne peine legere:
 - » Elle ferme la porte à tous maux douloureux,
 - »Et purge de malheur les hommes malheureux.

Nabuchodonofor.

Pourquoy s'il fouffre tant à fecours ne l'appelle?

Nabuzardan.

240 C'est par faute de cœur qu'il ne recourt à elle, La redoutant sans cause, et pourroit estre ausi Qu'il se nourrist d'espoir que luy serez merci.

Nabuchodonofor.

A vn tel desloyal? qui s'est ioint d'alliance Auec mon ennemy pour me faire nuisance?

245 Qui s'est ingratement contre moy rebellé
Pour loyer de l'auoir au royaume appellé?
Il le merite bien: par le Soleil ie iure,
Que si mon propre ensant m'auoit faict telle iniure,
Mes peuples rebellant qui luy seroyeut commis,

250 Pour se bander contraire auec mes ennemis,

»Ie le ferois mourir. Tous crimes on pardonne Fors celuy feulement qui touche à la couronne.

Nabuzardan.

»C'est donner à vray dire au rebelle vn appas, »Qu'en supporter le crime et ne le punir pas. Nabuchodonosor.

255 Chacun entreprendroit pareille felonnie, Si celle de ce Roy demeuroit impunie. [263^v] Ie ne ferois plus craint, on m'auroit à mépris S'affeurant vn chacun de n'en eftre repris.

Nabuzardan

» Tout Prince doit au crime attacher le supplice, »Et de ses bons suiets guerdonner le service: »A fin qu'on soit à bien incité par biensait,

260

Et par peines démeu de commettre vn mesfait.

Nabuchedonofor.

I'en feray tout ainfi.

Nabuzardan.

Mais gardez-vous de faire

Que la punition excede le falaire.

»Toufiours vn Roy doit eftre au chaftiment tardif, »Mais à faire du bien se monstrer excessif.

265

Nabuchodonofor.

Le service des miens soigneux ie remunere.

Nabuzardan.

Ne foyez à punir commandé de cholere, Soyez y retenu, fi que la cruauté Ne puisse donner tache à vostre Royauté.

270

275

» Iamais homme cruel n'eut l'ame magnanime.

Nabuchodonofor.

»Si vn Roy n'est seuere on n'en fait point d'estime.

Nabuzardan.

»On l'est tousiours assez: vn Monarque irrité

»A toufiours, fe vengeant, trop de feuerité.

» L'on ne voit à grand' peine homme qui s'y tempere: »S'il ne se faict raison, c'est qu'il ne le peut faire.

» Mais vn Roy qui peut tout, n'a qu'à se retenir,

»Si quelqu'vn l'a faîché, de ne le trop punir. Que de ce Roy la faute inhumain ne vous rende.

Nabuchodonofor.

»En vn crime si grand doit la peine estre grande.

280

Nabuzardan.

Le supplice au delit ne vueillez mesurer.

Nabuchodonofor.

Voudriez-vous que i'allasse vn tel crime endurer?

Nabuzardan.

Non, mais que son estat à pitié vous incite.

Nabuchodonofor.

Pour estre Roy, sa faute est elle plus petite?

Nabuzardan.

285 Non pas, mais il merite vn moindre chastiment.

Nabuchodonofor.

Ce sont les grands qu'on doit punir plus griefuement.

[264]

290

295

300

305

310

Chœur.

HElas ce n'est pas de ceste heure, Hé ce n'est pas de ce iourdhuy, Que tu es cause que ie pleure, Et que ie fauglote d'ennuy, Egypte! las tu vois en cendre Nostre lamentable Cité, Et nous pour te vouloir defendre Trebucher en captinité.

To vois nostre infortuné Prince Aujourdhuy fous les fers ployer: Et noftre fertile Pronince Reduitte en deferts, larmoyer. Tu en es cause: ceste guerre N'a prins fondement que de toy, Tout le malheur qui nous atterre

N'est que pour te garder la foy. Que maudit foit ton voifinage.

Manditte foit ton amitié. Que sur ton pestilent riuage N'eußions-nous iamais mis le pié, Et iamais Iacob nostre ancestre N'y fust pour la faim euiter, Auecques fa troupe champestre

Allé de Canan habiter. Ce fut là, que sa race folle Offensa Dieu premierement, Adorant le bois d'vne Idole Pour le grand Dieu du firmament:

Le Dieu que nos antiques Peres	315
[264] Auovent feul toufiours inuoqué,	
Non ces Idoles eftrangeres,	
Dont chacun d'eux se fust moqué.	
»C'est vn poison opiniastre,	
Qui depuis qu'il s'est encharné.	320
Ne fçauroit d'vne ame idolatre	
Estre iamais deraciné:	
Encores que le Dien celefte.	
De l'honneur qu'on luy doit ialoux,	
Entre toute chose deteste	325
Ce crime execrable fur tous.	
Quand il nous eut, à main puissante	
Tirez de ton feruage dur.	
Que la mer eut, obeissante.	
Fait de ses eaux vn double mur,	3 30
Decouurant fa deferte arene.	
Pour nous donner passage seur,	
Ainsi qu'au trauers d'vne plaine,	
Contre l'ennemy pourchasseur:	
Que la manne il nous eut donnee,	335
Qu'il nous eut ressafiez d'eau.	
Couuers d'vn nuau la iournee,	
Et guidez la nuit d'vn flambeau:	
Deteftables d'ingratitude	
Apres tant de miracles faints,	340
Nous appliqualmes noftre eftude	
A forger vn Dieu de nos mains.	
Le peuple, qui l'Idole vaine	
Moula, fondit et burina,	
D'vne reuerence vilaine	345
Vers elle fon chef inclina,	
[265] Et de mainte folastre dance,	
Auec la fleute et le tabour,	
Epris de fotte esiouissance	
Alla caroler tout autour.	350
Il dressa des banquets publiques	
Dessous le Veau dersié	

355

360

365

Des holocaustes pacifiques
Qu'il luy auoit sacrifié.
Voila (ce disoyent les vieux Peres)
Nostre Dieu, peuple, nostre Dieu,
Qui nous a par les eaux ameres
D'Egypte, conduits en ce lieu.
Mais l'Eternel, qui de la nuë
Ces voix de blaspheme entendit,
Eut l'ame de cholere émeuë,
Et son bras vengeur étendit:
Si que, sans les pleurs de Moyse,
Qui appaiserent son courroux,
Sa fureur, justement eprise,
Nous eust dés l'heure abysmez tous.

AMITAL. LE CHŒVR DES IVIFVES.

Amital.

TOus les cuifants malheurs qui fur nos chefs deualent,

Et deualerent onc, mes encombres n'égalent:

Ie fuis le malheur mesme, et ne puis las! ne puis

Souffrir plus que ie souffre en mon ame d'ennuis.

Mais mon plus grief tourment est ma vie obstinee,

Que les desastres n'ont ny les ans terminee.

[265^v] Ie vy pour mon martyre: helas! ciel endurci

Quand seras-tu lasé de me gesner ici?

Ne m'auras-tu fait naistre en ce monde immortelle,

A fin que ma douleur me tenaille eternelle?

O cruelle influence! ô mechef! ô deftin!

Quand veux-tu m'infecter de ton dernier venin?

Ne viendra point le iour que mes langueurs ie noye

Bans vn fombre tombeau, faite des vers la proye?

Helas! ie croy que non, il y a trop long temps
Qu'en vain ie le reclame, et qu'en vain ie l'attens.

Non, il ne viendra point, ma peine est perdurable,
La mort promte au secours ne m'est point secourable,

385 Elle me fuit, peureuse, et n'ose m'approcher, Son dard, qui ne craint rien, a peur de me toucher.

Elle craint les malheurs où ie languis confite,	
Ou pense qu'immortelle en ce monde i'habite,	
Que i'y erre à iamais, m'ayant l'ire de Dieu,	
Comme dans vn enfer, confinee en ce lieu.	390
Dieu du Ciel, Dieu d'Aron mets fin à ma misere,	
Arrache moy, mon Dieu, de cette vie amere.	
Le Chœur des Iuifues.	
Royne mere des Rois de l'antique Sion,	
Ores nostre compagne en dure affliction,	
Soufpirez, larmoyez nos cruels infortunes,	395
Comme ils nous font communs, foyent nos larmes communes.	
Amital.	
Mes yeux n'ont point feché depuis le iour maudit	
Que le Roy mon espoux la bataille perdit	
Au champ de Magedon, et qu'vne errante fleche	
Fift dedans sa poitrine vne mortelle breche:	400
Que ses Princes pleurans autour du char saigneux,	
Mourable en fon palais le conduirent foigneux.	
Las! pauure ie le vey, comme fon ame chere	
[266] Se delioit du corps, et s'enuoloit legere!	
Il me tendit la main, que ie baisay cent fois,	405
Pouffant mille fanglots qui m'estoupoyent la voix,	
Si qu'étreinte de mal ie ne luy peux rien dire,	
Sinon entre mes dents son desastre maudire,	
Accuser le destin, et forcenant d'ennuy,	
Me desirer sans cesse vn mesme fort que luy.	410
Ce pendant fes deux yeux en la nuit fe plongerent,	110
Le pouls luy defaillit, les membres luy gelerent,	
Et lors, comme en fureur (ie meurs y repensant!)	
I'allay contre mon chef mes deux mains elançant,	
I anay contre mon cher mes deux mams etançant, Ie m'esclatay de cris à sa bouche colee,	415
Les restes recueillant de son ame envolee.	419
Depuis ie n'eu que mal, et les aduersitez	

Le Chœur des Iuifues. Las fa mort fut la nostre, et depuis, les miseres, Renaissant coup sur coup, nous surent ordinaires.

Sans relasche ont tousiours mes vieux ans agitez.

Sammlung französ, Neudrucke. 5.

420

Auec luy le Royaume eut vn mesme trespas: Car nous vismes soudain les fers de Ioachas, Vostre chetif ensant, que l'Egypte insidelle De fraudes abusé tient encore chez elle.

Amital.

425 Panure Prince et chetif, à peine tu auois Tenu le royal fceptre en ta dextre trois mois, Que de Roy fait efclaue, au lieu de luy tu portes Des manicles aux bras, fur le fleune aux fept portes.

Le Chœur des Iuifues.

Plus heureux n'a regné fon frere Ioachim,
430 Qui fon regne borna d'vne fanglante fin.
Quand cet Aßyrien, contre fa foy promife.
Ierufalem pilla comme par force prife,
Et Ioachim meurtrit auec les citoyens,
Puis leurs corps maffacrez fift deuorer aux chiens.
435 [266] Las! de fon fils ne fut la fortune plus douce.

Amital.

Helas! il recent d'elle vne dure fecousse. Il estoit bien soiblet, et pour son âge bas Il ne vaquoit encor qu'aux enfantins esbats: Le Soleil, qui anoit sa naissance amenee,

440 Ne tournoyoit fur luy que la huictiefme annee:
De couronne il n'auoit ny de sceptre souci,
Quand ce mesme tyran le transporta d'ici,
Entraina ses parens et sa dolente mere,
Pour deuider leur âge en seruitude austere.

Le Chœur des Iuifues.

445 Dieu ne punira point vn fait tant inhumain?

Amital.

A mon fils Sedecie il meift le fceptre en main Pour regner en Iuda, malheureuse prouince, Prouince malheureuse, et plus malheureux prince.

Le Chœur des Iuifues.

Las! qui est la cité, qui est la nation, 450 Qui fouffre tant que nous de tribulation? Qui a Ierusalem surpasse en miseres? Qui a tant esprouné du grand Dieu les choleres?

Amital.

Celuy pourroit nombrer les celeftes flambeaux, Les fueilles des forefts, et les vagues des eaux, Les fables, qui legers dans l'Arabie ondoyent, Qui pourroit raconter les maux qui nous guerroyent.

455

Le Chœur des Iuifues.

Il nous les faut plorer, car las! à nos malheurs Pour tout allegement ne reftent que les pleurs.

Amital

Pleurons donques pleurons fur ces moiteufes riues,
Puis que nous n'auons plus que nos larmes, captiues:
Ne cessons de pleurer, ne cessons, ne cessons
De nous bagner le fein des pleurs que nous versons.
Pleurons Ierusalem, Ierusalem destruite,
Ierusalem en stamme et en cendres reduite:
Ne soyent plus d'autre chose occupez nos esprits,
[267] Ne faisons que douloir, que ietter pleurs et cris.
Deuons-nous plus auoir autre sollicitude?
Pouuons nous autre part appliquer nostre estude?
Nous est-il rien resté qu'vn esprit gemissant.

465

470

460

Le Chœur des Iuifues.

Pleurons donques, pleurons, et de triftes cantiques Lamentons fur ce bord nos malheurs Hebraïques.

Qu'vn esprit adeulé dans vn corps languissant?

Amital.

Rompons nos veftemens, decouurons noftre fein, Aigriffons contre luy noftre bourrelle main: N'épargnons nos cheueux et nos vifages tendres, Couurons nos dos de facs, et nos teftes de cendres.

475

Le Chœur des Iuifues.

Nous te pleurons lamentable cité, Qui eut iadis tant de profperité Et maintenant, pleine d'aduersité Gis abatue.

480

Las! au befoing tu auois eu toufiours La main de Dieu leuee à ton fecours, Qui maintenant de rempars et de tours T'a deuestue.

8*

490

495

500

505

510

515

520

485 Il t'a, Sion, le vifage obscurci,
Voyant le roc de ton cœur endurci
Estre imployable, et n'auoir plus souci
De sa loy sainte.

Tu as, ingrate, oublié ton deuoir, Tu as osé d'autres Dieux receuoir, Au lieu, Sion, que tu deuois auoir Toufiours fa crainte.

Il t'a laisse au milieu du danger, Pour estre esclaue au soudart estranger, Qui d'Aßyrie est venu saccager Ta riche terre.

[267] Comme lon voit les debiles moutons Sans le pafteur courus des loups gloutons: Ainfi chacun, quand Dieu nous reboutons, Nous fait la guerre.

Mille couteaux nous ont ouuert le flanc,
Des corps meurtris s'est fait vn rouge estang,
Dans le faint temple a decoulé le sang
De ses Prophetes.

Le Chaldean l'a barbare pillé,
Et fans horreur d'ornement depouillé,
Le tabernacle il a fanglant fouillé

De mains infettes.

Amital.

O trois fois malheureuse nuit, Que tu nous as de mal produit! Iamais autres tenebres Ne furent si funebres!

Il me femble encor que ie voy Les hommes tomber deuant moy, Que i'entens des mourables Les regrets lamentables.

Que i'oy les fifres et tabours, Les trompettes deffur les tours, Dont le fon encourage Le veinqueur au carnage. Que le feu de tous coftez bruit.

Que fur les toicts la flamme luit,

Que les enfans on rue

Des maifons en la rue.

Le Chœur des Iuifues.
Pleurons les malheurs de Sion,
Calamiteufe nation,
Pleurons, tourbe compagne,
[268] Nostre fainte montagne.

525

Amital.

Mais pluftoft prions noftre Dieu Qu'il ait pitié du peuple Hebrieu, Qu'il appaife fon ire, Et fa verge retire.

530

Le Chœur des Iuifues. Qu'il vueille fauuer noftre Roy, Pour deformais viure en fa loy, Gardant fon ame pure D'idolâtre fouillure.

535

Amital.

Leuons nos mains au ciel et nos larmoyans yeux, Iettons-nous à genoux d'vn cœur denotieux, Et foupirant ensemble à sa maiesté haute. Le prions qu'il luy plaise effacer nostre saute.

540

O feigneur nostre Dieu, qui nous fauuas iadis Par le milieu des flots qu'en deux parts tn fendis. Conduisant de ta main ton peuple Israëlite, Quand tu l'eus deliuré du ioug Madianite, Qui l'armee ennemie abysinas sous la mer, Qui aux prosonds deserts nous gardas d'affamer. Qui sur prosonds deserts nous gardas d'affamer. Qui sur le mont Oreb apparus à nos Peres. Et leur sis receuoir tes edits salutaires, Qui leur donnas secours par les Anges du ciel, Qui leur baillas la terre ondoyante de miel D'Aphec et de Hebron, brisant les exercites De Bethel, de Gaser, et des sorts Ammonites: Qui n'agueres sanuas Manasse nostre Roy Des ceps de Babylon, se retournant à toy,

545

550

555 Pardonneur, pitoyable, estens sur nous ta veuë, Et voy l'affliction dont nostre ame est repeuë. Pren Seigneur, pren Seigneur, de nous compaßion, Ave, Seigneur, pitié de la pauure Sion, [268] Ne l'extermine point, nous fommes la femance 560 D'Isac ton serviteur, tes enfans d'alliance:

Ne nous repronue point, Pere, fay nous merci, Deliure Sedecie et les enfans außi. Ainfi puißions toufiours rechanter tes louanges, Et bannir loing de nous tous autres Dieux estranges.

Le Chœur des Iuifues.

565 Madame leuons-nous, leuons-nous, car voici La Royne auec fon train qui s'approche d'ici.

LA ROYNE. SA GOVVERNANTE. AMITAL. LE CHŒVR.

La Rovne.

O Beau Soleil luifant, qui redores le monde Außi toft que la nuit te voit fortir de l'onde, Rayonnaute lumiere, œil de tout l'vniuers,

570 Qui dechasses le somme et rens nos yeux ouuers, Tu fois le bien venu fur ces belles campagnes, Bien venu le bonheur de qui tu t'accompagnes: Ta clairté nous fait voir le destrable fruit Du fort victorieux, dont nous ovons le bruit.

575 Nons voyons maintenant les Rois Ifraelites Et leurs peuples reftez à nos fiers exercites Amener par troupeaux, miserable butin: La fin de nos trauaux nous auons ce matin. Mais qu'est-ce que ie voy?

La Gouuernante.

C'est la tourbe estrangere

580 Des filles de Inda, qui pleurent leur mifere.

La Royne.

Helas! quelle pitié, i'ay le cœur tout emeu, Ie voudroy n'auoir point vn tel defastre veu.

605

610

La Gouvernante.

Elles viennent vers nous.

La Royne.

Cefte ancienne femme, Qui marche la premiere, est quelque grande Dame, [269] Ie voy qu'on la respecte. hé que c'est que de nous! 585 Que voyla, ma compagne, vn beau miroüer pour tous.

Amital.

Royne, à qui la fortune est constamment prospere, S'il se trouve constance en chose si legere. Espouse d'vn grand Roy, qui va seigneuriant Sous le vouloir de Dieu les peuples d'Orient, 500 Soyez nous fauorable, et que les durs esclandres De nous et de Sion maintenant mise en cendres Vous mollissent le cœur, si qu'ô Royne, par vous, Le Roy nostre vainqueur nous soit propice et doux. Tout ce troupeau captif d'vne voix vous supplie, 595 Las! pour Dieu que vostre ame à la pitié se plie: Que nos humides pleurs et nos cris ne fovent vains, Nous fommes à vos pieds, nous vous joignons les mains. Voyez de nos enfans les prieres tendretes, Prenez compaßion de ces creaturetes. 600

La Royne.

Madame, leuez vous.

Amital.

Ce nom ne m'appartient, Ainçois le nom de serue à mon malheur convient, Ie suis ores de Royne esclaue deuenuë: Prenez pour vous feruir ma vieillesse chenuë, Ie vous la viens offrir: vostre condition Adoucira l'aigreur de ma fuiection. »La dignité du maistre est aux sers honorable, »Et leur ioug, bien que dur, en est plus supportable.

La Royne.

Ma mere, leuez-vous, et vous Dames außi Qu'vn desastre commun sait lamenter ici. Vostre malheur ne fait que moins ie vous honore, Ains fait qu'auec douleur vos ennuis ie deplore.

»Il ne faut que Fortune eleue nostre cœur,

» Pour vous voir maintenant esprouuer sa rigueur,

615 » Que tous hommes mortels doinent sans cesse craindre,

[269 v] » Soit Roy, soit laboureur, le grand plus que le moindre.

Helas! que sçauons-nous si ce iour seulement

Ternira point nostre heur de quelque changement?

Nul ne vit asseuré des presens de Fortune:

620 : Elle eft aux hommes mere et marâtre commune:

Ses inftables faueurs volant fur noftre chef.

Bien fouuent en leur place y laissent du mechef:

Et comme peu de temps auccques nous seiournent,

Außi le mal chaßé, souuent elles retournent.

625 Partant confolez-vous, mes Dames, et penfez Que les prefens malheurs contre vous elancez Ne vous rendent vers moy plus viles que n'aguieres Que du fort vous auiez les faueurs iournalieres.

Amital.

Dieu pour cette bonté vous bien-heure toufiours, 680 Et iamais le malheur n'amertume vos iours: En vous feule apres luy gift nostre confiance.

La Royne.

Tout depend du Roy feul, nul que luy n'a puissance.

Le Chœur.

Suppliez-le pour nous, Madame, nous fçauons Que fi vous le priez nos maris nous fauuons, 635 Nous fauuons Sedecie.

Amital.

Hé miserable prince Que iamais n'eusses-tu commandé sur prouince! Ne nous resusez point, Madame, ainsi iamais Ne vous puisse toucher le desastre mauuais, Puissez-vous deuider vne longue ieunesse.

640 Et faine paruenir en heureufe vieillesse, Abondante en enfans, abondante en honneur, Abondante en l'amour du Roy vostre seigneur.

La Royne. Ie m'emploiray pour vous, n'en ayez point de doute:

Amital.

Si fera si Dieu plaist.

La Royne.

Vous l'auez outragé.

Amital.

Il eft vray: mais Madame, il en eft bien vengé.

[270] La Royne.

Vn Roy vainqueur n'a point de borne en la vengence.

Amital.

»Si la faut-il toufiours conformer à l'offense.

La Royne.

Voire mais il fera iuge en fa paßion.

Amital.

»Tout braue cœur eft lent à la punition.

650

645

La Royne.

Il est tout magnanime, et ne tend qu'à la gloire.

Amital.

Il fe doit contenter d'auoir en la victoire.

La Royne.

Ainsi puisse adneuir.

Amital.

Le genereux Lion.

La Royne.

I'entens bien: mais le crime est de rebellion.

Amital.

Nous fommes rebellez, voire, ie le confesse.

655

La Royne.

Iamais vn Roy tel crime impuni ne relaisse.

Amital.

Las! sommes-nous sans peine? hé Dien vous nous voyez!

La Royne.

Helas! ie ne dy pas que fans peine foyez,

Vous souffrez trop de mal, ie m'en compasionne,

Mais ie crains que le Roy de plus griefue en ordonne. 660

Amital.

Que sçauroit-il pis faire?

La Royne.

Il vous feroit mourir.

Amital.

Ce n'est pas nous mal faire, ains nostre mal guarir. Madame pleust à Dieu, pleust à Dieu nostre pere, Que ie susse (ha quel heur!) morte en ma prime-vere,

Mes tremblotantes mains, et mon vifage vſé!

La mort, bien que haſtiue, euſt afſranchi mon ame
De tant de paßions que i'ay ſouſſert, Madame.
Ie n'euſſe veu deux ſois ardre noſtre Cité.

670 Le massacre du peuple et sa captiuité:
Helas! ie n'eusse veu ce que voir me faut ores,
Et que voir me faudra si ie suruis encores.
O Mort, ne tarde plus, tourne ici, vien à moy,
De ton dard secourable arrache mon esmoy.

La Royne.

675 Ne vous defolez point: il n'eft fi dure vie, Qui fans defplaire à Dieu, à la mort nous conuie. Confortez-vous d'efpoir.

Amital.

Ie n'ay plus qu'esperer, [270°] Mais i'ay beaucoup à craindre et beaucoup endurer.

La Royne.

La Royne.

»Il n'est malheur si grand que l'espoir n'adoucisse.

Amital.

680 Il n'est malheur si grand que l'espoir ne nourrisse.

La Royne.

» Voire mais vn chacun l'esperance reçoit.

Amital.

» Voire mais vn chacun l'esperance deçoit.

La Royne.

»La mort ne manque point, elle vient trop haftiue.

Amital.

»La mort aux affligez vient toufiours trop tardiue.

La Royne.

685 Vostre bonheur peut bien retourner derechef.

Amital.

Mais plustost recroistra nostre obstiné mechef.

La Royne.

Comment vous est venu ce comble de miseres?

Amital.

Nous auons du grand Dieu prouoqué les choleres.

La Royne.

Comme admint voftre prife?

Amital.

Hé hé le cœur me fend,

La trop grande douleur le parler me defend.

690

La Royne.

Laisez donc ce propos.

Amital.

Non, s'il vous plaift, madame,

Combien que de tourmens il reblesse mon ame. Mais ce n'est plus à moy d'euiter les ennuis, Ie ne suis que tristesse, autre cas ie ne suis.

La Royne.

Contez nous ce malheur s'il ne vous desagree.

695

Amital.

Le cours de mon malheur discouru se recree. Defia le grand flambeau, qui court perpetuel, Auoit fait dessur nous vn voyage annuel, Et luisant retraçoit vne course seconde. Ayant par deux faifons retournoyé le monde, Depuis que vostre armee, effroyable en soudars,

700

710

Nostre ville aBiegeoit, close de toutes pars.

Vos balistes auoyent sa muraille persee,

Ierusalem estoit à demy renuersee:

La plus grand' part du peuple et des chefs estoyent morts: 705

Nous auions fouftenu mille fanglans efforts,

Refolus à la mort, plus que Lionnes fieres, Defendant leurs petits qu'on force en leurs tanieres:

[271] La faim, plus que le fer, palles nous combatoit, Et la ferocité de nos cœurs abbatoit.

Le peuple allangouré, sans courage, sans force, Descharné se trainoit, n'ayant rien que l'escorce Qui luy counroit les os, et ceste maigre faim

Estouffoit les ensans en demandant du pain.

715 Nous ressemblions, errants par les places dolentes, Non des hommes viuans, mais des larues errantes, Et ia ceste fureur tellement nous pressoit, Que de son propre enfant la mere se paissoit. Las! ie transis d'horreur, ie forcene, i'affole, 720 Ce trifte fouuenir m'arrefte la parole!

La Royne.

Ne vous adeulez point, reprenez vos esprits, Et relaissez plustoft ce discours entrepris.

Amital.

Ie le continuray, combien qu'il me desplaise.

La Royne.

Ne vous y forcez point, faites-en à vostre aise.

Amital.

725 Or le fac de Sion, et fa captinité Predits, estoyent venus à leur temps limité: Ia le mal nous touchoit (telle estoit l'ordonnance Du grand Dieu, qui vouloit chaftier noftre offense) Et comme lors qu'il veut nous punir rudement,

730 Il fait que nous perdons tout humain iugement. Nous en fulmes ainsi: car n'avans corps de garde, Sentinelle ny ronde, et fans nous donner garde, Comme fi retirez fussent nos ennemis, En nos couches fans peur repofions endormis,

735 Quand (ô cruel mechef!) lors que la nuit ombreuse Vers le iour sommeillant cheminoit paresseuse, Par le ciel tenebreux, que le fomme enchanteur Verfoit dedans nos yeux vne aueugle moiteur, Qu'en la terre et au ciel toute chose estoit cove,

740 [271"] Tous animaux dormans fors la plaintine Orfroye, Le camp de Babylon fans crainte des hazars Auec grands hurlemens échele les rempars, Donne dedans la breche, et ne trouuant defense, Rangé par escadrons dans la ville s'elance:

745 Gaigne les carrefours, s'empare des lieux forts, Et sur le temple saint fait ses premiers efforts. Tout eft mis aux conteaux, on n'espargne personne, A fexe ou qualité le foldat ne pardonne:

Les femmes, les enfans, et les hommes âgez Tombent fans nul efgard pelle-melle efgorgez. 750 Le sang, le feu, le fer, coule, flambe, resonne, On entend maint tabour, mainte trompette sonne, Tout est ionché de morts, l'ennemy sans pitié Meurtrift ce qu'il rencontre, et le foule du pié. 755

Or le Roy, qui foudain entendit cet esclandre, Troublé faute du lict, et va ses armes prendre, Pour mourir au combat: mais avant entendu De ses gens effroyez que tout estoit perdu, Il descend en segret auecques la famille, Et par vne poterne abandonne la ville.

Vn chemin se presente aux montagnes tendant Pour gaigner l'Arabie et laisser l'Occident: Il est rude, pierreux, raboteux et sauuage, Les rocs des deux coftez mal-aifent le passage: Ores il faut grimper à mont vn rocher droit, Ore il faut deualer par vn chemin eftroit, Vous voyez à vos pieds l'horreur d'vn precipice, Qui fait en le voyant que le poil en herisse.

Entrainant maints Ormeaux qu'il va deracinant. [272] Là le Roy, ses enfans, et nous autres pauurettes Cheminons en frayeur par des voyes fecrettes. La nuit estoit obscure, et nos humides yeux Ne voyoyent pour conduite aucune lampe aux cieux,

Vn torrent bruit à bas, qui court en bouillonnant,

Toutefois en bronchant, en tombant à toute heure, Nous franchissons en fin ceste rude demeure: Descendons en la plaine, et hastons nostre pas, Chasque mere portant son enfant en ses bras. Vous eußiez eu pitié de nous voir demy-nues

Courant et haletant par fentes incognuës, Le front escheuelé, regardant à tous coups Si l'ennemy sanglant accouroit apres nous.

Mais las! comme le iour encommençant sa peine Nous éclairoit errans par la deserte plaine, Aupres de Iericho nous entendons hennir Des cheuaux, et foudain nous les voyons venir:

760

765

770

775

780

Alors nous commençons à nous battre et destordre, Deçà delà courir en vn confus desordre, Les hommes s'écarter où les chassoit la peur:

Pes hommes s'ecated ou les chandr la peur.

790 Le Roy feul demeura trop attendry de cœur

De voir nos paßions, et ces petites ames

Qui luy tendoyent les mains pres les Roynes fes femmes.

Außi toft les coureurs nous viennent enfermer,

Se faififfent de nous, font le Roy defarmer, 795 Nous ameinent icy, hommes, femmes ensemble,

Comme à mesme destin le malheur nous assemble. Las! prenez-en pitié, mercy nous vous crions, Nous n'esperons qu'en vous, seule nous vous prions.

La Royne.

Hà Dieu quel desconsort! que la fortune aduerse 800 Ce panure peuple Hebrieu cruellement trauerse!

Le cœur me bat au sein d'ouir tant de malheurs.

[272]

La Gouuernante.

Pourquoy vous gesnez-vous d'inutiles douleurs? Madame, et que vous sert d'affliger vostre vie Pour les calamitez d'vne tourbe asseruie?

La Royne.

805 Ah pour Dieu taifez-vous, il nous en pend autant:

Le fort n'est pas vers nous plus que vers eux constant.

Le Chœur.

Hé hé hé!

Amital.

Las! madame.

La Royne.

Et que vous puis-ie faire?

Amital.

Employez-vous pour nous.

La Royne.

C'est vn fascheux affaire.

Amital.

Nous refuserez-vous?

Le Chœur.

Nous delaifferez-vous?

508

La Royne.

Non, mais ie crains du Roy l'imployable courrous Encontre vostre race, et qu'impetrer ne puisse Qu'en rigueur de vos Chets l'offense il ne punisse.

810

Le Chœur.

Helas! que ferons-nous?

La Royne.

Ne vous deconfortez, Ains auec bon espoir vos ennuis supportez.

Chœur.

D ^I fons adieu, mes compagnes, A nos chetiues campagnes,	915
Où le Iourdain doux-coulant	
Va fur le fable ondelant.	
Adieu terre plantureufe	
N'aguere fi populeufe,	320
Terre promife du ciel,	
Toute ondoyante de miel.	
Adieu Siloé, fonteine	
Dont la douce eau se pourmeine	
Dans le canal de Cedron,	825
Serpentant à l'enuiron.	
Adieu couftaux et valees,	
[273] Adieu riues defolees,	
Adieu verdureux Hebron.	
Vieil territoire d'Efron.	830
Sur toy montaignette fainte,	
Le bon Abram fift fa plainte,	
Comme il fist sur toy Bethel	
Fumer fon premier autel.	
Adieu Cité, renommee	835
Sur les citez d'Idumee,	
Que iadis vn Roy conquit	
Du Iebufan, qu'il veinquit.	
Et vous naguiere edifice	
Le plus rare en artifice	840

Et en ornemens diners Qu'il fust temple en l'yniners. Las! nous vous laissons, pauurettes, De ces barbares fugettes, Qui nous trainent inhumains 845 En des Royaumes lointains: Où faudra que nostre vie A leur vouloir afferuie, Languisse eternellement En deplorable tourment. 850 Car comme aurions-nous courage, Estans en vn tel sernage, Le cœur ferré de douleurs, De donner tréue à nos pleurs? Quand nous ne pouuons tant faire, 855 Qu'il puisse à nostre ame plaire De chanter à l'Eternel Vn cantique folennel? [273^v] Et qu'adeulez nous fouuienne Sur la riue Aßyrienne 860 Des innombrables bien-faits Que sa bonté nous a faits? Et crains qu'en mesme oubliance Ne tombe la souvenance, Auecques l'affection 865 Que nous deuons à Sion. »Si est-ce pourtant, si est-ce Qu'il ne faut que la triftesse, Bien que dure, ait le pouuoir De nous tirer du deuoir: 870 » Ains quelque grand que puisse estre Noftre mallieur, reconnoiftre Que nous le meritons bien, Et que Dieu veut nostre bien. » Faut inuoquer fa clemence, 875 Auoir du mal repentence, Et ferme propos en foy »De viure selon sa loy.

Eleuer vers luy la face, Auoir recours à fa grace, Qui est promise à celuy Qui met son attente en luy. Sus donc prions-le captiues, Sur ces infidelles riues, Qu'il vueille apres son courroux Se ressources in de nous.	880 885
[274] ACTE III.	
NABVCHODONOSOR. LA ROYNE.	
Nabuchodonosor. LE le tiens ie le tiens, ie tiens la beste prise, le iouis maintenant du plaisir de ma prise, l'ay chaßé de tel heur que rien n'est eschappé: l'ay lesse et marquacins ensemble enueloppé. Le cerne sut bien fait, les toiles bien tendues,	890
Et bien auoyent esté les bauges reconnues: Les Veneurs ont bien fait, ie le voy, c'est raison Que chacun ait sa part de cette venaison. Quant au surplus ie veux qu'il en soit fait curee.	895
La Royne. Vous auez en vos mains la proye defiree, Selon vostre vouloir en pouuez ordonner, Soit pour punir leur coulpe ou pour leur pardonner. Nabuchodonofor. Pardonner 2 h h plustos fore le ciel sans flames.	
Pardonner? hà plutoft fera le ciel fans flames, La terre fans verdure, et les ondes fans rames, Pluftoft pluftoft l'Eufrate encontre-mont ira, Et pluftoft le Soleil en tenebres luira. La Royne. »Qui pardonne à quelcun le rend fon redeuable. Nabuchodonofor. »Qui remet fon iniure il fe rend mesprisable.	900

Sammlung französ. Neudrucke. 5.

9

La Royne.

905 » Pardonnant aux veincus on gaigne le cœur d'eux. Nabuchodonofor.

»Pardonnant vn outrage on en excite deux.

La Royne.

La douceur est tousiours l'ornement d'vn monarque.

Nabuchodonofor.

»La vengence toufiours vn braue cœur remarque.

La Royne.

»Rien ne le fouille tant qu'vn fait de cruauté.

Nabuchodonofor.

910 » Qui n'est cruel n'est pas digne de royauté.

La Royne.

»Des peuples vos fuiets l'aduis est au contraire.

Nabuchodonofor.

»Ce que le prince approuue à son peuple doit plaire.

 $[274^{\rm v}]$ La Royne.

»Le vice, où qu'il puisse estre, est tousiours odieux.

Nabuchodonofor.

»La haine des suiets nous rend plus glorieux.

La Royne.

915 » Quelle gloire de n'estre honoré que par feinte?

Nabuchodonofor.

» Mais c'est vne grandeur de l'estre par contreinte.

»La louange et l'amour font communs à chacun,

» Mais de contraindre vn peuple à tous n'est pas commun, »Il n'appartient qu'aux grans. Les Rois sont craints de force

920 »Et les petits aimez par vne douce amorce.

La Royne.

Vous le ferez comme eux n'aimant que la vertu.

Nabuchodonofor.

Cela fentiroit trop fon courage abatu.

» Celuy ne regne pas qui fon vouloir limite:

Aux Rois qui peuuent tout, toute chose est licite.

La Royne.

925 »Vn Prince qui peut tout ne doit pas tout vouloir.

Nabuchodonofor.

La volonté d'vn Prince est conforme au pouuoir.

930

935

940

La Royne.

Conformez-vous à Dieu, dont la force est supréme.

Nabuchodonofor.

Dieu fait ce qu'il luy plaist, et moy ie fay de mesme.

La Royne.

Hà, Monsieur, ie vous prie ayez propos plus sains. »Dieu rabaisse le cœur des Monarques hautains »Qui s'egalent à luy, et qui n'ont cognoissance »Que tout humain pouuoir prouient de sa puissance. Vous voyez par ce Roy (dont les ancestres ont Porté si longuement le diadême au front,

Et ores vostre esclaue, accablé de miseres) Combien les Royautez sont choses passageres.

Maintenant nous marchons fur tous Rois trionfans, Mais las! nous ne fçauons quels feront nos enfans. Que dis-ie nos enfans? quels nous ferons nous mesmes,

Si nous aurons tousiours au chef ces diadêmes. »Plus le fort nous caresse et plus craindre il nous faut. »Car plus il nous eleue et plus cherrons de haut.

Nabuchodonofor.

Ie n'en ay point de crainte.

La Royne.

Et c'est ce qui m'en donne.

[275] »La desfiante peur affeure vne couronne, »Elle fait la prudence, et rarement s'est veu »Qu'vn homme foit tombé fous le malheur preueu.

945

Nabuchodonofor.

Laissons-là ce discours, il est plein de tristesse.

La Royne.

Laissons-le, mais außi laissez toute rudesse, Ie vous pri pardonner à ce peuple captif, Ne vous souillez au sang de son Prince chetis.

950

Nabuchodonofor.

C'est vn peuple mechant qui tousiours se rebelle: L'autre est vn Roy pariure, vn traistre, vn infidelle.

La Royne.

Encore qu'il foit tel, si ne deuez-vous pas Le meurtrir de froid fang, c'est trop que du trespas.

9 *

Nabuchodonofor.

955 Bien que i'eusse à bon droit de l'égorger enuie, Pour vous gratifier ie luy donne la vie: Non qu'il ne soit puny: car un si grand forfait Ne doit couler sans peine à celuy qui l'a fait. Ie veux voir son maintien et ses raisons entendre. 960 Sus, amenez-le moy.

La Royne.

Ie ne veux pas l'attendre, l'aurois trop de pitié de voir ce pauure Roy Par defastre reduit en si grand desarroy.

Hà ie iure le ciel que vostre felonnie

Nabuchodonofor.

Sera plus griefuement que de la mort punie.

965 Vous viurez vous viurez, mais fera tellement
Que vos iours rouleront en continu tourment.
Vous requerrez la mort de borner vos tortures,
Voyant deuant vos yeux meurtrir vos creatures,
Efgorger vos amis, les Prestres de la loy,

970 Qui mutins vous ont fait eleuer contre moy.
Mais qu'est-ce que i'entens? qui sont ces voix plaintiues?
D'où part ceste tristesse? hà sont ces tourbes Iuisues,
Elles viennent vers moy, c'est en vain: par leurs cris
Les malheurs qu'elles ont ne seront desaigris.

[275] AMITAL, LES ROYNES, NABVCHODONOSOR.

Amital.

A Llons, dolent troupeau, poßible nos prieres

Attendriront fon cœur: il n'est pas vn rocher,
Il n'est pas vn Dragon qui se paisse de chair.

Approchez donc mes Brus, laschez la bonde aux larmes,
Seo Soupirez, sanglotez, desployez toutes armes,
Guerroyez vos cheueux, n'espargnez vostre teint,
Que vostre sein d'albastre en vostre sang soit teint.

Les Roynes.

D'ennuis et de langueurs nos larmes font nourries, Sans cela dés long temps elles fussent taries: Mais la source en est viue, et ne faut débonder Leurs canaus, pour les faire en larmes abonder.

985

990

Amital.

Ie le voy: las, mon Dieu, vien et nous fauorise, Inspire nous, mon Dieu, conduy nostre entreprise.

O qui, domteur du monde, auez sous vostre loy Ce terrestre Vniuers, grand monarque, grand Roy. Cheri de l'Eternel, qui de vostre exercite Et de tous vos desseins est la seure conduite, Comme vous l'imitez en courage indomté Et en toute puissance, imitez sa bonté. »Tousiours il ne soudroye, et tousiours en menace

995

»Pour nos impietez il ne ride sa face: »Souuent il se tempere, et rompant son courroux

»Apres la repentence il se monstre plus doux. Helas soyez-nous tel, monstrez-vous debonnaire Enuers nous crimineux, Dieu soit vostre exemplaire.

1000

Pardonnez nos forfaits: humbles à deux genoux [276] Nous demandons pardon, helas pardonnez-nous!

Nabuchodonofor.

Quel pardon voulez-vous?

Amital

Deliurez Sedecie.

Nabuchodonofor.

Ce mechant, de qui l'ame est au mal endurcie!

Amital.

Il est assez puny de ses crimes passez.

1005

Nabuchodonofor.

Sa faute ne sçauroit estre punie assez.

Amital.

» Vn grand crime demande vne clemence grande.

Nabuchodonofor.

»Vn grand crime toufiours vn grand torment demande. Leuez-vous, ie ne veux que vous foyez ainfi.

Amital.

- 1010 Nous fommes comme il faut pour demander merci.
 - »Ne nous refusez point: s'il n'estoit point d'offense,
 - » Vn Roy n'auroit moyen de monstrer sa clemence.
 - »Sire, il est tout certaiu, le crime d'vn suget
 - »Sert aux bontez d'vn Roy d'honorable fuget:
- 1015 »Et plus ce crime est grand que veinqueur il pardonne,
 - »Et plus en pardonnant de louange il se donne.
 - C'est plus de se domter, domter ses passions,
 - » Que commander Monarque à mille nations.
 - Vous auez subiugué maintes belles prouinces,
- 1020 Vous auez combatu les plus belliqueux Princes, Et les plus redoutez, mais vous l'eftiez plus qu'eux, Tous ensemble n'estoyent tant que vous belliqueux: Mais en vous surmontant, qui estes indomtable,
 - Vous acquerrez victoire à iamais memorable.
- 1025 Vous aurez double honneur de nous auoir desfaits, Et d'auoir, comme Dieu, pardonné nos mesfaits.

Nabuchodonofor.

»Le naturel des Dieux est de punir le vice.

Amital.

- »Dieu prefere tousiours la clemence à iustice,
- »Et ne reboutte point de sa grace celuy,
- 1030 » Quelque pecheur qu'il foit, qui se retourne à luy.
 Soyez tel, soyez Sire, vn sauueur de coupables,
 Iettez sur nous vn rais de vos yeux pitoyables.
 [276^v] La douceur en vn Prince est vn celeste don.
 Helas pardonnez-nous, et saites nous pardon.

Nabuchodonofor.

1035 Vous ne parliez ainfi, quand en fiere arrogance Vos enfans rebellez despitoyent ma puissance, Amorcez du secours dont l'Egypte a manqué: Car alors sans raison vous m'auez attaqué.

Amital.

Las! qu'y eußé-ie fait? ie ne m'en fuis pas teuë, 1040 Ie predis ces malheurs, mais ie ne fus point creuë, Ny Ieremie außi, Ieremie à qui Dieu Faifoit voir les destins du pauure peuple Hebrieu.

Ie predis ie predis anecques maintes larmes	
Le mal qui nous viendroit de prouoquer vos armes.	
Mais la ieunesse ardante et prompte aux changemens,	1045
Toufiours mist sous le pié nos amonnestemens:	
Si que mon fils poußé de leurs voix indifcrettes,	
Et des predictions de quelques faux Prophetes,	
A son dam et au nostre et de nostre Cité	
S'allia de Nechon, dont fustes irrité.	1050
Nabuchodonofor.	
Eus-ie tort de poursuiure vn rompeur d'alliance,	
Et qui print contre moy d'Egypte l'accointance?	
Amital.	
Non, vous n'eustes pas tort, et non non, ce fut nous,	
Nous mesmes de nos maux sommes cause, et non vous.	
Nabuchodonofor.	
»Qui a fait le dommage en doit porter la peine.	1055
Amital.	
Ne l'auons-nous portee? hà qu'elle est inhumaine!	
Hà qu'elle est angoisseuse!	
Nabuchodonofor.	
Et qu'auez-vous fouffert?	
Amital.	
Las! n'est-ce rien souffrir quand vn Royaume on perd?	
»Sire, Dieu vous en garde. Il n'est rien plus estrange	
» Que faire d'vn Royaume à des prisons eschange.	1060
Quels supplices plus grands penuent estre soufferts	
Par vn Prince, que d'estre incessamment aux fers?	
Voir fes enfans captifs, fes femmes en feruage,	
[277] Son peuple mis à mort, et sa ville au pillage?	
Soit de tant de malheurs vostre cœur satisfait.	1065
Nabuchodonofor.	
Ce n'est encore rien au prix de son forfait.	
Amital.	
Hé que voulez-vous plus? estes vous implacable?	
Estes vous vn Tyran, vn Prince inexorable?	
Vn homme sans pitié? donnez-vous pour repas	
A vostre ame, à vos veux, des Princes le trespas?	1070

Voulez-vous qu'à iamais la belle renommee De vos victoires foit de meurtres diffamee? La voulez-vous fouiller? la voulez-vous ternir? Vous rendre abominable aux races à venir? Hà pe le faites pas pe le faites pas Sire

Ne contaminez point de meurtres voître empire, Espargnez nostre sang, vous aurez des remors Si vous nous massacrez, pires que mille morts.

Nabuchodonofor.

Ie pardonne à vostre âge.

Amital

Helas! ie vous rens grace,

1080 Ie ne demande point que pardon on me face, Faites moy demembrer, faites moy torturer, Faites à ce vieil corps tout supplice endurer: Soulez vous en ma peine, et que ie satisface Seule pour Sedecie, et pour toute sa race.

Que voir deuant fes yeux sa mere bourrelant.

Là donc martyrez moy, versez sur moy vostre ire,

Le tourment que i'auray sera double martyre,

Torturant mere et fils par ma seule douleur:

1090 Sçauriez-vous inuenter vn outrage meilleur?

Nabuchodonofor.

Ie ne veux l'innocent souffrir pour le coupable.

Amital.

Innocente ie fuis, partant non punissable.

Nabuchodonofor.

Ie ne veux pas außi qu'aucun mal vous fouffrez.

Amital.

Il faut donc que mon fils ores vous deliurez:
1095 [277] Il ne peut rien fouffrir que ie ne le ressente,
A son bien et son mal ie suis participante.
Si doncques il vous plaist m'exempter de tout mal,
Faites, las! que ce bien à nous deux soit egal.

Nabuchodonofor.

Vous estes sans delit, mais il n'est pas de mesmes.

1110

1115

1120

1125

1130

Amital.

Punissez donc son crime en moy qui suis luy-mesmes:
Soit vostre cœur vengé par mon sanglant trespas,
Que ma mort vous suffise et qu'il ne meure pas.
Außi bien suis-ie assez punissable, estant celle
Qui au monde ay produit ce Roy vostre rebelle.
Hé! n'est-ce pas assez? ie suis cause de tout,
Sans moy nostre Cité sust encore debout,
Le sacré Temple en gloire: et sans moy le colere
Ne vous forceroit d'estre enuers nous sanguinaire,
Qui nous estiez ami, nous cherissant sur tous.

Nabuehodonofor.

I'ay toufiours bien aimé Iofie vostre espoux.

Amital.

Helas! aimez-le encore apres la fepulture,
Conferuez cet amour en fa progeniture:
Souuenez-vous de luy, c'eftoit vn prince bon,
Qui toufiours honoroit les Rois de Babylon.
Qu'il vous eftoit deuôt! fa propre feigneurie
Ne luy eftoit de rien au prix de l'Affyrie.
Il me difoit fouuent ne rien tant defirer
Que de voir vostre empire en tout bien prosperer
Et s'accroistre en pouuoir: le soing de vostre gloire
A possedé son cœur iusqu'en la tombe noire.

Nabuchodonofor.

Qui a son fils émeu de s'armer contre moy?

Amital.

Amital.

Ie ne fçay qui l'a meu de vous faulfer la foy.

Mais pourtant, ie vous pri ne vous y vouloir prendre,
Ains pluftoft dessur luy vostre douceur estendre.

Que la bonté du pere essace en vostre cœur

[278] Et de l'ensant la coulpe, et de vous la rancœur.

Il a bien merité que lon le reconnoisse,
Que son loyal service en son sils apparoisse:

Helas monstrez-le donc, vous sçauez qu'il est mort
En combatant pour vous sur l'Arabique bord,
Lors que le Roy d'Egypte attrainant son armee,
Iusqu'à l'Eufrate entra par la terre Idumee.

O Prince genereux! ô cœur vrayment Royal!
Qui fus à ton ami fi conftamment loyal,

1135 Maintenant que tu vis fur les voûtes celeftes,
Regarde de Iuda les miferables reftes:
Et fi tu as encor des tiens quelque fouci,
Si tes yeux immortels penetrent iufqu'ici,
Mon efpoux, mon feigneur, aide-nous à cette heure,
1140 Aßifte Sedecie, et fay tant qu'il ne meure.
Supplie à l'Eternel, qui les courages meut
Des grands Rois de la terre à faire ce qu'il veut,
Qu'ores à la douceur ce monarque il infpire,
Si que de nostre sang son poignard il retire.

Nabuchodonofor.

1145 Ie fçay bien que Iosie en ma querelle est mort, Mais cela ne sait pas que vostre sils n'ait tort.

Il a tort voirement, personne ne le nie,

Amital.

Ie ne l'excuse point, sa faute est infinie:
Mais faites, ie vous pry, que vostre humanité
1150 Le soit encores plus, ait plus d'infinité.
Reguerdonnez en luy le trespas de son pere,
Et la captiuité de Ioachas son frere.
Que diroit-on de vous, si des Rois vos amis
Les ensans, pour loyer, à la mort estoyent mis?
1155 Qui voudroit plus vous suiure, et aux combats dépendre,
Comme fist mon espoux, sa vie à vous defendre?
[278] Las! par vous ie suis veusue, et par vous à Memphis
Pleure dessous les sers mon miserable fils,
Heritier de son pere au royal diadême,

1160 Et encore heritier en vn desastre mesme. Ne vous en chaut-il point? n'auez-vous point au cœur Quelque epoinconnement de ma iuste langueur?

Nabuchodonofor.

Quand ressemblant Jose vn prince Iudaïque N'a prins pour m'assaillir le parti Memphitique, 1165 Ie l'ay gratisié l'assistant au besoing, Et les bornes iettant de ses terres plus loing: Mais fi quelqu'vn fe ligue auec mes aduersaires, Qu'il ne face bouclier des vertus de ses peres, Ie ne les poise point, pour n'estre liberal A ceux qui sans raison me pourchassent du mal.

1170

Amital.

Hé qu'ay-ie fait pauurette? en quoy pouuez-vous dire Que i'aye oncque entrepris d'esperonner vostre ire? A-ce esté quand Iosie armé vous secourut? Qu'il combatit pour vous? que pour vous il mourut? A-ce esté quand mon fils lié comme vn forçaire Fut esclave pour vous, sa ville tributaire? Las! toufiours le malheur nous tombe fur les bras, Et vous estant amis et ne vous l'estant pas.

1175

Nabuchodonofor.

Ie ne me plains de vous, n'en ayez peine aucune, Au contraire, Amital, ie plains vostre infortune De voir vos ans chenus retomber de rechef En vn second esclandre, en vn second méchef.

1180

Amital

Et qui peut mieux que vous serener ma tristesse? Qui peut donner repos à ma foible vieillesse? Nul certes: c'est de vous, Sire, c'est de vous seul, 1185 Que nous deuons attendre ou la ioye, ou le deul: Faites cesser mes pleurs, et qu'auant que ie meure, [279] I'aye par vostre grace encor quelque bonne heure, Reuoyant mon cher fils non en sa dignité, Mais viuant seulement hors de captiuité. 1190

Nabuchodonofor.

Bien que sa forfaiture ait la mort desseruie, Pour le respect de vous ie luy laisse la vie.

Amital.

Que les fers il ne porte, affranchi desormais.

Nabuchodonofor.

Deuant qu'il foit vne heure il n'en verra iamais.

Amital.

O supreme bonté! que vos genoux i'embrasse, Ie ne merite pas receuoir telle grace.

1195

Vous redonnez la vie à mon corps qui mouroit, Vous comblez de liesse vn cœur qui souspiroit.

Les Roynes.

Prenez de ces enfans quelque folicitude. Nabuchodonofor.

1200 Ie les affranchiray du joug de seruitude, Et de tous les malheurs qui chetiuent vn Roy Sous la main de celuy qui luy donne la loy.

Amital.

Il est temps, Israël, de rendre à Dieu louange, Qui a foing de fon peuple en vne terre estrange. 1205 Sus touchons le tabour, sus la flute entonnons, Prenons harpe et guiterre, et toutes en fonnons. Le Seigneur, l'Eternel, le seul Dieu de nos peres S'est souvenu de nous au fort de nos miseres: Il a des ennemis detrempé la rigueur,

1210 Du Roy en sa colere il a touché le cœur. Que tout Iacob l'entende, et que Iuda s'accorde A le regracier de sa misericorde.

Chœur.

Omme veut-on que maintenant Si defolees Nous allions la flute entonnant 1215 Dans ces valees? Que le luth touché de nos dois [279^v] Et la Cithare Facent refonner de leur voix Vn ciel barbare? 1220 Que la harpe, de qui le fon Toufiours lamente, Affemble anec noftre chanfon Sa voix dolente? Trop nous donnent d'affliction 1225 Nos maux publiques, Pour vous reciter de Sion Les faints cantiques.

Helas! tout foupire entre nous,	
Tout y larmoye:	1230
Comment donc en attendez-vous	
Vn chant de ioye?	
Nostre ame n'a plus de chanter	
Enuie aucune,	
Mais bien de plaindre et lamenter	1235
Nostre infortune.	
»Celuy doit qui est en bon-heur	
»Chanter et rire,	
» Mais il faut qu'vn homme en malheur	
» Touhours foupire.	1240
Außi tandis que nous aurons	
Cette detreffe,	
Iour et nuit nous lamenterons,	
Pleurans fans ceffe:	
Et remplirons l'air de foupirs,	1245
Sortans à peine,	
Qui renforceront des Zephyrs	
La foible haleine.	
[280] [He]las! il n'y a que la mort,	
Que la mort dure,	1250
Qui mette fin au deconfort	
Qui nous torture.	
Que si son iauelot mortel	
Ne nous deliure,	
Au dueil d'vn tourment eternel	1255
Nous faudra viure.	
Car helas qui se contiendra	
De faire plainte,	
Lors que de toy nous fouuiendra	
Montagne fainte!	1260
Or tandis qu'en son corps sera	
Nostre ame enclose,	
Ifraël iamais n'oublira	
Si chere chofe.	
Nos enfans nous foyent deformais	1265
En oubliance,	

Si de toy nous perdons iamais
La fouuenance.
Nostre langue tienne au gosier,
Et nostre dextre
Pour les instrumens manier
Ne soit adextre.
Que tousiours nostre nation
Serue captiue,
Si iamais i'oublie Sion
Tant que ie viue.

1275

1970

ACTE IIII.

SEDECIE. SARREE. NABVCHODONOSOR.

[280^v]

Sedecie.

PEuples qui mesprisez le courroux du grand Dieu,
Comme aßis inutile en vn celeste lieu
Sans cure des humains, ny des choses humaines,
1280 Et qui prenez ses loix pour ordonnances vaines,
Helas corrigez-vous, delaissez vostre erreur,
Que l'exemple de nous vous apporte terreur.
Voyez comme enchaisnez en des prisons obscures,
Nous souffrons iour et nuit de cruelles tortures,
1285 Comme on nous tient en serre estroittement liez,
Le col en vne chaisne, et les bras et les pieds.

Le col en vne chaisne, et les bras et les pieds.

C'est pour auoir peché deuant ta sainte face,
O pere, et n'auoir craint le son de ta menace:
Te reputant semblable à ces Dieux que lon sond,
1290 Ou qu'en pierre et en bois les statuaires sont,
Qui n'ont ame ny sorce, abominable ouurage,
Aux hommes abestis qui leur vont saire hommage.
L'ay failli, i'ay peché, i'ay suiui les sentiers
Des Rois, qui reprouuez m'ont esté deuanciers:
1295 Mais ie l'apprens trop tard, la saison est passe,
L'ay par trop dessus moy de Dieu l'ire amasse.

Ie chemine à la mort, ia mon supplice est prest,	
On me va prononcer mon rigoureux arrest.	
O l'incredulité de mon ame obstince!	
O piteux infortune! ô dure destinee!	1300
Sarree.	
Noble fang de Dauid tous nos regrets font vains,	
Noftre mal ne decroift pour nous en estre plains.	
»Où le remede faut, rien ne sert de se plaindre:	
»Il n'y pend que la mort, est-elle tant à craindre?	
Sedecie.	
Ie n'en ay point de peur, ie desire mourir,	1305
Ie ne puis deformais qu'à fon dard recourir:	
[281] C'est mon port de salut, par qui sera ma vie	
De tant d'aduersitez pour iamais affranchie.	
»C'est vergongne à vn Roy de suruiure vaincu:	
»Vn bon cœur n'eust iamais son malheur suruescu.	1310
Sarree.	
Et qu'eußiez-vous peu faire?	
Sedecie.	
Vn acte magnanime,	
Qui malgré le destin m'eust acquis de l'estime.	
Ie fuse mort en Roy fierement combatant,	
Maint barbare aduersaire à mes pieds abbatant.	
Sarree.	
»Dieu conduit toute chose, et du ciel il commande,	1315
» Nous n'auons rien mortels qui de luy ne depeude.	
»Ces royales grandeurs dont on fait tant d'estat	
»Luy sont comme vn roseau, de qui le vent s'esbat.	
Sedecie.	
» Que nous sommes trompez, humaines creatures,	
»Qui flottons par ce monde auec tant d'auentures,	1320
»Que nous sommes trompez, cherchant la fermeté	
»En vn fresle bonheur plein de legereté!	
Sarree.	
»Et n'est-ce pas grand cas, n'est-ce pas chose estrange,	
»Qu'vne prosperité si promptement se change?	
»Helas! vous le voyez; nous le voyons tous deux,	1325
»Et que tout nostre bien est vn bien hazardeux.	

Sedecie.

Nous auons delaißé de Dieu la fainte voye, C'est pourquoy des Gentils nous sommes faits la proye, Que Iacob est esclauc, et que l'alme Sion

Sarree.

Au moins, Seigneur, pardonne à cette multitude, A ce peuple ignorant, ne luy fois point si rude: Il ne sçait ce qu'il fait, le peché vient de nous, Pardonne leur, pardonne, et nous puni pour tous.

Sedecie.

1335 Adouci toy, Seigneur, ne me fois trop feuere, N'afflige les enfans pour le peché du pere, Preserue-les de mal, que leur posterité [281^v] Puisse vn iour rebastir nostre sainte Cité.

Sarree.

Or sus allons mourir, que ce prince infidelle 1340 Estanche en nous la soif de son ame cruelle: Ie mourrois moins dolent, si c'estoit pour l'honneur Et non pour le mespris de Dieu nostre seigneur.

Sedecie.

Las! c'est pour nos messaits et non pas pour sa gloire.

Ie n'ay oncques voulu à ses Prophetes croire,

1345 Qui m'ont par tant de sois ces esclandres predit,

Ains ie me suis mocqué de tout ce qu'ils m'ont dit.

Voyez comme il m'en prend, peuple, ô peuple, qui estes

Comme moy incredule à la voix des Prophetes:

Patronnez-vous à moy, de peur que sur vos chess

1350 Tombent à l'aduenir de semblables meches.

Sarree.

Mais voici le Tyran! ô Dieu le sang me glace De voir son fier regard et sa tetrique face.

Sedecie.

Pere, puis qu'il te plaist faire le chastiment De nos impietez par iuste iugement, 1355 Et que ta volonté maintenant ne s'accorde De nous faire iouir de ta misericorde, Fay nous cette faueur de loger nos espris Auec nos peres saints au celeste pourpris: Expiant nos forsaits par vne mort seuere Que nous sera soussir ce Prince sanguinaire.

1360

NABVCHODONOSOR. SEDECIE. SARREE.

Nabuchodonofor.

Ove ie fusse en mon cœur si lâche et si remis,
Si foible de courage enuers mes ennemis,
Demeurant sans vengence, et trahissant la gloire
[282] Et le fruit doucereux d'vne telle victoire?
Ils mourront, ils mourront, et s'il en reste aucun
Que ie vueille exempter du supplice commun,
Ce sera pour son mal: ie ne laisseray viure
Que ceux que ie voudray plus aigrement poursuiure:
A fin qu'ils meurent viss, et qu'ils viuent mourans,
Vne presente mort tous les iours endurans.

1370

1365

Mais ne les voy-ie pas? les voila mes rebelles, Mes traistres, mes mutins, mes suiets infidelles: Amenez, attrainez: Hà rustres ie vous tiens, Vous estes à la fin tombez en mes liens.

1375

Toy, mechant desloyal, le pire de la terre, Tu as induit ton peuple à me faire la guerre Apres t'auoir fait Roy, t'auoir au throne mis De ton pere, et pour toy les iustes Rois démis? Homme ingrat et pariure, abominable Prince, Tu as donc pour loyer reuolté ma prouince? Est-ce ainsi, malheureux, que tu me reconnois? Est-ce ainsi que tu rens le bien que tu reçois? Qui t'a mis en l'esprit de faulser ta parole? N'en faire non plus cas que de chose friuole? De pariurer ta soy? seroit-ce point ton Dieu, Ton Dieu, qui n'a credit qu'entre le peuple Hebrieu? N'est-ce point ce Pontise, et ces braues Prophetes,

Les choses predisans apres qu'elles sont faites?

1380

1385

Sammlung französ. Neudrucke. 5.

10

Respons traistre, respons, où t'es-tu confié 1390 De guerroyer celuy qui t'a gratifié?

Sedecie.

Le Dieu que nous feruons est le feul Dieu du monde,

»Qui de rien a basti le ciel, la terre et l'onde:

» C'est luy seul qui commande à la guerre, aux assaus: » Il n'y a Dieu que luy, tous les autres sont faux.

1395 [282^v] »Il deteste le vice, et le punist seuere,

» Quand il connoist sur tout que lon y perseuere. » Il ne conseille aucun de commettre vn messait, « Au contraire c'est luy qui la vengence en fait. « Ses Prophetes il a, que par fois il enuoye

1400 Pour radreffer fon peuple alors qu'il fe deuoye:

Par eux de nos malheurs il nous fait aduertir,

» A fin qu'en l'inuoquant les puißions diuertir.

» Mais helas! bien fouuent nostre ame est endurcie,

» Ne faifant conte d'eux, ny de leur prophetie:

1405 Et c'est quand il nous laisse, et nous donne en butin »Au peuple Aßyrien, Arabe, ou Philistin:

» Autrement foyez feur que toute force humaine, Quand il nous est propice, encontre nous est vaine. Et qu'encor vos foudars, bien qu'ils foyent indomtez,

Et qu'encor vos foudars, bien qu'ils foyent indomte

Sans qu'il a retiré de nous sa bien-vueillance Pour nous faire tomber dessous vostre puissance.

Or vous ay-ie offensé, ie confesse ce poinct, Ie vous ay offensé: mais qui n'offense point?

1415 Ma vie est en vos mains, vengez-vous dessur elle, Passez-moy vostre estoc iusques à la pommelle, Et ce peuple sauuez, qui n'a fait autre mal Sinon de se desendre et de m'estre loyal.

Nabuchodonofor.

Tu as donc, malheureux, par ton ingratitude 1420 Mis le glaiue en la gorge à ceste multitude: Quel supplice est sortable à ta mechanceté?

Sedecie.

»Vn supplice trop grief ressent sa cruauté.

Nabuchodonofor.

» Peut-on estre cruel enuers vn tel pariure? Sedecie.

»Comme en vne autre chose y faut garder mesure. Nabuchodonofor.

Tu en as bien gardé en me faulfant la fov.

1425

Sedecie. [283]

Faisant comme i'ay fait, vous faudriez comme moy. Nabuchodonofor.

Ton crime eft exceßif.

Sedecie.

Et gardez qu'exceßiue

La vengence ne soit sur vne ame chetiue.

Nahuchodonofor.

Penses-tu qu'on te traitte autrement qu'en rigueur? Sedecie.

Cela depend de vous, qui estes le vainqueur.

1430

Nabuchodonofor.

Voire il depend de moy, qui suis ton aduersaire. Sedecie.

»Le deuoir vous defend de m'estre trop seuere.

Nabuchodonofor.

Seuere? et quel tourment n'as-tu point merité? Sedecie.

Vous pesez mon merite et non ma qualité.

Nabuchodonofor.

Quelle? tu n'en as point.

Sedecie.

Non par mon infortune.

1435

Nabuchodonofor.

Sans que ie t'ay fait Roy, tu n'en aurois aucune.

Sedecie.

I'estois auparauant fils et frere de Rov.

Nabuchodonofor.

Ie t'ay baillé leur sceptre en t'obligeant à moy.

Sedecie.

Ne leur eftoy-ie pas successeur legitime?

10*

Nabuchodonofor.

1440 I'eusse peu confisquer le royaume pour crime.

Sedecie.

Qu'ainsi soit, ie suis Prince issu de sang royal.

Nabuchodonofor.

Tu es Prince voir'ment, mais Prince desloyal.

Sedecie.

En qui fçauriez-vous mieux monstrer vostre clemence?

Nabuchodonosor.

En celuy qui n'aura commis si griefue offense.

Sedecie.

1445 N'aurez-vous donque efgard à ma condition?

Nabuchodonofor.

Ie ne veux de personne auoir acception.

Sedecie.

Ne regardez au crime, ainçois à vostre gloire, Soyez sier en bataille et doux en la victoire, »Vostre honneur est de veincre et sçauoir pardonner.

Nabuchodonofor.

1450 » Mon honneur est de veincre et de reguerdonner.

Sedecie.

Quel honneur trouuez-vous à faire vn grand carnage De ceux que la fortune a fauuez de l'orage? Et qui chargez de fers et chetifs comme nous, Implorent vostre grace embrassant vos genoux?

Nabuchodonofor.

1455 Quelle grace veux-tu qu'à mes haineurs ie face?

Que voudriez qu'on vous fift estant en nostre place.

[283]

Nabuchodonosor.

Comment? estant rebelle et traistre comme toy? Vn ingrat, vn infame, vn violeur de foy? Plustost mille couteaux plongent en ma poitrine,

1460 Plustost tombe sur moy la celeste machine.

Sedecie.

Sire, confiderez que tout homme mortel » Peche cent fois le jour encontre l'Eternel,

» Qui sçait bien qu'en naissant nature nous y pousse,	
» C'est pourquoy, le scachant, tant moins il s'en courrouce.	
Sire, faites ainsi, vous estes en ce lieu,	1465
Le temple, la vertu, la semblance de Dieu,	
N'exercez dessur nous vn pouuoir tyrannique,	
Ains fauuez pour le moins cette tourbe Hebraïque.	
Ainsi le Tout-puissant soit à vostre secours,	
Benisse vostre race, et l'assiste tousiours.	1470
Nabuchodonofor.	
Tu as beau raisonner, ta peine est resolüe:	
Ce n'est de tes propos que parolle perdue.	
Ie fuis comme vn rocher eleué fur la mer,	
Que les flots ny les vents ne peuuent entamer.	
On pourroit escrouler plustost la terre toute	1475
Que de me démouuoir d'vne chofe refoute.	
Non, vous ferez punis, et l'infidelité	
De vos cœurs receura le guerdon merité.	
Sedecie.	
Sus donc cruel Tyran, affouui ton courage,	
Enyure toy de fang, rempli toy de carnage:	1480
Là bourreau ne te lasse, infecte l'air de corps,	
Egorge les enfans, tire le cœur des morts,	
Et le mange affamé, deuelopant ta rage	
Pire que d'vn lion et d'vn tygre fauuage.	
Tu n'as le cœur royal, et außi n'es-tu pas	1485
Sorti de noble race, ains d'vn lignage bas,	
De la fange d'vn peuple, et d'vne main brigande	
[284] As couru l'Aßyrie, où ta fureur commande.	
Nabuchodonofor.	
Tu parles brauement, mais deuant que bouger,	
Peut-estre on te verra de langage changer.	1490
Sedecie.	
Fay ce que tu voudras, monstre horrible, degorge	
Tout le fielleux venim de ta vilaine gorge,	
Ie ne te crains, bourreau, carnacier, massacreur,	
Ie ne redoute plus ny toy ny ta fureur.	
Nabuchodonofor.	
Tu fembles vn mâtin, qui abaye et qui grongne.	1495
, , , , , , , , , , , , , , , , , , , ,	

Sedecie.

C'est toy-mesmes mâtin, qui te pais de charongne. Nabuchodonofor.

Empoignez-le, Soudars, et le tirez d'ici, Ie ne tarderay guere à le rendre adouci.

Sedecie

Cherche nouneaux tourmens, et fur moy les deploye, 1500 Confulte tes bourreaux, tout cela ne m'effrove.

Nabuchodonofor.

Le desespoir qu'il a le rend audacieux, Ou bien pour m'emouuoir il fait le furieux: Mais fon effort est vain, il ne scauroit tant faire Qu'il euite sa peine, elle est trop exemplaire.

Chœur.

PAuures filles de Sion 1505 Vos liesses sont passees, La commune affliction Les a toutes effacees. Ne luiront plus vos habits De foye auec l'or tissue, 1510 La perle auec le rubis N'y fera plus apperceue. La chaisne qui deualoit Sur vos gorges iuoirines, Iamais comme elle fouloit 1515 N'embellira vos poitrines. [284v] Vos feins, des cedres plorans En mainte larme tombee Ne feront plus odorans, Ny des parfums de Sabee. 1520 Et vos vifages déteints De leur naturel albâtre, N'auront fouci que leurs teints Soyent peinturez de Cinabre. L'or crespé de vos cheueux 1525 Qui sur vos tempes se ioue 532

De mille folaftres nœux	
N'ombragera vostre ioue.	
Nous n'entendrons plus les fons	
De la foupireufe lyre,	1530
Qui s'accordoit aux chanfons,	
Que l'amour vous faisoit dire:	
Quand les cuifantes ardeurs	
Du iour estant retirees,	
On dançoit fous les tiedeurs	1535
Des brunissantes soirees.	
Et que ceux-la, dont l'amour	
Tenoit les ames malades,	
Faifoyent aux Dames la cour	
De mille douces aubades,	1540
Contant les affections	
De leurs amitiez fideles,	
Et les dures paßions	
Qu'ils fouffroyent pour l'amour d'elles.	
Las! que tout est bien changé,	1545
Nous n'auons plus que triftesse,	
Tout plaisir s'est estrangé	
[285] De nous, et toute liesse.	
Nostre orgueilleuse Cité	
Qui les citez de la terre	1550
Paffoit en felicité,	
N'est plus qu'vn monceau de pierre.	
Desfous ses murs démolis,	
Comme en communs cimeteres,	
Demeurent enseuelis	1555
La plus grand' part de nos freres.	
Et nous, malheureux butin,	
Allons foupirer captines,	
Bien loin dessous le matin,	
Sur l'Eufrate aux creuses riues.	1560
Où confites en tourment,	
Toute liberté rauie,	
En pleurs et gemissement	
Nous finirons nostre vie.	

LE PREVOST DE L'HOSTEL. AMITAL. LES ROYNES. LE CHŒVR

Le Preuost.

PLeust aux Dieus immortels de n'auoir onque esté,
Plustost qu'estre reduit à ceste extremité
D'obeir aux fureurs d'vn tyrannique maistre,
Ou resusant ma charge en sa desaueur estre.

»O qu'heureux est celuy qui vit tranquillement

1570 » En fon petit mesnage auec contentemeut.

Il ne voit tant d'horreurs commettre en sa presence,
Il ne voit esgorger vne foiblette enfance,
Et les Rois desastrez en miserables sers
Couchez dessus la paille accrauanter de fers.

1575 [285^v] Le cœur m'en attendrift, et croy qu'il n'est personne, Quelque cruel qu'il soit, qui ne s'en pasionne. Mais mon malheur est tel, dont plus ie me complains, Qu'à ces immanitez me faut mettre les mains. Il m'a donné la charge, ô chose miserable!

1580 D'enleuer de ce Roy la race lamentable, Qu'aux yeux du pauure pere il commande meurtrir, Pour le faire au tourment de ses enfans souffrir. Ie ne sçauroy porter les complaintes ameres Et les cris douloureux de leurs chetiues meres:

1585 Partant me faut couurir cet outrageux dessein, Et les trompant en seindre vn autre plus humain.

Les Roynes.

Qui est ce gentilhomme, ayant le front si sombre?

Amital.

Las! ie crains qu'il ne vienne annoncer quelque encombre.

Les Roynes. Non fera, si Dieu plaist, ie n'en ay point de peur.

Amital.

1590 Helas! si ay bien moy, i'en tremble dans le cœur.

Les Roynes.

Dieu nous vueille estre en aide.

Amital.

Ainfi foit.

Le Preuoft.

I'ay grand' ioye

De voir qu'vn si grand Roy sa clemence desploye.

Les Roynes.

Il ne vient point pour mal, Madame, asseurons-nous.

Le Preuost.

I'eusse pensé qu'il deust les perdre en son courroux.

Amital.

Refiouy toy, mon ame, et donne à Dieu louange.

1595

Le Preuoft.

Comme le cœur des Rois en vn moment se change!

Les Roynes.

Abordez-le Madame.

Amital.

Hé la peur me retient.

Le Preuost.

De leur rebellion plus il ne luy fouuient.

Ne voy-ie pas la Royne?

Amital.

Et quel nouuel affaire

Vous ameine vers nous? que nous voulez-vous faire? Nous venez-vous occire? ou d'iniuftes rigueurs,

1600

Apres tant de trauaux, renforcer nos langueurs? Dites-nous, ie vous pri, la fortune outrageuse Nous rendra desormais toute chose douteuse.

Le Preuost.

Ne foyez en esmoy, vostre mal a prins fin, [286] Le Roy s'est appaisé, c'est vn Prince benin.

1605

Amital.

Et mon fils Sedecie?

Le Preuost.

Il eftoit à cefte henre

Deuifant auec luy.

Amital.

Las pourueu qu'il ne meure!

Le Preuost.

Hà vrayment il n'a garde.

Amital.

Hé que i'en prens d'ennuy!

535

Le Prenoft.

1610 Il verra trespasser meint autre deuant luy.

Amital.

Dieu nous le vueille rendre.

Le Chœur.

Et nous autres captiues?

Le Preuost.

Vous renerrez bien tost vos paternelles riues.

Le Chœur.

O vray Dieu quand sera-ce? et quand viendra le iour Le iour tant desiré de nostre heureux retour?

Les Roynes.

1615 Et ces petits enfans si tendrelets encore, Qu'en veut-il estre fait?

> Le Preuoft. C'est pourquoy ie viens ore.

Les Roynes.

Hé, bon Dieu qu'est-ce-là?

Le Preuoft.

Le Roy vous conferuant

Aux droicts de vostre sceptre, ainsi qu'auparauant, Et remettant l'iniure à sa maiesté faite, 1620 Vous veut tenir suiets, et vostre foy suiette.

Amital.

Qu'il n'ait peur que iamais nous manquons de deuoir. Le Preuoft.

Il veut pour s'affeurer des hoftages anoir.

Les Roynes.

Quoy? ces petits enfans!

Le Preuost.

Ce sont ceux qu'il demande.

Les Roynes.

Las! que tout autre cas plustoft il nous commande.

1625 Retienne le royaume, et nous-mesmes plustoft,

Que prendre nos enfans en hostager depost.

Auroit-il bien le cœur de priuer vne mere

De son cher ensançon, qui est son ame chere?

Plustost plustost la mort, la mort nous aimons mieux,	
Qu'il nous face plustost mourir deuant ses yeux.	1630
Le Preuost.	
Et quoy? sçauroyent-ils estre en lieu plus honnorable?	
Les Roynes.	
Las! ils ne sçauroyent estre en lieu moins souhaitable.	
Le Preuoft.	
En la court d'vn grand Roy, royalement nourris	
Auecques ses enfans, de tous princes cheris.	
Amital.	
Excusez s'il vous plaist la tendreur maternelle.	1635
Le Preuoft.	
Las! ie l'excuse bien, c'est chose naturelle.	
[286 ^v] Amital.	
l'ay crainte que mon fils en porte desplaisir.	
Le Preuoft.	
N'en ayez point de peur, c'est son plus grand desir.	
C'est pour sa deliurance et pour leur auantage:	
C'est luy mesme, c'est luy qui les offre en hostage.	1640
Hà qu'il y a de Rois qui seroyent trionsans,	
S'ils auoyent ce credit d'y mettre leurs enfans,	
Pour auoir mesme table auec nos petits Princes,	
Qui les feront vn iour gouverneurs des Prouinces,	
Les chefs de leur conseil, respectez des seigneurs,	1645
Qui les fuiuront par tout, mendiant leurs faueurs.	
En gloire ils paroiftront fur les tourbes menues,	
Comme luisans Soleils qui escartent les nues,	
Comme vn mont eleué sur les petits coûtaux,	
Ou vn Cedre au Liban fur les arbres moins hauts.	1650
Que vous aurez de ioye, alors qu'on viendra dire	
Que vos enfans tiendront les refnes de l'Empire:	
Regiront les Medois, et les peuples qui font	
Les premiers œilladez du Soleil vagabond.	
Non non, ne craignez point, ne portez point d'enuie	1655
A l'heureuse fortune où le Roy les conuie:	
Liurez-les vistement sans plus deliberer.	
»Quand vn bien se presente il ne faut differer.	

Amital.

Allez donc mes enfans, allez à la bonne heure, 1660 Que par vous Sedecie en prifon ne demeure, Allez alaigrement: mes filles, et pourquoy Gemissez-vous ainsi? qui cause vostre esmoy?

Les Roynes.

Qui pourroit retenir nos larmes ruisselantes? Pourrions-nous en ce mal n'estre point larmoyantes?

Pour les aller occire, ou les faire feruir?
O que nos lits nopciers eussent esté steriles!
[287] Puisque nous deuions estre en royautez seruiles.

Amital.

Helas! que voulez-vous? il nous faut endurer, 1670 Voudriez-vous maintenant contre Dieu murmurer? Hà qu'il ne le faut pas, gardez-vous en, mes filles, Sa volonté se face en nous et nos familles.

Le Preuost.

Vous ne deuez plorer, finon que les grandeurs De vos enfans vous foyent iuste cause de pleurs.

Les Roynes.

Permettez-nous pleurer nos enfans miserables,
Nous ne les verrons plus: hé les pauures petits,
Que feront-ils sans nous entre vos mains captifs?

Amital.

Ils iront, hostagers, decaptiuer leur pere.

Le Preuoft.

1680 Mais ils l'iront remettre au thrône hereditaire.

Les Roynes.

Que c'est chose douteuse!

Amital.

Et mais quoy? pouuons nous

Autrement esperer de r'auoir vostre espous?

Les Roynes.

Nous ne l'esperons point.

Le Preuost.

N'en ayez defiance.

Amital.

Ie ne l'espere ausi que sur vostre asseurance.

Le Preuost.

Confiez-vous à moy, qu'il ne verra iamais De la grand' Babylon les murs ny le palais.

1685

Amital.

Mes filles, vous voyez qu'il n'y a point de feinte, Que sa parole est vraye, et sa promesse sainte. Car qui le contraindroit de feintement vser De propos mensongers, et de nous abuser?

1690

Pour prendre nos enfans il n'a besoin d'amorce, Il les peut emmener auec la seule force.

Qui l'en empescheroit? quel obstacle auroit-il? Tout nostre soible effort y seroit inutil.

1695

Pauurettes nous n'auons pour recours que les larmes, Les plaintes et les cris ce font nos feules armes. Ainfi, mes cheres Brus, nous ne deuons douter

Anni, mes eneres brus, nous ne deuons douter De bailler ces enfans, qu'il nous pourroit ofter.

[287^v] Les Roynes. Or allez de par Dieu chetiues creatures,

1700

De vostre geniteur courez les auantures, Viuez sers comme luy, vous estes bien ieunez, Mais ja comme forçats vous estes emmenez: Au moins que vos prisons le tirent de seruage! Sçauroit-on de sa foy prendre vn plus certain gage?

1705

Et vous, ô mes enfans, sçauriez-vous au bon Dieu Requerir rien meilleur, qu'estre mis en son lieu? O que, pour vous, le Roy toutes nous voulust prendre, Et piteux, espargner vostre ieunesse tendre! Nous irions volontiers, voire et nous presenter

Nous irions volontiers, voire et nous presenter A souffrir tous les maux qu'on pourroit inuenter.

1710

Amital.

Or adieu mes mignons, adieu mon efperance, Adieu de tant de Rois l'heroïque femence, Race du bon Dauid, ie ne vous verray plus, Vous ferez loin de nous en vn ferrail reclus. Puis de mes ans vieillards la trame est acheuee, Au bout de mes trauaux ie suis presque arriuee:

1715

Et long temps du Soleil, qui me luift ennuyeux, Les rayons etherez n'esclaireront mes yeux: Außi que tant de maux ont mon ame outragee, 1720 Qu'elle affecte se voir de son corps desgagee.

Adieu donc ma lumiere, adieu pour tout iamais, Las! ie n'espere pas vous renoir desormais.

Tie Preuoft.

Pour neant vous plorez, et que feruent vos pleintes? Les Roynes.

Nous sommes de douleur à larmoyer contreintes. Le Preuoft.

1725 Plustoft efgayez-vous, qui vous peut effrayer? Les Roynes.

» Quiconque est en malheur ne se peut esgayer. Enfans founenez-vous de vous rendre agreables, De feruir vos feigneurs, de n'estre intolerables, Superbes ny fafcheux: las! ce n'est pas à vous

1730 [288] De vous enfler de gloire, ains de complaire à tous.

- » Mais fur tout, mes enfans, ayez de Dieu memoire,
- »Seruez-le en vostre cœur, ne tendez qu'à sa gloire,
- Cheminez en sa vove, et n'en soyez distraits
- » Ny pour commandemens qui vous foyent onques taits.
- 1735 » Ny pour crainte de mort: fouffrez la mort cruelle »Plustost cent sois, que d'estre à vostre Dieu rebelle. »N'adorez qu'vn seul Dieu, que ce Dieu seulement

 - »Qui a fait mer et terre auec le firmament,

 - » Qui peut tout, qui fait tout, immortel, impaßible,
- 1740 » Qui ne se peut comprendre, à nos yeux inuisible,

 - »Aimez-le et l'honnorez, craignez de l'offenser. »Aux faux Dieux des Gentils gardez-vous d'encenser,
 - »Il en seroit ialoux: iamais ce grand Dieu n'aime
- »Qu'on leur face l'honneur qui n'est deu qu'à luy-même. 1745 »C'est luy qui nous fait viure, et qui pour nostre bien
- - »En six iours a basti tout ce monde de rieu.
 - »Ne l'oubliez iamais, mes enfans, ie vous prie,
 - »Et tant que vous viurez fuyez l'idolatrie.

Adieu mon cher fouci, vous me fendez le cœur, Ie transis de pitié, ie pers force et vigueur, Ie me sens affoiblir: si est-ce helas! si est-ce Que ie veux vous baiser deuant que ie vous laisse!

1750

Les Roynes.

O malheureux destin! ô fiere cruauté!
Deplorable grandeur! chetiue royauté!
Que la mort n'a plustost deuidé nostre vie!
Que n'a nostre pauure ame esté plustost rauie!
On vous emmeine, ensans, on vous emmeine helas!
Et vous ne ferez plus pendans entre nos bras
Nous baisotant le sein de caresses mignardes.
Et tirant nos cheueux de vos mains fretillardes,
[288] Parlant vostre ensantin, et les heures passant
Auec vos compagnons en esbat innocent.
Que nous baisons vos yeux et vos bouches tendrettes.
Helas! vous nous laissez à ces rines seulettes.

1755

1760

Chœur.

"LAs! c'est grand cas qu'on ne trouve personne
De courage assez haut,
"Qui la fortune et malheureuse et honne
"Supporte comme il faut,
"Sans se troubler de ses presens volages,
"Qui n'arrestent non plus
"Que l'Ocean, qui mouille ses riuages

1770

1765

»De flus et de reflus. »Car le bonheur ou l'enfle outre mesure,

»Quand il le va flatant: »Ou du malheur, furuenant d'auanture,

1775

1780

»Il fe rabaisse autant. »Ainsi, selon que fortune est muable,

»Nous le fommes außi:

»Comme elle change, aduerse ou fauorable.

»Nous changeons tout ainsi.

»Rien d'arresté ne se voit en ce monde, »On y brouille tousiours,

1820

»Le ciel, la terre, et la mer vagabonde, »Se changent tous les iours, Si maintenant le ciel est sans nuage. 1785 »Serein en fon contour, Incontinent vous verrez vn orage Nous embrunir le jour : Et si la mer en tempeste foudrove [289] »Contre les rocs battus. 1790 »En moins de rien nous la reuerrons coye, Et les vents abbatus. Ainfi la terre eft ores foleillee. Poudroyante d'ardeur, Ore eft humide aux entrailles mouillee, 1795 Ore a trop de froideur. Toy que fortune accompagne riante, Bien-heurant tes desseins, Crains qu'elle tourne, et te plonge inconftante En defastres soudains. 1800 » Ne t'orgueillis de l'heur de ta victoire, Car c'est vn don de Dieu, Qu'il peut reprendre, et t'en oftant la gloire Mettre vn malheur au lieu. Car luy qui maistre et terre et ciel tempere, 1805 »Qui tout fait et defait, · Comme il est bon, asprement se colere D'vn tyrannique fait. »Et c'est pourquoy, variant la fortune, »Qui de fa dextre part, 1810 Apres vn bien depart vn infortune, Puis autre bien depart. » ('ar il s'aigrift, quand il voit que sa grace » Nous rend audacieux, »Puis quand il a rabatu nostre audace, 1815 Il ferene fes yeux. » Celuy prudent, la fortune modere En ses instables tours, » Qui en malheur vn meilleur temps espere,

»En bon-heur craint toufiours.

1840

1845

[289] Mais Babylon n'en vse en ceste sorte, Que la prosperité En arrogance et cruauté transporte Sans peur d'aduerfité. Se baigne au sang du peuple Israëlite, 1825 Non contente d'auoir Par glaiue et feu Ierusalem destruite Tombee en son pouuoir. Sur nous vaincus elle vomist sa rage, Et n'a, cruelle, horreur 1830 De deployer fur le royal lignage Sa brutale fureur. Mais Dieu qui iuste a voulu nostre offense Chaftier par fes mains, Ne laissera, bien que tard, sans vengence 1835 Ses meurtres inhumains.

ACTE V.

LE PROPHETE. AMITAL. LES ROYNES.

Le Prophete.

O Barbare cruel, homme auide de sang! Qu'vne Tygre selonne a porté dans son slanc, Ennemi des mortels et leur commune peste, Execrable instrument de la rancœur celeste, Que tu es impiteux! que tu es sans merci! Que tu as en rigueur le courage endurci! Penses-tu qu'il y ait vn Dieu dessur ta teste, De tonnerres armé, d'esclairs et de tempeste, Vengeur de cruautez? Ou bien estimes-tu Qu'il foit, comme tes Dieux, vn bronze fans vertu? [290] Ie t'atteste, Eternel, Eternel ie t'appelle, Spectateur des forfaits de ce Prince infidelle, Descens dans vne nuë, et auec tourbillons, 11

1850 Grefle, tourmente, esclairs, brife ses bataillons, Comme on te veit brifer la blasphemante armee Du grand Sennacherib, à nos murs affommee: Et le chef de ce Roy foudroye aux yeux de tous, Qui superbe ne craint ny toy ny ton courroux.

1855 Trouble le ciel de vents, qu'en orage il noircisse. Qu'il s'emplisse d'horreur, que le Soleil pallisse, Que le feu qui brussa les deux enfans d'Aron. Qui brillant confomma les fauteurs d'Abiron, Qui deuora les murs de Sodome et Gomorre,

1860 Descende, petillant, et ces bourreaux deuore. Es-tu Dieu de Iuda, pour sans fin l'affliger? Pour nous donner sans cesse en proye à l'estranger? Englouti-nous plustost dans les terrestres gouffres,

Fay nous fondre aux enfers, plustost que tu nous souffres 1865 Opprimer des Gentils, lesquels ne sont sinon, Ton peuple bourrelant, que blaspliemer ton nom. Ils se gaussent de toy, ta force mesprisee Par nos aduerfitez leur fert d'vne rifee.

Et c'est ce qui nous gréue en nostre affliction, 1870 C'est de nos pasions l'extreme pasion.

Amital.

Hà bon Dieu!

Le Prophete.

L'arrogant penfe que son espee Ait contre ton vouloir nostre terre occupee. En est plus outrageux, n'attribuant qu'à soy Tout ce nouneau bon-heur qu'il a receu de toy.

Amital

1875 Las! i'ay crainte.

Les Roynes. Il y a quelque nouuel esclandre.

Le Prophete.

Bourreler des enfans en vn âge si tendre!

Les Roynes.

O piteux accident!

Amital.

O dure cruanté!

[290^v] Hé hé. Les Roynes.

Amital.

O Roy pariure! ô la deloyauté!

Le Prophete.

Et encor les meurtrir deuant les yeux du pere!

Les Roynes.

O bourreau de monarque!

Amital.

O beste sanguinaire!

1880

Le Prophete.

Pauures Dames, comment pourrez-vous supporter Vn si funeste encombre, et moy le rapporter?

Amital.

Hà Dieu quel desconfort!

Les Roynes.

Hé hé chetiues meres,

Meres pleines de dueil, d'esclandre et de miseres!

Le Prophete.

Ce mal est incredible, il n'a besoin de pleurs: 1885 »Les pleurs et les soupirs sont pour moindres douleurs.

Amital.

O mechant! detestable! as-tu bien le courage De rauir des enfans pour en faire vn carnage?

Les Roynes.

Hà le monstre infernal!

Le Prophete.

Il a faict pirement.

Amital.

Pirement? et en quoy? las! dites-nous comment.

1890

Le Prophete.

Derriere le chasteau, où le bruyant Oronte Coule en le trauersant d'vne carriere promte, S'estend vne grand' place ensermee à l'entour D'vne longue muraille, où flanque mainte tour: Là les Rois Syriens, quand ils vouloyent s'esbatre.

Enfermoyent les lions, pour les faire combatre.

1895

Le Roy que la fureur embrasoit au dedans, Comme vn bucher sarci de gros charbons ardans, Y entre forcené, monstrant à son visage,

1900 Et à ses yeux affreux, l'horreur de son courage.
Fait venir nostre Roy, palle, maigre, hideux,
Et les princes du peuple attachez deux à deux:
Le poil long et messé leur tomboit sur la face,
Leur barbe mal pignee espoisissoit de crace,
1905 Leur dos courbé plioit sous le seruile poix

Des chaifnes qui ferroyent leurs bras couchez en croix.

Les iambes leur enfloyent fous les fers efcorchees,

Et leur fein degoutoit de larmes efpanchees.

[291]

Amital.

O spectacle funebre!

Les Roynes.
O veinqueur inhumain!

Amital

1910 Peut vn Roy fi felon auoir vn cœur humain? Le Prophete.

Helas! ce n'est pas tout, car tout soudain nous vismes Presenter vos ensans comme pures victimes. Si tost que Sedecie entrer les apperceut, Transporté de sureur, se contenir ne sceut:

Qu'vne Tygre, qui voit ses petits qu'on emporte. Les pauures Enfantets auec leurs dois menus Se pendent à son col et à ses bras charnus, Criant et lamentant d'vne saçon si tendre,

1920 Qu'ils eussent de pitié fait vne roche fendre.

Ils luy leuoyent les fers, et d'efforcemens vains,
Taschoyent de luy saquer les menottes des mains,
Les alloyent mordillant, et ne pouuant rien faire,
Ils prioyent les bourreaux de deserrer leur pere.

1925 Luy, ayant le parler arrefté de fanglots, S'entre-pouffant l'vn l'autre außi dru que les flots D'vne mer courroucee, eleuoit, pitoyable, Ses yeux enflez de pleurs vers le ciel implacable,

1955

Le corps roide et tranfi, comme fi le tourment
Eust de son ame osté tout humain sentiment.
Chacun en eut pitié, nos plus durs aduersaires
Ne peurent, sans plorer, regarder ces miseres.
Les vns se retiroyent, ou destournoyent les yeux,
Les autres, gemissans, detestoyent terre et cieux,
Se battoyent l'estomac, se couuroyent le visage,
Et bas, contre leur Roy, vomissoyent maint outrage.

Mais luy non plus esmeu, que le cœur d'vn rocher, Les fait des bras du pere outrageux arracher: Puis d'vn regard meurtrier le guignant se renfrongne, [291] Descourant sa rancœur par son austere trongne. Luy reproche les biens qu'il auoit eus de luy, Qu'il l'auoit toutesois delaißé pour autruy, Comme vn traistre, vn ingrat, vn rebelle, vn pariure, Mais qu'il veut son forsait payer auec vsure.

Quand il luy eut tout dit ce qu'il auoit vouloir.

Il commande aux bourreaux de faire leur deuoir.

Lors le cœur nous transit, le sang de nostre face
S'escoula dans le sein, nostre front deuint glace,
Tout le corps nous trembla, comme fueilles aux bois,
Au gosier s'attacha nostre muette voix.

Vn silence, vn effroy par les troupes se glisse,
Nous pallissons d'horreur, tout le poil nous herisse.

Que ie taise le reste, helas? ie n'en puis plus:
Quelque autre suruiendra qui dira le surplus.

Amital.

Acheuez ie vous pri'.

Les Roynes.

Ne nous laissez en doute.

Amital.

Ie desire sçauoir ce que plus ie redoute.

Le Prophete.

Le pontife Sarree, à ce commandement, Se presente au bourreau sans espouuantement, Met les genoux à terre, eleue au ciel la veuë, Prie à Dieu que son ame aux saints lieux soit receuë, Qu'il vueille par pitié ses fautes oublier, Et du ioug des Gentils son peuple dessier. Cette parolle à peine il auoit acheuce, Que la teste luy est de son col enleuce. 1965 Le sang tiede jaillit, qui la place tacha, Et le tronc immobile à terre trebucha.

Amital. Les Roynes.

Misericorde!

Le Prophete.

Alors vne grande allegresse
Saissist les condamnez, chacun d'eux s'entrepresse
Pour courir à la mort, tous s'y viennent offrir:
1970 L'vn veut preuenir l'autre, et le premier souffrir.

[202] Oni a veu quelquessis guand vne ville premier souffrir.

[292] Qui a veu quelquesois, quand vne ville prise Par l'ennemy vainqueur est au pillage mise, Le peuple espounanté, pour la mort euiter, A la soule à la soule aux portes se ietter,

1075 S'estouffer, se gachir, à cause du grand nombre Des fuyarts accourus, qui s'entresont encombre. Cestuy-là se pourroit representer l'effort, Que ces Seigneurs faisoyent de se haster la mort.

Le tyran eut despit ent son ame bourrelle 1980 De leur voir au martyre vne asseurance telle, Et tost se repentit de les auoir contraints D'eschapper par la mort ses violentes mains.

Les Roynes.

Helas! mais nos enfans?

Amital. Helas! mais Sedecie?

Le Prophete.

Cela n'a du Tyran la rancœur adoucie, 1985 Ains forcenant plus fort, et se voulant gorger Du sang de vos ensans, les fait tous egorger.

Les Roynes.

O monstre abominable!

Le Prophete.

Et ce pendant le pere Voyant choir à fes pieds fa geniture chere,

Qui l'appelle en mourant, et qui luy tend les bras, Transpercé de douleur, donne du chef à bas, S'outrage de ses fers, se voître contre terre,	90
Et tasche à se briser le test contre vne pierre:	
Rugist comme vn lyon, ronge ses vestemens,	
Adiure terre et ciel, et tous les elemens.	95
Drug vovant les hourreaux à la macure lace,	09
Teints de sang s'approcher, humblement leur rend grace	
De venir terminer par vne prompte mort	
L'indomtable douleur qui ses entrailles mord.	
Mais eux branlant le chef, et montrant à leur trongne	
Think sallovent empercher a vite autre beiongue,	000
Testandent fur le dos, la face vers les cieux,	
[292v] Et luy cernent d'vn fer la prunelle des yeux.	
Amital. O cruauté barbare! ô prodige du monde!	
Les Roynes.	
O fiere Babylon, en outrages feconde!	
Amital.	
O trop feuere ciel!	
Les Roynes.	
O vengence de Dica:	. :05
O Dieu trop irrité contre le peuple Hebrieu!	
Amital.	
Las que ferons-nous plus? que ferons-nous plus ores?	
On'anous nous que la mort nour requerir encores:	
Vien mort, vien mort heureuse! et ne viendras-m pas:	
To cours a tant de gens qui craignent le trespas,	2010
Et tu me fuis dolente! aumoins vien à cette heure,	
Il est temps, si iamais, il est temps que ie meure.	

Mes filles foupirez, pleurez, foyez en deul, Ayez durant vos iours cet exercice feul. Vos enfans font occis, vostre espoux venerable 2015 Deplore entre ses fers son destin lamentable. Ses iours font aueuglez, et vous allez errant Entre vne tourbe serue à ces bords soupirant. Mes filles foupirez, et lamentez fans cesse,

Alambiquez en pleurs vostre belle ieunesse:

Dediez-vous au dueil, et ne pensez, helas! Tandis que vous viurez auoir autre foulas. Mes filles foupirez, plorez vos infortunes.

Ils ne font pas communs, vos pleurs ne foyent communes: 2025 Ie vous plains plus que moy, qui viurez plus long temps. Et qui estes encore en vostre beau printemps. Mais pleurez, foupirez, et que le temps n'effine L'eau tombant de vos veux en vne large pluve.

Les Roynes.

O defastres cruels! ô rages! ô fureurs! 2030 O detestables faits! ô Scythiques horreurs! O la deflovauté d'vn monstre sanguinaire! O des Rois ensceptrez l'eternel vitupere! [293] O meurtrier d'innocens! ô pariure! bourreau! Qui au sein des enfans vas tremper le couteau, 2035 Efgorge efgorge nous, ne te feins homicide, Vien amortir ta foif dans nostre sang liquide: Nos enfans n'en auoyent pour te ressasser, Pren le nostre et le boy, nous tendons le gosier.

Amital

Est-ce ainsi qu'ils deuoyent demeurer en hostage, 2040 Et le Roy leur feigneur deliurer de feruage? Est-ce ainsi qu'ils deuoyent de l'Asie ordonner Quand ils feroyent en âge, et les Rois gouuerner? O propos mensongers! ô promesse trompeuse! O desloyal courage! ô fraude malbeureuse!

Les Roynes.

2045 Hé cruel! tu disois que le Roy ne mourroit, Et que iamais, captif, Babylon ne verroit: O que tu disois vray! car iamais de sa veuë Ne fera Babylon ny autre cité veuë. O misere! ô mechef! pauure Roy aueuglé, 2050 Par ton malheur le nostre est du tout redoublé. Employons nostre vie à soupirer et plaindre, Puisque nous n'auons plus qu'esperer ny que craindre. Amital

O Dieu, qui vois du ciel nos esclandres diners, Tout ainsi que te sont nos forfaits descouners,

Qui des Prestres sacrez à ta gloire immortelle
Viens de voir icy bas l'occision cruelle,
Ne puniras-tu point ce Roy perfecuteur,
Bien que de ta colere il foit l'executeur?
Le fang des innocens infqu'à ton thrône monte,
Se presente à tes yeux, las! n'en feras-tu conte?

≥060 -

2055

Les Roynes.

Plutoft fay nous meurtrir. fay-nous meurtrir plutoft, Nous n'auons plus desir que de mourir bien toft.

Amital.

Il faut auparauant que nostre soin procure [293] Que les corps trespassez soyent mis en sepulture, De peur qu'ils soyent la proye et des loups affamez Et des corbeaux bécus, s'ils n'estoyent inhumez.

2065

Les Roynes.

Allons madame, allons, nous fommes toutes preftes. Pour garder nos enfans de la gueule des beftes. Qui fournira de pleurs à nos yeux tariffans? Qui fournira de force à nos corps languiffans? Quels funebres foupirs tirez de nos entrailles Pourront fuffire au dueil de tant de funerailles?

2070

Amital.

Or allons de par Dieu, rendons leur ce deuoir, Et puis face de nous la Parque fon vouloir. Ce nous fera grand heur fi la mort nous enferre, Sans voir de Babylon l'iniurieuse terre.

2075

Le Prophete.

Hé Dieu quel deconfort! iamais affliction Si estrange ne sut à filles de Sion. Las! qu'il faut bien que Dieu eust la poitrine pleine D'vn amas de courroux, pour lancer telle peine Contre son peuple eleu! qu'il falloit que son cœur Fust de long temps espris de mortelle rancœur!

2080

Tu reçois, Ifraël, les rigoureux falaires De tes propres pechez et de ceux de tes peres, Tu endures pour eux. Mais quoy? ne voy-ie pas Nostre infortuné Roy tourner icy ses pas?

2085

arner ley les pas

Hà chofe pitoyable! vn Roy de la femance Du fidelle Danid estre en telle souffrance! Comme fes yeux efteints vont decoulant à val 2000 Le fang au lieu de pleurs, par leur double canal! Las que c'eft grand pitié! vray Dieu comme il foupire. Hà qu'il fouffre, hà qu'il fouffre vn angoiffeux martyre!

SEDECIE. LE PROPHETE. [294]

Sedecie.

A Stres, qui fur nos chefs eternels flamboyez. A Regardez mes tourmens, mes angoisses voyez, 2095 Mes yeux ne verront plus voftre lumiere belle. Et vous verrez toufiours ma paßion cruelle: Vous me verrez vn Roy priué de liberté, De royaume, d'amis, d'enfans et de clairté. Qui vit si miserable? autour de ceste masse 2100 Voyez-vous vn malheur qui mon malheur furpaffe?

Le Prophete.

Non, il est infini, de semblable il n'a rien. »Il en faut louer Dieu tout ainfi que d'vn bien.

Sedecie.

Toufiours foit-il benift, et que par trop d'angoisse Iamais desepreré ie ne le deconnoisse.

2105 Ie fçay bien que ie l'ay mille fois irrité, Que i'ay trop instement mes peines merité, Que i'ay fon ire esmeuë, et que par mon seul crime I'ay incité à mal toute Ierofolyme. Ie fuis caufe de tout, ie le fçay, mais pourquoy

2110 Me fait-il torturer par vn pire que moy?
Par ce Roy Chaldean qui rien ne le redonte, Qui sa grace n'inuoque, ainçois qui la reboute?

Le Prophete.

Et ne sçauez-vous pas qu'il le fait tout expres, Le fouffre en ses horreurs, pour l'en punir apres? 2115 »Il vie de sa dextre à venger son colere, »Comme fait d'vne verge vne prudente mere

2135

2140

2145

2150

»Enuers fon cher enfant, quand vne maunaitié » Qu'il a fait à quelqu'vn, veut qu'il soit chatié. »Car apres cet vsage en la flamme on la rue, [294^v] »Ou auecques mespris est en pieces rompue. »Ainsi Dieu vengera les massacres commis 2120 » Par ce Roy carnacier, bien qu'il les ait permis. Les maux qu'il nous a faits il luy sçaura bien rendre. Et quelquefois sera Babylon mise en cendre.

Sedecie

Qu'ainsi puisse auenir, et qu'elle sente vn iour, 2125 Qu'elle y pensera moins, nos malheurs à son tour. Qu'elle entende qu'au monde il n'est rien perdurable, » Qu'il n'y a qu'vn feul Dieu qui ne foit perissable, Qui hait les cruautez, de carnages comblant »La maison de celuy qui ha le cœur sanglant. 2130

Le Prophete.

Non non, affeurez-vous qu'vne estrangere race En bref rabaissera son orgueilleuse audace. Comme foudres ie voy les peuples d'Aquilon Descendre par milliers fur ton chef, Babylon. Ie voy les morions esclatter sur leurs testes, Les scadrons indomtez bruire comme tempestes, De piques herissez, faisant de leurs bouclairs Comme d'vn ciel fortir vn orage d'éclairs. Ie les voy ia camper autour de tes murailles, Brifer tours et rempars, remplir de funerailles Tes temples et maisons, tes vierges captinant, Et au fang des occis leurs cheuaux abrennant.

Toy qui le temple faint de nostre Dieu supreme As cruel profané, vomiffant maint blafpheme Contre la maiesté, qui reneré n'as point Celuy qu'il a pour Roy par ses l'ontifes oint, Qui ses Prestres as mis au trenchant de l'épee, Qui l'as dans le gosier des innocens trempee,

Te voîtrant fur leurs corps, prendras, homme fanglant, La figure d'vn bœuf pafturant et buglant. [295] Dieu le veut, Dieu l'ordonne, et par moy fon Prophete

Sedecie.

O feigneur nostre Dieu, ton cœur soit adouci Vers ton affligé peuple, et le pren à merci, 2155 Tire ses pieds des ceps, et clement le deliure, Ne le souffre long temps les idolâtres suiure.

Le Prophete.

Le Soleil feptante ans dessus nos chefs luira Tandis qu'en Babylon Israel feruira: Mais le cours acheué de ces dures annees, 2160 Ses infelicitez se verront terminees.

Vn Roy Persan viendra, plein de benignité, Qui fera rebastir nostre antique cité, Ses tours s'eleueront et ses murailles sortes, Les portaux redresses se fermeront de portes:

2165 Et au temple deuôt par nous redifié,
Dieu mieux qu'auparauant fera glorifié,
Les autels fumeront de placables hosties,
Et feront des faux Dieux nos ames diuerties.
Quelques fiecles apres le Seigneur enuoyra

2170 Son Chrift, qui les pechez des peuples netoyra, Destruisant les Enfers, et desiré Meßie Viendra pour mettre fin à toute Prophetie.

FIN.

adung für literarhistorische, grammatische und lexikophische Arbeiten erleichtert die überall durchgeführte lenzählung.

Die französischen Neudrucke wenden sich nicht nur Studierende und Lehrer der neueren Sprachen, sondern ih an die vielen Freunde der französischen Literatur dan die Liebhaber literarischer Seltenheiten. Die rlagshandlung wird den Zweck des Unternehmens dassen weiteste Verbreitung durch möglichst billigen eis zu fördern suchen.

Jährlich erscheinen einige Bändchen. Jedes Bändchen einzeln käuflich.

Erschienen:

- .. De Villiers. Le Festin de Pierre ou le fils criminel. Neue Auszabe von W. Knörich. Geh. M. 1.20.
- 2 Armand de Bourbon. Prince de Conti. Traité de la comedie et des spectacles. Noue Ausgabe von Karl Vollmöller. Geh. M. 1.60.
- 3. Robert Garnier. Les tragedies. Treuer Abdruck der ersten Gesammtausgabe (Paris 1.555). Mittelen Varianten aller vorhergehenden Ausgaben und einem Glossar herausgegeben von Weindelin F. einen.
 - I. Band: Porcie, Cornelie, M. Antoine, Geh. M. 3,60.
- II. Band: Hippolyte, La Troade, Geh. M. 2.80.

Zunächst soll sich anschliessen:

es tragédies de Robert Garnier. IV. Band. (Schluss.)

an de Mairet, Sämmtliche Werke.

cobi Sylvii Ambiani in linguam gallicam Isagoge (1531). can de la Forge, le Cercle des Femmes Scavantes (1663). rammaire de P. de la Ramee, lecteur du Roy, en l'Université de Paris (1572).

Die provenzalische Poesie der Gegenwart von Or. Ed. B
geh. 3
Mireia. Provonzalisches Ogdieht in zwälf Gesingen von Fi Mistral. Misselbstbogrambischer Vorrede des Verfasser Joffung, Anmerkungen etc. bersetzung in Versen von Ball, Dornoux-Brackhar (In Commission.) geh. M
had Fortaine's Pabelin. Mr. Einles and deutschem Comvon Dr. Adolf Laun, Processor in Theil in einem
geh. M
Herder's Cid., die französische und die spanische Quelle sammengestellt von A. S. Vögelin.
Dante-Forschungen. And a mit Nones von Karl Witte, f
Mit Dante's Bildress nuch Giotto, usch der 1-10 wied
dickten Frescobilde im P Hazo del Barge de Pretorio),
dasralberi \$11. Thermali . I in Kupter Cestochen v(c
Thaster. geh. M. — — H. Band, Mit Dande's Bildwiss nach oner alten
zeichnung und dem Plan von Florenz zu Ende des XIII
hunderts. geh. M. Shaksperer scii()E-wickla gsg.ag: in seinen Werken.
Edward Dowden. Mite Bewilligung des Verfassers üb
von W. Wag nerg
Znr Volkskunde, Alto find den Anfsitze von Felix Liebr
Gedanken und Bemerkungen über das Studium der ne
Sprachen an den de læhen Hoch elmlen von Prof. Or.
Körting.
Der Sprachunterricht muss umkehren! Ein Beitrag zur
burdungstrage von Quousque Tandem. geh. M.
Die Entfastung der überbürdeten Schuljugend der M
schulen. Zwei Dialoge von Prof. Dr. August Behaghe
geh. M

Literaturblatt

1.50

germanische und romanische Philolo

Unter Mitwirkung von Prot. Dr. Karl Bartsch
herausgegeben von

Prof. Dr. Otto Behaghel und Prof. Dr. Fritz Neuman

Abonnementspreis M. 5.—, pro Semester von 6 monati. Nummein; von ca. 32 Spalten. 4°.

Abonnements werden durch alle Buchhandlungen des In- und Auslandes sowie die Postanstalten vermittelt. PQ 1625 G2A14 1882a Bd.3

Garnier, Robert Les tragédies

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

